


Tuarascáil Bhliantúil



Clár Ábhar

1

Réamhrá

1

Cé muid, cad é a dhéanaimid agus cén fáth a ndéanaimid é

4

Teachtaireacht ó Uachtarán agus Cláraitheoir/Príomhoifigeach an CCÉ: Súil Siar ar 2019

2

Straitéis: Torthaí agus Gníomhaireacht

6

An dul chun cinn ar ár gclár straitéiseach athraithe agus feabhais in 2019

13

Gníomhaíocht ag tacú lenár misean

3

Rialachas agus Cuntasacht

28

Conas a chinntíomar ardchaighdeán den rialachas inmheánach

35

Tuarascáil ónár gCoiste Iniúchta agus Riosca

37

Ár dTuarascáil ar Bhainistíocht Riosca

41

Ár dTuarascáil Airgeadais

46

Ár Ráitis Airgeadais

Cé muid, cad é a dhéanaimid agus an fáth a ndéanaimid é

Tá Tuarascáil Bhliantúil an CCÉ don Bhliain 2019 curtha faoi bhráid an Aire Sláinte de réir mhír 17(1) de Sceideal 1 le hAcht Cógaisíochta 2007. Clúdaíonn an Tuarascáil an tréimhse idir an 1 Eanáir 2019 agus an 31 Eanáir 2019.

Is muidne Cumann Cógaiseoirí na hÉireann (CCÉ), comhlacht poiblí arna bhunú faoin Acht Cógaisíochta 2007 chun sláinte, sábháilteacht agus folláine othar agus an phobail a chosaint trí chógaiseoirí agus cógaslanna in Éirinn a rialú. Cé gur comhlacht rialála neamhspleách muid, oibrímid, chun críocha na cuntasachta poiblí, faoi choimirce an Aire Sláinte. Is é Comhairle an CCÉ, gurb é an tAire a gceapann na 21 chomhaltaí air, a dhéanann muid a rialáil.

Cad é a Dhéanaimid

- Clárimid cógaiseoirí, cúntóirí cógaisíochta agus cógaslanna;
- Socraímid caighdeáin don oideachas agus don oiliúint cógaisíochta, agus cinntímid go bhfuil na cógaiseoirí uile ag glacadh leis an fhorbairt ghairmiúil leanúnach (FGL) oiriúnach;
- Tugaimid tacaíocht le forbairt an chleachtais chógaisíochta chun tairbhe othar agus an chórais sláinte níos leithne;
- Cinntímid go gcomhlíontar leis an dlí cógaisíochta agus le ceanglais eile trí chlár chigireachta agus measúnaithe fiúntais, agus fhorfheidhmithe, nuair is gá, agus déanaimid bainistíocht ar ghearáin oifigiúla a dhéantar i gcoinne cógaiseora nó cógaslainne, lena n-áirítear ceaduithe a fhorchur; agus
- Cuirimid comhairle agus treoir ar fáil don phobal, don lucht gairme chógaisíochta agus don Rialtas maidir leis an gcúram, an chóireáil agus an tseirbhís chógaisíochta in Éirinn.

An fáth a ndéanaimid é

Creidimid go bhfuil an pobal i dteideal a bheith ag súil le, agus ardchaighdeán cúraim a fháil ó chógaiseoirí, agus gur cheart go mbeadh cógaslanna á bhfeidhmiú de réir na gcaighdeán is airde is féidir. Creidimid gur cheart go mbeadh an pobal in ann muinín a bheith acu i gcónaí as cógaiseoirí agus as cógaslanna chun an caighdeán seo de chúram agus de sheirbhís a chur ar fáil. Táimid ag iarraidh go mbeidh ról lárnach againn sa mhéid sin a éascú agus creidimid gurb é an bealach is fearr chun é seo a dhéanamh cur chuige comhoibríoch a bhfuil baint ag gach duine atá tiomanta do chúram agus do sheirbhísí cógaisíochta ar ardchaighdeán leis.

Creidimid go bhfuil sé tábhachtach, mar chuid dár bhforbairt leanúnach, agus muid ag déanamh iarrachta an muinín a dhaingniú san earnáil cúraim sláinte, rialaithe agus poiblí seo atá ag athrú ó bhonn go leanúnach, go leagaimid síos cuspóirí straitéiseacha dúshlánacha ionas go gcuirimid lenár láidreachtaí, go mbeidh an rannpháirtíocht níos éifeachtaí agus go mbíonn tionchar ag an obair a dhéanaimid ar na daoine a bhfuilimid ag freastal orthu. Is éard is cuspóir lenár Straitéis Chorporáideach 2018-2020 ná na cuspóirí sin a chur chun ar aghaidh.

Ár Misean

Cosnaímid sláinte, sábháilteacht agus folláine othar agus an phobail trí ghníomhaíocht thráthúil agus éifeachtach a dhéanamh lena chinntiú go bhfuil cógaiseoirí in Éirinn inniúil agus go bhfuil cógaslanna ag feidhmiú de réir ardchaighdeán sábháilteachta agus iontaofachta.

Ár bhFís

Go bhfuil rochtain ag an bpobal ar sheirbhísí cógaisíochta iontaofa agus go gcuireann CCÉ ar bhealach soiléir agus follasach le hinfhaighteacht agus le cáilíocht na seirbhísí sin.

Ár Luachanna



Freastal ar an bpobal

Tá sábháilteacht an phobail ag croílár gach rud a dhéanaimid, agus gníomhaímid chun an tsábháilteacht sin a chinntiú.



Tábhacht gach aon duine

Sílimid go bhfuil gach aon duine lena n-oibrímid tábhachtach, táimid buíoch díobh agus tá meas againn orthu.



Obair i gcomhair le chéile

Oibrímid i gcomhpháirt lenár gcomhghleacaithe agus lenár ngeallsealbhóirí go léir.



Ceannaireacht a thabhairt le dea-shampla

Bímid ionraic agus oibiachtúil i ngach rud a dhéanaimid. Tá ár mbearta bunaithe ar an fhianaise.



Fáilteach roimh an athrú

Táimid nuálach agus téimid in oiriúint chun torthaí agus feabhsuithe a bhaint amach i gcónaí.

Ár nGnóthachtálacha Is Mó Tábhacht in 2019

Cód Iompair

I mí Mheán Fómhair, sheolamar an leagan athbhreithnithe agus nuashonraithe den *Chód Iompair - Prionsabail, Caighdeáin agus Eitic Gairmiúla do Chógaiseoirí*

Rinneamar sé imeacht faisnéisithe náisiúnta a reáchtáil chun tacú le cógaiseoirí plé a dhéanamh ar an gCód athbhreithnithe

An Claochlú Gnó

Chuireamar an chéad chéim dár gclár um an gclaochlú digiteach agus d'fhorbairt ár sruth oibre 'Better Ways of Working' i gcrích



Mary Kirwan, Abhcóide, Joanne Kissane, Uachtarán an CCÉ, agus Niall Byrne, Cláraitheoir an CCÉ ag seoladh an Chóid Iompair do chógaiseoirí, Meán Fómhair 2019

Ráiteas Riosca Rialála

D'fhorbraíomar *Ráiteas Riosca Rialála* chun a chinntiú go bhfuil cur chuige cuimsitheach againn i leith na bainistíochta riosca rialála



Nósanna imeachta sainaitheantais agus cláraithe atá cóir agus éifeachtach a áirithiú

Chuireamar tús le hathbhreithniú agus le leasúchán ar an mbealach aitheantais tríú tír atá againn

Rinneamar comhóstáil ar Chomhdháil ar Ghairmithe Cúraim Sláinte Tras-Teoranta i mí Feabhra



Niall Byrne, Cláraitheoir an CCÉ, Mairead McGuinness, FPE, Ginny Hanrahan, POF, CORU, agus Paul Buckley, Ard-Chomhairle Leighis na RA, ag Comhdháil an HPCB, Feabhra 2019

EFQM

Tar éis measúnú seachtrach neamhspleách a bheith déanta, bronnadh Aitheantas 4-Réalta Barr-Fheabhais orainn i mí Mheán Fómhair



Niall Byrne, Cláraitheoir an CCÉ ag labhairt ag searmanas bronnata aitheantais 4 réalta EFQM i dteach CCÉ, Meán Fómhair 2019

Teachtaireacht ón Uachtarán agus ón gCláraitheoir/ bPríomhoifigeach: Súil Siar ar 2019



Inár gcáilíocht mar an rialtóir reachtúil cógaiseoirí agus cógaslanna in Éirinn, tá sé de dhualgas ar an CCÉ sláinte, sábháilteacht agus folláine an phobail a chosaint agus a chur chun cinn. Leanamar ar aghaidh i rith 2019 le clár fairsing de ghníomhaíochtaí agus den rannpháirtíocht chun an cuspóir atá againn iontaoibh a bheith sa chógaslann tríd an rialáil éifeachtach a chur ar aghaidh.

Ba é 2019 lárphointe na straitéise reatha atá againn, ina bhfuil treo soiléir maidir leis an athrú, an fhorbairt agus an feabhsúchán san eagraíocht leagtha amach faoi cheithre théama leathana. Sa Tuarascáil Bhliantúil seo, tá an dul chun cinn atá bainte amach againn chun ár gcuspóirí a bhaint amach sa bhliain leathdhéanach dár straitéis don tréimhse 2018 - 2020.

Bhí seoladh an leagan athbhreithnithe agus nuashonraithe den *Chód Iompair - Prionsabail, Caighdeáin agus Eitic Gairmiúla do Chógaiseoirí* ar thionscadal suntasach dár gcuid, sa CCÉ, in 2019. Bhí obair shuntasach atá déanta sa CCÉ le dhá bhliain anuas léirithe sa Chód athbhreithnithe agus nuashonraithe. Seoladh an Cód ar Lá Domhanda na gCógaiseoirí i mí Mheán Fómhair agus tháinig sé i bhfeidhm an 21 Deireadh Fómhair. Is é seo an dara leagan den Chód Iompair ón CCÉ agus bhí próiseas fairsing comhairliúcháin áirithe mar chuid den athbhreithniú. Rinneamar iarracht aghaidh a thabhairt ar an iliomad forbairtí i soláthar an chúraim sláinte le deich mbliana anuas agus béime curtha leis sin air go gcinnteofar go dtacaíonn an Cód le cógaiseoirí le bheith ag obair i gcónaí chun na torthaí sláinte is fearr is féidir a thabhairt dá n-othar. Rinneadh foilsiú an Chóid athbhreithnithe a mharcáil le himeachtaí faisnéise ar cuireadh ar siúl timpeall na tíre, inar cuireadh leis an díospóireacht chun saincheisteanna a raibh tábhacht ag baint leo do chógaiseoirí mar ghairmithe cúram sláinte a mheas. Táimid ag súil go mór le níos mó de na himeachtaí tarraingteacha seo a óstáil in 2020.

Tá an CCÉ tiomanta dó go n-áiritheofar go bhfuil iontaoibh ag an bpobal ionainn tríd an gcaoi a gcomhlíonaimid ár ndualgas a athrú ó bhonn agus trí triail a bhaint as bealaí rialála nua atá comhréireach, éifeachtach agus éifeachtúil araon. Tá sé de dhualgas ar chomhlachtaí rialála, dála an CCÉ, rioscaí agus díobhálacha féideartha a bhaineann lenár réimse cuntasachta a aithint agus freastal orthu ar bhealach atá oiriúnach, chun sláinte agus sábháilteacht othar agus an phobail a chosaint. Le linn 2019, d'fhoilsíomar Ráiteas Riosca Rialála, agus leagtha amach ann an bealach a ndéanaimid an riosca a shainmhíniú, a shainaithint, a anailísiú agus freagra a thabhairt dó sna réimsí cuntasachta go léir atá againn. Tá sé mar aidhm againn, agus an cur chuige straitéiseach riosca-bhunaithe seo a chur i bhfeidhm sa rialáil a dhéanaimid ar chógaiseoirí agus cógaslanna, an riosca díobhála d'othair a laghdú trí chógaslann a bheith chomh sábháilte agus is féidir mar thimpeallachtaí.

Le linn 2019, leanamar ar aghaidh lenár gcuid oibre chun caighdeáin nua a fhorbairt chomh maith a bhfuil sé mar sprioc lárnach acu conas is féidir le maor-chógaiseoirí rialú níos fearr a dhéanamh ar chaighdeáin agus ar an tsábháilteacht i gcógaslanna miondíola.

Inár gcáilíocht mar an rialtóir, úsáidfidimid na caighdeáin seo chun an cháilíocht i gcógaslanna a mheas freisin, agus is féidir leis an bpobal na caighdeáin a úsáid ionas go mbeidh a fhios acu cad is féidir leo a bheith ag súil leis ó chógaslann ardchaighdeáin. Tugtar tacaíocht don obair seo leis an gcúnamh atá ar fáil ó Ghrúpa Comhairleach um Chaighdeáin lena gcuimsítear daoine ón earnáil cógaisíochta, ó ghrúpaí othar, agus daoine eile a bhfuil taithí ábhartha acu, a bhfuilimid tar éis iad go léir a thabhairt le chéile chun an próiseas forbartha caighdeán a threorú agus bonn eolais a chur faoi.

Táimid buíoch as an gcúnamh luachmhar a fuarthas trí chomhairliúchán scóipe, agus ón nGrúpa Comhairleach um Chaighdeáin. Tá forbairt na gcaighdeán fós mar thionscadal lárnach dúinn in 2020.

Mar is amhlaidh atá sé maidir le go leor comhlachtaí poiblí eile, ba bhliain ghnóthach í 2019 mar gheall ar cheisteanna a bhaineann le Breatimeacht. Rinneamar breithneoireacht ar raon leathan d'ábhair dhúshlánacha agus rinneamar measúnú ar na rioscaí a bhaineann go ginearálta, agus go háirithe, leis an obair a dhéanaimid féin agus leis an obair a dhéantar san earnáil cúram sláinte agus cógaisíochta níos leithne. D'oibríomar ar an gceist seo i gcomhar le ranna rialtais, lenár gcomhghleacaithe rialála san Ríocht Aontaithe (RA). D'ullmhaíomar rialacha reachtúla leasaithe chun clárú éifeachtach dhaoine a bhfuil cáilíochtaí ón RA acu a éascú i gcás Breatimeacht gan margadh a bheith ann. Is é an aidhm atá againn ná a chinntiú go leanfaimid orainn ag comhlíonadh ár bhfreagrachtaí gan mórán cur isteach agus go gcinnteoidimid cothabháil lucht oibre na gcógaiseoirí tar éis Breatimeacht a tharlú. Ag féachaint ar aghaidh do 2020, leanfaimid orainn ag tabhairt aghaidh ar na dúshláin a thagann chun cinn le himeacht an RA ón tAontas Eorpach (AE) tar éis don idirthréimhse atá ann faoi láthair teacht chun críche.

Aithnímid an tábhacht a bhaineann leis an ardchaighdeán san obair a dhéanaimid, maidir leis an gcaoi a gcomhlíontar ár bhfeidhmeanna chomh maith leis an gcaoi a ndéanaimid ár straitéisí a fhoirmiú agus an chaoi a dtéimid i dteagmháil lenár ngeallsealbhóirí. Agus an méid sin curtha san áireamh, chuireamar tús lenár dturas feabhsúcháin cáilíochta chun aitheantas a bhaint amach leis an bhFondúireacht Eorpach um Bainistíocht Cáilíochta (EFQM) in 2017. In 2019, chuireamar isteach le haghaidh measúnaithe sheachtraigh neamhspleáigh ón EFQM agus bhíomar an-bhródúil aitheantas 4 réalta EFQM a bhaint amach dá bharr. Is éacht suntasach é seo ina bhfuil tiomantas ár gcomhghleacaithe sa CCÉ dár misean léirithe agus ina dtaispeántar fianaise shoiléir go bhfuil an CCÉ dírithe ar fhíorluach poiblí a bhaint amach. Déanfaimid iarracht na torthaí seo a chothú agus a fheabhsú amach anseo.

Ba mhaith linn an deis seo a thapú chun buíochas a ghabháil leis an gComhairle, le baill an Choiste agus le foireann an CCÉ as an díograis agus as an obair atá curtha acu i ngach aon réimse dár gcuid oibre. Go háirithe, tugaimid aitheantas don Uachtarán atá chun a oifig a fhágáil, Rory O'Donnell, as an díograis atá léirithe aige agus an tseirbhís atá déanta aige le linn a théarma oifige, chomh maith le baill eile de chuid na Comhairle agus de chuid an Choiste ar tháinig a dtéarmaí chun críche mbliana.

Ní féidir le haon rialtóir oibriú ina aonar, agus inár ról mar an rialtóir cógaisíochta, táimid ag brath ar an gcomhoibriú, ar an meitheal oibre, ar ionchur agus ar an gcomhpháirtíocht i gcomhar le raon leathan daoine agus páirtithe leasmhara. Tá an teagmháil seo ríthábhachtach dúinn chun freastal ar an misean atá againn, agus chun dearbhú go dtugann an creat rialála cosaint ar fáil agus go mbaintear amach luach leis. Táimid buíoch dár gcláraithe, do ghníomhaireachtaí agus do chomhlachtaí rialála eile, don Roinn Sláinte, agus do go leor páirtithe eile as a gcomhoibriú agus a dtacaíocht le linn 2019.



Niall Byrne
Cláraitheoir/Príomhoifigeach



Joanne Kissane
Uachtarán

Torthaí agus Gníomhaireacht

An dul chun cinn ar ár gclár straitéiseach athraithe agus feabhais in 2019

Is é ár dtiomantas inár Straitéis Chorporáideach 2018-2020 iontaoibh sa chógaisíocht a dhearbhu tríd an rialúchán éifeachtach. Tá ceithre réimse straitéiseacha ar leith ann faoina gcuirimid torthaí sonracha i gcrích.

An ghairmiúlacht agus an ardchaighdeán sa chógaslann a chur chun cinn

Déanfaimid ár ndícheall chun tacú leis an ngairmiúlacht sa chógaisíocht agus cuirfimid seirbhísí cógaisíochta ar fáil atá sábháilte agus iontaofa araon.



Tionchar a imirt as an gcomhoibriú agus an rannpháirtíocht a neartú

Cuirfimid lenár rannpháirtíocht agus leis an gcumarsáid a bhíonn againn le geallsealbhóirí lena chinntiú go bhfuil tionchar ag an obair a dhéanaimid agus go bhfuilimid dírithe ar na príomhréimsí torthaí.

Ag rialáil go héifeachtúil ar mhaithe le torthaí sláinte agus sábháilteachta othar níos fearr a réadú

Rialaímid ar bhealaí atá comhréireach, éifeachtach agus rioscabhunaithe, agus leagaimid béim ar príomhréimsí atá ábhartha do shláinte agus sábháilteacht othar.



Eagraíocht éifeachtach a bhunú agus ár bhfeidhmíocht a thagarmharcáil

Forbróimid eagraíocht shofhreagrúil agus ardfheidhmíochta, a bheidh in ann ár misean a chur i gcrích agus a dhéanfaidh measúnú neamhspleách ar ár bhfeidhmíocht.

Réimse torthaí straitéiseacha 1: An ghairmiúlacht agus an ardchaighdeán sa chógaslann a chur chun cinn



Nósanna imeachta sainaitheantais agus cláraithe atá cóir agus éifeachtach a áirithiú

Tar éis chinneadh an RA an AE a fhágáil, leanamar orainn ag obair i gcomhar le ranna rialtais, lenár gcomhghleacaithe rialála san RA, agus le daoine eile maidir le hathruithe a mbeidh tionchar acu ar fheidhmeanna an CCÉ, agus ar an timpeallacht sláinte agus cógaisíochta níos leithne. D’fhanamar ar an airdeall faoi na himpleachtaí a d’fhéadfadh teacht chun cinn sa chás go dtarlódh Breatimeacht gan margadh, agus chinntíomar go n-ullmhódh agus go gceadódh an tAire dréacht-Rialacha Clárúcháin lena síniú ag an Aire dá dtarlódh a leithéid.

Tar éis comhairliúcháin ar na leasuithe atá beartaithe ar Rialacha CCÉ (Clárúcháin) 2008, cheadaigh Comhairle an CCÉ staid beartais nua i mí Mheán Fómhair. Leis an bpost nua seo éascaítear bealach athbhreithnithe aitheanta ina ndéanfar breithneoireacht i leith, i measc nithe eile, taifead acadúil an iarratasóra, a thaithí oibre agus a fhorbairt ghairmiúil leanúnach, agus a thabharfadh deis don iarratasóir aghaidh a thabhairt ar aon easnaimh atá ann, agus ar an gcaoi sin bheadh próiseas níos trédhearcaí agus níos cothroime ann. Cuirfear an bealach nua atá beartaithe, mar atá sainithe sa bheartas, i ngníomh in 2020.

An Cód Iompair - Prionsabail, Caighdeáin agus Eitic Gairmiúla

Ag teacht sna sála ar phróiseas suntasach athbhreithnithe agus comhairliúcháin a ndearnadh ar an gCód Iompair do chógaiseoirí, tháinig Cód nuashonraithe i bhfeidhm an 21 Deireadh Fómhair agus leagtha amach ann na prionsabail, caighdeáin agus eitic do chógaiseoirí. Tugtar aitheantas sa Chód nuashonraithe do na hathruithe a tharla i seachadadh an chúraim sláinte le blianta beaga anuas, leis an ról atá ag gcógaiseoirí atá ag athrú de réir a chéile agus tacaíonn an Cód le feidhmiú breithiúnais ghairmiúil na gcógaiseoirí i gcomhlíonadh na freagrachtaí gairmiúla atá acu d’othair agus don phobal i gcoitinne. Baineann an Cód le gach aon chógaiseoir beag beann ar an áit a bhfuil a chleachtas lonnaithe, agus tá sé dírithe go sonrach ar an othar, agus béim curtha ann ar a chinntiú go gcleachtann gach uile chógaiseoir ar bhealaí lena gcothaítear agus lena bhfeabhsaítear sláinte, folláine agus sábháilteacht an othair, chomh maith leis an gcúram a dtugtar dóibh. Mar a éilítear faoin Acht Cógaisíochta 2007, rinne an Coimisiún um Iomaíocht agus Cosaint Tomhaltóirí agus an tAire Sláinte an Cód nuashonraithe a fhaomhadh.

Chun tacú le cógaiseoirí le húsáid leanúnach an Chóid, d’fhorbraíomar sraith acmhainní, lena n-áirítear dhá fhíseán ina bhfuil prionsabail an Chóid mínithe, agus uirlis cinnteoireachta eiticíúil chomh maith le roinnt aincheisteanna eiticíúla ar chóir do chógaiseoirí iad a mheas. Tá an fhaisnéis seo ar fáil i gcuid ar leith de shuíomh gréasáin an CCÉ agus tá sí mar chuid de na hábhair atá le húsáid chun an Cód a rolladh amach de réir a chéile.

Caighdeáin Chreidiúnaithe MPharm

Tá sé ar cheann de phríomhfheidhmeanna an CCÉ ardchaighdeán oideachais agus oiliúna a chur chun cinn agus a chinntiú dóibh siúd atá ag iarraidh a bheith ina gcógaiseoirí in Éirinn. Mar chuid den ról seo, ní mór na caighdeáin chreidiúnaithe a leagan síos do na cláir oideachais sa chógaisíocht a thairgeann na hinstiúidí ardoideachais in Éirinn.

Agus muid ag leanúint ar aghaidh na hardchaighdeán sin a chur chun cinn agus a chothabháil, tá oibleagáid orainn na caighdeáin chreidiúnaithe a athbhreithniú go rialta. Rinneamar athbhreithniú i 2019, agus bhí gá teagmháil a dhéanamh le páirtithe leasmhara ábhartha agus comhairliúchán poiblí a dhéanamh mar chuid de. Cuireadh grúpa saineolaithe i mbun freisin chun an obair seo a threorú. D'fhaomh an Chomhairle na caighdeáin nuashonraithe i mí Mheán Fómhair.

Creat na nInniúlachtaí Lárnacha do chógaiseoirí

Mar rialtóir, tá sé ar cheann de na freagrachtaí atá againn cinnte a dhéanamh de go bhfuil na gnéithe tábhachtacha go léir curtha i bhfeidhm chun áirithiú an cleachtas cógaisíochta ar ardchaighdeán in Éirinn. Tá Creat na nInniúlachtaí Lárnacha ar cheann de na gnéithe seo. Tá cur síos ar inniúlachtaí agus iompraíochtaí cógaiseoirí ina gcleachtas laethúil le fáil sa Chreat agus tá sé mar aidhm aige cleachtas cógaiseoirí a léiriú ag na céimeanna luatha dá ngairm. Rinneadh é a fhorbairt ar mhaithe le cabhair a thabhairt do chógaiseoirí feabhas a chur lena gcleachtas agus leis na torthaí dá n-othair tríd an fhéin-mhachnamh, tríd an fhéinmheasúnú agus trí riachtanais foghlama a aithint dóibh féin.

Ós rud é gur tugadh an Creat reatha isteach den chéad uair in 2013, bhí sé in am tús a chur le hathbhreithniú lena chinntiú go bhfuil na hinniúlachtaí a theastaíonn ó chógaiseoir chun na héilimh agus na hionchais sin a chomhlíonadh fós léirithe ann. Cuireadh tús leis an athbhreithniú in 2019 le sraith de chruinnithe luath-teagmhála. Leanfar ar aghaidh leis an obair in 2020, le cleachtadh tagarmharcála agus tuilleadh rannpháirtíochta le páirtithe leasmhara agus comhairliúchán poiblí.

Caighdeáin Rialachais agus Chuntasachta san Earnáil Mhiondíola Cógaisíochta

Leanadh ar aghaidh leis an obair chun Caighdeáin nua Rialachais agus Cuntasachta a fhorbairt do Ghnólachtaí Cógaisíochta Miondíola in 2019. Tá sé beartaithe go dtacóidh na Caighdeáin seo leo siúd a bhfuil príomhról rialachais acu (úinéirí cógaslanna agus cógaiseoirí ceannfoirt) seirbhísí cógaisíochta sábháilte agus iontaofa a sholáthar don phobal, chomh maith leis na torthaí is fearr is féidir dóibh. Creidimid go bhfuil an dea-rialachas go maith don ghnó agus go bhfuil sé go maith d'othair, agus ceapfar ár gCaighdeáin chun bonn slán fiúntach a chur ar fáil ar féidir an dea-rialachas sa chógaisíocht a chur i mbun agus a thaispeáint.

Rinneamar athbhreithniú litríochta ar chaighdeáin agus treoir idirnáisiúnta a thugann aghaidh go sonrach ar an rialachas agus ar an gcuntasacht i seirbhísí cógaisíochta agus i seirbhísí cúram sláinte chun bonn eolais a chur faoi fhorbairt na gcaighdeán. Bhí dhá fhócasghrúpa againn, ceann amháin díobh le hothair, agus an ceann eile le cógaiseoirí ceannfoirt. Rinneamar comhairliúchán scóipe freisin chun tuairimí a bhailiú ó chógaiseoirí agus ó gheallsealbhóirí eile faoi na príomhréimsí ar cheart aghaidh a bheith tugtha dóibh sna Caighdeáin agus chun samplaí den dea-chleachtas cógaisíochta a shainaithint. Beidh an t-aiseolas go léir a fhaightear leis, mar aon leis an fhianaise, taighde agus acmhainní eile, mar chuidiú mór chun na Caighdeáin a fhorbairt, ar tionscadal tosaíochta é don bhliain 2020.

Réimse torthaí straitéiseacha 2: Tionchar a imirt as an gcomhoibriú agus an rannpháirtíocht a neartú



Teagmháil a dhéanamh le geallsealbhóirí agus leis an bpobal

Tá Straitéis Cumarsáide an CCÉ dírithe ar an tábhacht a bhaineann leis an gcumarsáid éifeachtach agus leis an rannpháirtíocht fhóntach chun feasacht agus tuiscint ar ról an CCÉ mar rialtóir na cógaisíochta a chruthú, agus chun cur leis an fheasacht agus leis an tuiscint sin. Tá sé mar aidhm aige cur leis an gcaidreamh atá againn lenár ngeallsealbhóirí tríd an chaidreamh tábhachtach a neartú ionas go ndeimhneofar go gcuireann rialáil na cógaisíochta agus soláthar seirbhísí cógaisíochta sábháilte agus éifeachtacha go cuí le feabhsú leanúnach na seirbhísí sláinte. D'fhonn ár gcuspóirí a bhaint amach, agus torthaí dearfacha sláinte poiblí a chur chun cinn, aithníonn an CCÉ an tábhacht, agus an riachtanas, a bhaineann leis a bheith ag obair i gcomhar le raon leathan geallsealbhóirí seachtracha chun ár gcuspóir eagraíochtúil lárnach a réadú ionas gur féidir a dheimhniú leis an rialáil éifeachtach go mbeidh iontaoibh sa chógaisíocht. Anuas ar na trí chomhairliúchán phoiblí a tionóladh, reáchtáladh rannpháirtíochtaí eile le cláraithe eile i rith na bliana.

Chun tacú le cógaiseoirí dul i ngleic leis an gCód Iompair athbhreithnithe, reáchtáladh sé imeacht faisnéise ar fud na tíre inar bhuaileamar le beagnach 200 cógaiseoir. Bhí an t-aiseolas a fuarthas ó na daoine a d'fhreastail orthu an-dearfach agus bhí fonn soiléir le feiceáil i measc an lucht freastail go gcuirfeadh an CCÉ níos mó imeachtaí dá leithéid ar siúl. Rinneamar an Cód a sheoladh ar Lá Domhanda na gCógaiseoirí, rud inar léirigh tábhacht an Chóid chun na caighdeáin agus na heitic a leagan síos le haghaidh an chleachtais cógaisíochta atá gairmiúil comhaimseartha, nach mór dó a bheith othar-lárnaithe, iontaofa agus cuntasach araon.

I mí Feabhra rinneamar comhdháil, Health Care Professionals Crossing Borders (HPCB), a gcomh-óstáil le CORU i mBaile Átha Cliath. Tháinig breis is 120 ionadaí ó rialtóirí cúram sláinte lonnaithe san Eoraip, ó chomhlachtaí gairmiúla agus rialtais náisiúnta, le chéile ag an gcomhdháil, agus tugadh deis ann do chomhghleacaithe rialála agus do dhaoine eile ó gach cearn den Eoraip soghluaisteacht na ngairmithe sláinte a phlé chomh maith le sábháilteacht na n-othar.

Deis úsáideach ab ea comhdháil na Comhairle um Cheadúnú, Forfheidhmiú agus Rialúchán (CLEAR) i SAM i Meán Fómhair chun labhairt le agus foghlaim ó go leor rialtóirí eile. Thug CLEAR cuireadh dúinn seimineár gréasáin beo a óstáil i mí Feabhra freisin chun plé a dhéanamh ar an gcaoi a ndearna an CCÉ an Cód Iompair nua do Chógaiseoirí a fhorbairt. Seisiún idirghníomhach a bhí ann, agus roinnt dár gcomhghleacaithe rialála idirnáisiúnta ag freastal ann, agus tugadh deis ann chomh maith plé a dhéanamh ar roinnt samplaí de chinntí eiticíúla ar féidir le cógaiseoirí teacht orthu sa chleachtas laethúil.

Arís i mbliana, i mí na Samhna, bhí seastán ag an CCÉ ag an gcomhdháil Náisiúnta um Shábháilteacht Othar, áit ar thugamar suntas don Chód Iompair nua agus do Ráiteas Riosca Rialála an CCÉ. Tugadh cuireadh dúinn póstaer a chur ar taispeáint chomh maith ar ar léiríodh an próiseas lenar fhorbraíomar ár Ráiteas Riosca Rialála.

Bhí deis againn freisin ról an CCÉ a chur i láthair do go leor páirtithe leasmhara i rith na bliana ar fad. Rinneamar cur i láthair ar dhearcadh an rialtóra ar ról an chógaiseora do SAGE Advocacy, agus rinneamar cur i láthair do Mhic Léinn MPharm ó na trí Scoil Cógaisíochta freisin.

Réimse torthaí straitéiseacha 3: Ag rialáil go héifeachtúil ar mhaithe le torthaí sláinte agus sábháilteachta othar níos fearr a réadú



An Treoir um Chógas Leighis Falsaithe

Tháinig an Treoir um Chógas Leighis Falsaithe i ngníomh an 9 Feabhra 2019. Tá sé mar aidhm ag cur i bhfeidhm na Treorach a chinntiú go leanfar ag soláthar cógas leighis d'othair gan mhoill agus a chinntiú freisin go n-oibríonn na páirtithe leasmhara, na déantúsóirí, na mórdhíoltóirí, na cógaiseoirí agus na gairmithe cúram sláinte eile go léir chun cur leis an iontaobh in oibriúchán an chórais sábháilteachta nua. Chun cuidiú linn leis a chur i mbun feidhme, tá an CCÉ ag obair go dlúth i gcomhar leis an Roinn Sláinte, leis an Údarás Rialála Táirgí Sláinte, le hOifig Fíoraithe Cógas Leighis na hÉireann (IMVO), leis an FSS agus le Comhaltas na nOspidéal Príobháideach mar chuid den Ghrúpa Maoirseachta um Ghnéithe Sábháilteachta Náisiúnta. I rith na bliana ar fad, tháinig an CCÉ le chéile leis an IMVO uair sa mhí míosúil chun faisnéis a roinnt leo ar chun feidhme na treorach i gcógaslanna. Thug foireann an CCÉ cuairt ar 63 cógaslann chun comhlíonadh na Treorach a mheas agus chun aird a thabhairt ar fhadhbanna atá ag cógaslanna mar gheall uirthi a bheith curtha i bhfeidhm. Bhí an córas ag céim na tréimhse 'bain triail aisti agus foghlaim uaithi' le linn 2019 chun am breise a chur ar fáil don chóras bail sheasmhach a bheith curtha air. Tiocfaidh deireadh leis an tréimhse 'bain triail aisti agus foghlaim uaithi' de réir a chéile ón 31 Eanáir 2020 ar aghaidh.

Ráiteas Riosca Rialála

Tá an CCÉ tiomanta do bheith éifeachtach agus éifeachtúil mar rialtóir riosca-bhunaithe. Is éard atá i gceist leis seo ná bealaí nua rialála a aimsiú. Ciallaíonn sé freisin am agus acmhainní a chaitheamh ar an measúnú riosca ar fud raon iomlán ár bhfreagrachtaí rialála. Chun cabhrú linn chun é sin a bhaint amach, d'fhoilsíomar ár Ráiteas Riosca Rialála le linn 2019. Tá an bealach a ndéanaimid an riosca rialála a shainiú, a aithint agus a anailísiú leagtha amach ann, chomh maith leis an tslí a dtabharfaimid freagairt dó. Clúdaíonn an ráiteas tréimhse tosaigh trí bliana (2019-2021). Le linn na tréimhse sin, athróidh na modhanna oibre atá glactha againn maidir leis an measúnú riosca agus maidir leis an freagairt ar an riosca ar aon dul leis an méid a bheidh foghlamtha againn féin agus de réir forbairtí a thagann i réimse na cógaisíochta. Beimid ag daingniú prionsabail agus cleachtas rialála riosca sna próisis ábhartha uile mar chuid dár dtionscadal leanúnach um an gclaoclú gnó freisin.

An sainchúram rialála i gcógaslanna ospidéil

Lean an CCÉ ar aghaidh leis an obair atá á déanamh aige ag scrúdú fhorálacha an Achta Cógaisíochta 2007 mar a bhaineann siad le ranna cógaisíochta ospidéil atá cláraithe faoin Acht mar ghnólachtaí cógaisíochta miondíola. Is éard is cuspóir leis seo ná soiléireacht a thabhairt do gach uile dhuine bainteach maidir leis an sainchúram rialála atá ag an CCÉ sa timpeallacht áirithe seo. Tá sé beartaithe an tionscadal seo a thabhairt i gcrích in 2020. Ag teacht sna sála ar an athbhreithniú atá déanta ar in-chláraitheacht na ngnólachtaí cógaisíochta miondíola ospidéal-bhunaithe, rinneamar iniúchadh in 2019 chomh maith ina ndéanadh mionfhaire ar gach aon ghóthas cógaisíochta miondíola ospidéal-bhunaithe chun déanamh amach cad é leibhéal agus cineál na seirbhísí gairmiúla sna ranna ospidéil atá cláraithe faoi láthair. Chuaigh an CCÉ i dteagmháil ghníomhach leis an Roinn Sláinte freisin maidir leis an reachtaíocht atá le teacht maidir le ceadúnú ospidéal.

Acht Cógaisíochta 2007 a athchóiriú

In 2019, lean an CCÉ ar aghaidh ag obair i gcomhar leis an Roinn Sláinte chun Acht Cógaisíochta 2007 a athchóiriú. Cuireadh tús leis an obair seo in 2018 agus leanfar ar aghaidh léi, i gcomhpháirtíocht leis an Roinn Sláinte, in 2020.

Athbhreithnithe téamúla

Leanadh ar aghaidh le taighde ar fhorbairt athbhreithnithe téamúla le linn 2019. Is é aidhm an tionscadail seo iniúchadh mionsonraithe a dhéanamh ar an gcaoi ar féidir leis an CCÉ clár athbhreithnithe téamúla a chur i bhfeidhm ar na príomhréimsí sábháilteachta agus cáilíochta sna seirbhísí cógaisíochta miondíola, agus é mar aidhm aige sin go gcuirfear leis an iontaoibh atá ag an bpobal sa chógaisíocht trí meastóireacht a dhéanamh ar cháilíocht agus sábháilteacht na seirbhísí cógaisíochta. Mar gheall air sin, spreagfar an feabhas agus an forbairt cáilíochta leanúnach sa chleachtas cógaisíochta agus i soláthar seirbhísí cógaisíochta miondíola in Éirinn. Is é aidhm an tionscadail ná an mhodheolaíocht a fhoilsiú chun athbhreithnithe a dhéanamh ar théamaí agus iad a thuairisciú go poiblí agus athbhreithnithe píolótacha a dhéanamh agus na tuarascálacha forbhreathnaithe gaolmhara a fhoilsiú. Tá an tionscadal seo nasctha le forbairt na gCaighdeán um Rialachas agus Cuntasacht (a luadh iad níos luaithe) agus cuireadh ar fionraí é le linn 2019 go dtí go dtabharfar na Caighdeáin chun críche.

Réimse torthaí straitéiseacha 4: Eagraíocht éifeachtach a bhunú agus ár bhfeidhmíocht a thagarmharcáil



An claochlú gnó

Tá an tionscadal feabhsúcháin straitéiseach seo deartha chun feabhas mór a chur ar an soláthar seirbhíse atá curtha ar fáil ar líne againn dár gcláraithe agus chun ár bpróisis oibre inmheánacha a shruthlíniú, agus an bhéim curtha sa chéad chéim den obair in 2020 ar ardán cláraithe nua. Tá foireann thiomnaithe tionscadail curtha i mbun againn agus chuireamar tús le hobair i gcomhar le soláthraí seirbhíse seachtracha in 2019 chun tacú linn an tionscadail um chlaochlú seirbhísí digiteacha a bhaint amach, tionscadal atá mar chuid dár gclár foriomlán um an gclaochlú gnó. Ar aon dul le beartas an Rialtais, tá an CCÉ tiomanta do chur chuige “digiteach ar dtús” agus d’fhoilsíomar ráiteas beartais chuige seo in 2019.

EFQM

Aithnímid sa CCÉ an tábhacht a bhaineann leis an ardchaighdeán san obair a dhéanaimid, maidir leis an gcaoi a gcomhlíontar ár bhfeidhmeanna chomh maith leis an gcaoi a ndéanaimid ár straitéisí a fhoirmiú agus an chaoi a dtéimid i dteagmháil lenár ngeallsealbhóirí. Chuireamar ár n-aighneacht isteach san Fhondúireacht Eorpach um Bainistíocht Cáilíochta (EFQM) le measúnú seachtrach a bheith déanta air i Meitheamh 2019. Leis sin, clúdaítear ár bpróisis ghnó, ár bhforbairt straitéise agus ár rannpháirtíocht custaiméirí agus foirne. Thug foireann measúnóirí EFQM cuairt dhá lá ar an CCÉ ar feadh i mí Iúil 2019. Le linn na cuairte ar an láthair, rinne na measúnóirí athbhreithniú ar thaifid agus chuir siad agallaimh ar chuid de na baill foirne d’fhonn an fhaisnéis sa doiciméad aighneachta a bhailíochtú agus a dhearbhu. I mí Mheán Fómhair, bhaineamar amach aitheantas ceithre réalta, mar aon le haiseolas cabhrach. Leanfaimid orainn an disciplín agus na bealaí cur chuige atá mar bhonn agus taca le sármhaitheas ar fud an CCÉ a dhaingniú.

Straitéis Acmhainní Daonra

Cuireadh tús le cur i bhfeidhm straitéis AD an CCÉ 2018-2020 - *An Cumas a Neartú Le Daoine* in 2019. Tá sé mar aidhm ag an straitéis tacú leis an Straitéis Chorporáideach ar bhonn níos leithne agus tá sí bunaithe ar thrí shraith: daoine inniúlachta a mhealladh, a fhorbairt agus a choinneáil; an CCÉ a bheith mar fhostóir de rogha; agus feabhas a chur ar an trédhearcacht sna hAcmhainní Daonra. Rinneadh obair shuntasach in 2019 chun athnuachan agus nuashonrú Lámhleabhar Foirne an CCÉ a chur chun cinn, a bhí mar thoisc lárnach chun an trédhearcacht a fheabhsú faoinár Straitéis Acmhainní Daonna.

Athbhreithniú ar chistiú todhchaíoch an CCÉ

D’fhonn a chinntiú go ndéantar ár sruthanna maoinithe agus ár straitéisí forbartha fórsa saothair a ailíniú agus go dtacaímid le seachadadh ár bhfeidhmeanna reachtúla agus feidhmeanna eile, chuireamar tús le hobair ar athbhreithniú straitéiseach ar chistiú todhchaíoch an CCÉ. Cuireadh tús le hobair ar ráiteas scóipe don athbhreithniú straitéiseach seo in 2019. Tá paraiméadair an tionscadail seo leagtha amach ann, chomh maith leis an chéimniú lena gcuirfear i bhfeidhm é thar na blianta atá amach romhainn.

Gníomhaíocht atá de thacú lenár misean

Chomh maith leis na tionscadail athraithe straitéiseacha agus forbartha a rinneadh in 2019, leanamar orainn ag seachadadh ár bpríomhfheidhmeanna, le gníomhaíocht oibríochtúil fairsing ar siúl i réimsí an chláraithe, na cigireachta, an imscrúdaithe, an bhreithnithe gearán agus cúrsaí araíonachta, na forbartha cleachtais agus rialachas éifeachtach na heagraíochta.

Clárúchán

Clár cógaiseoirí, cúntóirí cógaisíochta agus cógaslanna

Caithfidh gach cógaiseoir, cúntóir cógaisíochta agus gnó miondíola cógaisíochta a bheith cláraithe le CCÉ agus iontráilte ar an gclár ábhartha d'fhonn cúram, cóireáil nó seirbhísí cógaisíochta a chur ar fáil don phobal. Ní mór do chláraithe iarratas a dhéanamh ar a gclárúchán leanúnach gach uile bhliain chun a stádas cláraithe a choimeád.

Tháinig méadú ar líon na gcógaiseoirí atá cláraithe, suas ó 6,246 in 2018 go 6,506 in 2019. Tháinig laghdú de 20 duine ar líon na gcúntóirí cógaisíochta cláraithe sa tréimhse chéanna. Bhí 1,956 gnóthas cógaisíochta miondíola ar Chlár an CCÉ ag deireadh 2019, suas ó 1,945 in 2018.

Cuireadh 139 chlárúchán ar Chlár na gCógaiseoirí ar ceal, agus baineadh 22 cógaiseoir go neamhdheonach uaidh ar chúiseanna éagsúla mar shampla nár éirigh leo iarratas a dhéanamh ar chlárú leanúnach, nár éirigh leo a dtáille cláraithe bliantúil a íoc agus ina dhiaidh sin nár éirigh leo iarratas a dhéanamh ar chealú deonach. Ag seo a leanas na cúiseanna a luaigh na cógaiseoirí lena chlárú a bheith curtha ar ceal: Chuaigh 19 cógaiseoir ar imirce, chuaigh 34 cógaiseoir ar scor, bhí 14 cógaiseoir ag filleadh ar Éirinn ó thíortha eachtracha, agus chuir beirt chógaiseoirí a gclárú le haghaidh na saoire staidéir ar ceal. Níor thug na 48 gcógaiseoir eile cúis. In 2019, chuir 12 chúntóir cógaisíochta a gclárúchán ar ceal go deonach, thug naonúr le fios gurbh é an scor ba chúis leis agus níor luaigh an chuid eile díobh aon chúis leis. Rinneadh clárú ochtar gcúntóir cógaisíochta a chur ar ceal go neamhdheonach. Rinne 27 chógaiseoir agus aon chúntóir cógaisíochta amháin a gclárú leis an CCÉ a athfheidhmiú in 2019.

Teastais maidir le stádas gairmiúil reatha arna eisiúint ag an CCÉ

Eisimid Teastais maidir le Stádas Gairmiúil Reatha Eisithe thar ceann cláraithe a bhfuil clárú á rochtain acu i ndlínsí eile. In 2019, d'eisíomar 60 deimhniú dá leithéid.

An cárta gairmiúil Eorpach (EPC)

Is nós imeachta leictreonach é sásra EPC, ar féidir le cónaitheoirí AE é a úsáid chun a gcáilíochtaí gairmiúla a bheith aitheanta i dtír AE eile. Nuair is mian le cónaitheoir AE bogadh chuig agus obair a dhéanamh i stát AE eile, éascaíonn an stát baile fíorú chomhad Fhaisnéis an Mhargaidh Inmheánaigh an iarratasóra agus déanann an stát óstach ionchasach an cinneadh an cháilíocht atá ag an duine a aithint. Ní bhfaightear teidlíocht uathoibríoch chun cleachtaidh mar gheall ar do cháilíocht a bheith aitheanta. In Éirinn, caithfidh gach uile chógaiseoir a bheith cláraithe leis an CCÉ sula mbeidh sé i dteideal cleachtadh, agus ní féidir clárú leis an CCÉ ach amháin más rud é go bhfuil do cháilíocht aitheanta. Fuarthas 18 iarratas EPC san iomlán in 2019. Díobh siúd, ceadaíodh 15 iarratas, tarraingíodh siar ceann amháin díobh, agus diúltaíodh ceann amháin mar gheall ar mhainneachtain na n-iarratasóirí na cáipéisí riachtanacha a chur isteach in am. Ag deireadh na bliana, tá iarratas amháin ar siúl go leanúnach.

An nós imeachta um shásra foláirimh

Éilíonn an nós imeachta maidir leis an sásra foláirimh idir tíortha AE ar gach Ballstát rabhadh a thabhairt dá chéile má tá srianta cleachtais ar ghairmithe i ngairm sláinte nó leanbh-ghaolmhar. Ní mór foláirimh a chur i bhfeidhm freisin i ndáil le gairmithe a d'úsáid dioplómaí falsaithe chun a gcáilíocht a aithint. Faightear foláirimh gach lá agus déanann an CCÉ iad a thaifeadadh. Déanaimid iniúchadh ar na foláirimh seo má bhaineann siad le cógaiseoirí. In 2019, d'eisíomar dhá fhógra cógaiseora d'údaráis inniúla san AE maidir le cógaiseoirí atá cláraithe leis an CCÉ. Eisíodh na foláirimh seo mar gheall ar chúiseanna suntasacha maidir le cleachtas an duine ghairmiúil a bhí i gceist.

Feabhsúchán oideachais

Déanaimid monatóireacht ar an gcomhlíonadh le haon choinníollacha a fhorchuirtear, nó gealltanais a ghabhann le clárú duine mar thoradh ar fhiosrúchán oiriúnachta chun cleachtadh. Fágann sé sin go ndéanann an CCÉ monatóireacht ar an gcláraí, fad is atá siad ag obair chun na torthaí a bhfuil súil leo a bhaint amach agus na hinniúlachtaí ábhartha a léiriú de réir na dtiomantas a tugadh nó na gcoinníollacha a ghabhann lena gclárúcháin. In 2019, rinneamar monatóireacht ar thrí chás feabhais oideachais.

Soláthar cógas neamhoideasaithe ar an idirlíon

Táimid freagrach as clárú agus cothabháil an Liosta Soláthair Idirlín do chógaslanna cláraithe agus miondíoltóirí neamhchógaslainne a bhfuil baint acu leis an soláthar táirgí míochaine neamh-oideas ar an idirlíon. Bhí 51 chógaslann agus 81 chógaslann ar an liosta soláthair idirlín ag deireadh 2019.

An clárúchán léirithe in uimhreacha



6,506

cógaiseoir cláraithe



6,246
in 2018

6,097
in 2017

377

Cógaiseoir curtha leis an gclár

164
Oilte in
Éirinn

206
Oilte san
AE/LEE

7
Oilte Lasmuigh
den AE/LEE

59%



gur mná iad
as líon na
gcláraithe nua

An tír ina bhfuarthas cáilíochtaí nua cógaiseora



165
An RA



164
Éire



10
An Phortaingéil



7
An Rómáin



5
An Ungáir



3
An Ghréig



3
An Iodáil



3
Málta



3
An Pholainn



3
An Spáinn



2
An Astráil



2
An Nigéir



1
An Phacastáin



2
An Afraic
Theas



1
An Chróit



1
An Liotuáin



1
An Ísiltír



1
Poblacht
na Slóvaice



60

Teastais maidir le
Stádas Gairmiúil
Reatha arna eisiúint
ag an CCÉ

43 An RA
7 An Astráil
2 Ceanada
2 SAM
1 An Ostair

1 An Ghearmáin
1 An Mhalaeisia
1 An Nua-Shéalainn
1 Singeapór
1 An Eilvéis

310



cúntóir cógaisíochta cláraithe

330
in 2018

362
in 2017

cógaiseoir

117 a chuir a
chlárúchán ar ceal
dá dheoin féin

22 a chuir a
chlárúchán ar ceal
in aghaidh a thola
féin

cúntóir cógaisíochta

12 a chuir a
chlárúchán ar ceal
dá dheoin féin

8 a chuir a
chlárúchán ar ceal
in aghaidh a thola
féin

1,956



cógaslann cláraithe

1,945
in 2018

1,931
in 2017

230 cealú

21
gnólacht nua
oscailte
(athlonnaíochtaí)

35
gnólacht nua
oscailte

185
gnólacht nua oscailte
(aistriú úinéireachta)



An tOideachas agus an Oiliúint

Táimid freagrach as a chinntiú go bhfuil oideachas agus oiliúint cógaisíochta ag teacht leis an dea-chleachtas agus leis na caighdeáin idirnáisiúnta is airde. Déanaimid é seo trí rialacha agus caighdeáin a fhorbairt, agus trí socruithe a dhéanamh le haghaidh creidiúnú clár oideachais do chógaiseoirí. Déanaimid monatóireacht freisin ar an gcóras um an fhorbairt ghairmiúil leanúnach do chógaiseoirí le hInstitiúid Cógaisíochta na hÉireann.

An Clár Intéirneachta Náisiúnta sa Chógaisíocht

Cuireadh deireadh leis an gClár Intéirneachta Náisiúnta sa Chógaisíocht (NPIP) in 2019 gheall ar an gclár chomhtháite MPharm a bheith tugtha isteach go huile is go hiomlán. Is iad na hintéirneigh cógaisíochta a chríochnaigh a n-intéirneacht i mí Mheán Fómhair 2019 an cohórt deireanach a chríochnófar an NPIP. I mí Dheireadh Fómhair, rinne 170 intéirneach cógaisíochta an Scrúdú Clárúcháin Ghairmiúil.

Cúrsaí creidiúnaithe – cáilíocht chun cleachtais

Leanadh leis na hathbhreithnithe creidiúnaithe a rinne CCÉ ar na cúig chlár MPharm comhtháite sa chógaisíocht atá á reáchtáil ag Coláiste Ríoga na Máinleá in Éirinn, Coláiste na Tríonóide, Baile Átha Cliath agus Coláiste na hOllscoile Corcaigh le linn 2019.

Oibríonn CCÉ leis na Scoileanna Cógaisíochta agus leis an gComhlachtas um Fhoghlaim ó Thaithí Cleachtais Cógaisíochta (APPEL) i ndáil le caighdeán seachadta na gclár seo agus infhaighteacht, agus caighdeán, na gcomhpháirteanna foghlama ó thaithí do mhic léinn.

Institiúid Cógaisíochta na hÉireann (IOP) agus Samhail Forbairt Gairmiúil Leanúnach (FGL) an CCÉ

Bhunaigh an CCÉ IOP in 2013 chun maoirseacht a dhéanamh ar fhorbairt agus ar bhainistíocht chóras FGL do chógaiseoirí in Éirinn. Cuireadh tús leis an gceathrú bliain den phróiseas Athbhreithnithe r-Phunann in 2019. Faoi bpróiseas Athbhreithnithe r-Phunann, roghnaíonn an CCÉ ainmneacha le haghaidh grúpa cógaiseoirí go randamach ó Chlár na gCógaiseoirí gach uile bhliain, agus ceanglaítear ar an grúpa sin sliocht shamplach as a r-Phunann a chur faoi bhráid an IOP lena athbhreithniú. As na 1,338 cógaiseoir a roghnaíodh le haghaidh an Athbhreithnithe r-Phunann in 2019, chomhlíon 97% díobh na caighdeáin. Tugtar seans amháin sa bhreis do chógaiseoirí nach gcomhlíonann an caighdeán chun an tAthbhreithniú r-Phunann a chríochnú le linn na bliana dar gcionn.

Ansin, bíonn gach cógaiseoir atá ag déileáil go pearsanta le hothair a ghlac páirt in Athbhreithniú Ríomhphunainne sna blianta roimhe seo incháilithe lena roghnú an Athbhreithniú Cleachtais. Is éard atá cuimsithe leis seo ná athbhreithniú agus measúnú bunaithe ar an eolas cliniciúil i gcoinne idirghníomhaíochtaí caighdeánaithe cógaisíochta. Bhí an dara babhta d'imeachtaí le haghaidh an Athbhreithnithe Cleachtais ar siúl in 2019, agus ghlac 126 cógaiseoir páirt ann. Díobh siúd, léirigh 123 cógaiseoir go raibh siad inniúil. Tugtar dara seans ina dhiaidh sin do na cógaiseoirí sin nach léiríonn an inniúlacht den chéad uair freastal ar ócáid Athbhreithnithe Cleachtais.

An t-oideachas
agus oiliúint
léirithe in
uimhreacha



1,300

as an líon iomlán de
na **1,338** chógaiseoir
atá roghnaithe le
haghaidh r-Phunann,
bhí
díobh ann a
chomhlíon
na caighdeáin



Chuireamar fáilte
roimh **bheirt**
mhac léinn
cógaisíochta
chun an CCÉ mar
chuid dá
socrúchán oibre
ceithre mhí

Iniúchtaí agus an forfheidhmiú

Soláthraimid dearbhú poiblí go mbeidh caighdeán shábháilte den chleachtas cógaisíochta ann, go gcuirfimid an dea-chleachtas agus an cleachtas sábháilte chun cinn laistigh de na cógaslanna agus go gcinnteoidimid an comhlíonadh le ceanglais reachtúla, le ceanglais na treoirlínte, an dea-chleachtais agus an Chóid Iompair do chógaiseoirí. Déanaimid iniúchadh ar chógaslanna chun maoirseacht a dhéanamh ar chomhlíonadh le ceanglais reachtúla. Déanaimid iniúchtaí nuair a fhaighimid faisnéis faoi chleachtas cógaiseora nó cógaslainne gur ábhar imní atá ann nó sa chás nach mórtuilleadh breithnithe níos mionsonraithe a dhéanamh ar cheist i ndiaidh cigireachta.

Cigireachtaí

In 2019, rinneadh 114 iniúchadh a bhaineann le clárú chun comhlíonadh leis an rialáil maidir leis na Rialacháin um Ghnólachtaí Cógaisíochta Miondíola agus treoirlínte an CCÉ I a mheas. Rinneadh 161 iniúchadh cógaisíochta san iomlán, lena n-áirítear cigireachtaí córais, cigireachtaí riosca-bhunaithe, athchigireachtaí agus cigireachtaí téamacha.

Déantar cigireachtaí córas ar na cúiseanna seo a leanas; chun athbhreithniú a dhéanamh ar chórais cháilíochta agus socruithe rialachais na cógaslainne; chun scrúdú a dhéanamh ar an mbealach a gcuirtear cógais oideasaíthe agus drugaí rialaithe ar fáil; lena chinntiú go bhfuil bonn dlisteanach agus sábháilte chun cógais a chur ar fáil; agus an t-áitreabh, sreabhadh oibre agus coinníollacha a mheas.

Déantar cigireachtaí rioscabhunaithe i ndiaidh athbhreithniú a dhéanamh ar an bhfaisnéis atá ar fáil don CCÉ, agus d'fhéadfadh go mbeidís dírithe ar réimse ar leith nó ar oibriú ginearálta na cógaslainne lena n-áirítear; stair cigireachta /comhlíonta nó sa chás gur chuir ball den phobal nó comhlacht seachtrach in iúl go raibh fadhb ann.

Déantar athchigireachtaí chun cur chun feidhme aon tiomantas agus/no aon dearbhuithe maidir le comhlíonadh a fhíorú a thugtar iad i ndiaidh na cigireachta roimhe sin ar an gcógaslann.

Déantar cigireachtaí téamúla chun seirbhísí áirithe eile a sholáthraíonn cógaiseoirí a mheas. Féadfar cigireachtaí maidir leis an vacsaíniú in aghaidh an fhliú nó cigireachtaí um sholáthar an idirlín a bheith áirithe leosan.

Obair idirghníomhaireachta

Rinneamar dhá iniúchadh cógaisíochta i gcomhar leis an FSS d'fhonn athbhreithniú a dhéanamh ar sholáthar agus bainistíocht cógais ar oideas agus drugaí rialaithe. Táimid ag leanúint ar aghaidh a bheith ag obair go dlúth i gcomhar leis an HPRA, leis an Roinn Sláinte agus leis an Roinn Talmhaíochta Bia agus Mara.

Iniúchtaí

Déantar iniúchtaí sa chás go bhfuil cúis ann lena chreidiúint gur ann do shaincheisteanna tromchúiseacha sábháilteachta nó saincheisteanna tromchúiseacha neamhchomhlíonta i ndáil le cógaiseoirí nó le cógaslann. Cuireadh tús le ceithre imscrúdú san iomlán in 2019, agus dúnadh 13 chomhad imscrúdaithe le linn 2019, lena n-áirítear comhaid ó bhlianta roimhe sin. Bhí 13 chomhad imscrúdaithe oscailte amhail deireadh na bliana 2019.

Soláthar cógas neamhoideasaithe ar an idirlíon

Rinneadh 24 bheart comhlíonta maidir le soláthar táirgí cógas neamhoideasaithe ar an idirlíon in 2019. Ina measc siúd, bhí litreacha forfheidhmithe i gceist maidir le ceanglais reachtacha a bhaineann le cian-díol agus cian-soláthar táirgí cógas neamhoideasaithe. Chomh maith leis sin, rinneamar 2 chigireacht chun atbhreithniú a dhéanamh ar sholáthar cógas neamhoideasaithe ar an idirlíon do chógaslanna.

Tuarascálacha cigireachta á mbreithniú ag an gCláráitheoir faoi Alt 71 an Achta Cógaisíochta

Déanann an Cláráitheoir saincheisteannta suntasacha a bhreith arna a sainaitheint iad le linn cigireachta nó imscrúdaithe faoi Alt 71 an Achta Cógaisíochta, 2007. Seo feidhm atá sannta ag an gComhairle don Chláráitheoir. In 2019, rinne an Cláráitheoir 54 tuairisc a bhreith. Tar éis iad a bheith breithnithe;

- atreoraíodh naonúr cógaiseoir agus aon chógaslann amháin chun an próiseas gearán (faoi Alt 71 (1) (b))
- Tugadh 65 gníomh eile ar threoir an Chláráitheora, lena n-áirítear ionchúisimh, athchigireachtaí, cruinnithe le cláraithe, gealltanais a éileamh, atreorú chuig gníomhaireachtaí eile agus litreacha forfheidhmithe a eisiúint (Faoi Alt 71(1)(d)).
- Níor ghlacadh le haon bheart breise i 29 gcás a bhí ann (faoi Alt 71(1)(a))

An chigireacht agus an forfheidhmiú léirithe in uimhreacha



114

iniúchadh a bhaineann leis an gclárúchán

109 in 2018 | 102 in 2017

161

iniúchadh chógaslainne

149 in 2018 | 208 in 2017



63

cuaire chuig chógaslann chun comhlíonadh na Treorach um Chógas Leighis Falsaithe a mheas

4 imscrúdú ar cuireadh tús leo in 2019



54 thuarascáil breithnithe ag an gCláráitheoir



24 bheart comhlíonta déanta maidir le soláthar táirgí cógas neamhoideasaithe ar an idirlíon

Forbairt, comhairle agus treoir ar chleachtas na cógaisíochta

Cuirimid caighdeán dea-chleachtais agus feabhas na cógaisíochta chun cinn trí threoir agus acmhainní faisnéise maidir le cleachtas cógaisíochta, cógas agus sábháilteacht othar a fhorbairt.

Chomh maith leis sin, cuirimid comhairle, tacaíocht agus treoir ar fáil don phobal, don lucht gairme chógaisíochta agus don Rialtas maidir leis an gcúram, an chóireáil agus seirbhísí cógaisíochta in Éirinn.

Treoir an CCÉ

Ar mhaithe le sábháilteacht othar agus an phobail eisíonn CCÉ treoir chun comhlíonadh le reachtaíocht cógaslainne agus cógas a éascú, mar aon leis an dea-chleachtas i ndáil le soláthar cógas agus le hoibriúchán cógaslainne. Mar gheall ar athruithe atá tagtha sa reachtaíocht, rinneadh deich ndoiciméad treorach de chuid an CCÉ a nuashonrú le linn 2019.

Cuirimid comhairle maidir leis an gcleachtas cógaisíochta ar fáil don phobal, do chógaiseoirí agus do dhaoine eile freisin. In 2019, thugamar freagra ar 321 cheist maidir le cleachtas na cógaisíochta.

Nuashonruithe ar chleachtas na cógaisíochta

Eisimid nuashonruithe ar chleachtas na cógaisíochta do gach aon chógaiseoir faoi athruithe nó forbairtí a thagann isteach sa reachtaíocht, i gcleachtas na cógaisíochta nó sa chás go dtagann saincheistanna tromchúiseacha maidir le sábháilteacht othar chun cinn.

Mheabhraíomar do chógaiseoirí go gcaithfidh siad comhairleoireacht a chur ar fáil agus bileog phacáiste agus cárta foláirimh a chur le gach aon soláthar cógais ina bhfuil valproate san áireamh, is cuma más sa phacáistiú bunaidh ón mhonaróir atá an soláthar nó nach bhfuil. Leagamar béim chomh maith ar an fhaisnéis áisiúil agus ar ábhair oideachasúla atá le fáil ar shuíomh gréasáin an Údaráis Rialála Táirgí Sláinte (HPRA).

Chuireamar in iúl do gach aon chláraí go bhfuil an HPRA tar éis táirgí míochaine a bhfuil pregabalin agus gabapentin iontu a chur ar liosta na gcógas inmhálartaithe. Mheabhraíomar do chógaiseoirí go gcaithfidh othair an chomhairleoireacht chuí a fháil chun a chinntiú go dtuigeann siad conas an cógas a dtugtar dóibh a úsáid i gceart agus nach gcuirtear mearbhall orthu mar gheall ar an bpacáistiú, nó mar gheall ar dhath nó cruth na dtáibléad/capsúl a bheith athraithe.

Rinneamar bearta nua a bhí molta ag an nGníomhaireacht Leigheasra Eorpach (EMA) a chur in iúl, moltaí lena gcoisctear earráidí tromchúiseacha agus a d'fhéadfadh leo a bheith marfach maidir leis an dáileog de methotrexate chun cóireáil a dhéanamh ar ghalair athlastacha dála an airtritis réamatóidigh, psoriasis agus ghalair Crohn. Tagann na moltaí sin as athbhreithniú a rinneadh ar thuairiscí a bhí ann go bhfuil othair ag úsáid Methotrexate go mícheart in ainneoin bearta a bhí glactha roimhe seo chun earráidí a chosc.

Tar éis imní breise a bhí ardaithe maidir le soláthar mícheart den Zantac leachtach d'othair péidiatraiceacha a raibh ródháileog mar thoradh air, bhuailomar leis an HPRA chun na saincheistanna a bhaineann le dáileadh Zantac Leachtach d'othair péidiatraiceacha a phlé leo. Scríobhamar chuig an Sealbhóir um Údarú Margaíochta chomh maith chun bearta a mholadh chun cúram níos sábháilte a éascú, agus scríobhamar chuig na Scoileanna Cógaisíochta, i gcáil chomhairleach, chun iad a chur ar an eolas faoin gceist seo agus chun iarraidh orthu aon bheart a dhéanamh a mheasann siad a bheith iomchuí maidir leis an gcúraclam don clár fochéime.

Obair i gcomhar le daoine eile

Inár ról mar rialtóir cógaisíochta na hÉireann, oibrímid le, agus cuirimid le, go leor tionscnamh poiblí, sláinte agus sábháilteachta. In 2019, leanamar orainn ag comhoibriú agus ag plé le go leor eagraíochtaí comhpháirtíochta ar mhaithe le sábháilteacht an othair. Ag seo a leanas, cuid de na réimsí agus de na grúpaí a ghlacamar páirt iontu.

- Stiúrthóireacht Eorpach um Cháilíocht Leigheasra agus Cúraim Sláinte (EDQM) Chomhairle na hEorpa, Coiste um Cháilíocht agus Caighdeán Sábháilteachta i gCleachtais Chógaisíochta agus sa Chúram Cógaisíochta
- Grúpa geallsealbhóirí Chomhairle na nDochtúirí Leighis ar conas straitéisí a fhorbairt chun ró-liostáil beinsodé-asepíní a laghdú
- Grúpa Oibre na hOifige Náisiúnta um Leigheas Tráchta
- Comhpháirtithe Saor ó Thobac
- Grúpa Forbartha Treoirlíne Cleachtais Chliniciúil an Feidhmeannacht na Seirbhíse Sláinte (FSS) chun Treoirlínte Cliniciúla maidir le Sainaitheantas, Diagnóis agus Cóireáil a dhréachtú i ndáil leis an Andúil sa Tobac
- Grúpa Comhairleach um Thástáil Ghar-Othar

Aighneachtaí i ndáil le hobair daoine eile

- Dréacht-Chreat Náisiúnta an FSS um Bainistíocht Cógais i Seirbhísí Míchumais
- Dréacht-Mheasúnú Teicneolaíochta Sláinte (HTA) HIQA ar chlár próifíolacsais réamh-nochtaithe do dhaonraí atá i mbaoil mór VEID a tholg ar bhealaí gnéasacha.
- Moltaí HIQA maidir le hachóimre náisiúnta leictreonach ar othair a chur i bhfeidhm in Éirinn agus an Rialachas r-Shláinte.
- Breathnóireacht ar dhréachtú na reachtaíochta, lena n-áirítear scéim ghinearálta an Bhille um Shábháilteacht Othar agus an Bhille um Shábháilteacht Othar (Teagmhais Sábháilteachta Othair Infhógartha), 2019.
- Comhairliúchán poiblí ón Roinn Sláinte maidir leis an rochtain ar an fhrithghiniúint.

An chomhairle
agus an treoir
léirithe in
uimhreacha



4 aighneacht déanta le
heagraíochtaí seachtracha



321

freagra tugtha ar cheisteanna a
bhain leis an gcleachtas
cógaisíochta

10 gCáipéis treorach
nuashonraithe ag an
CCÉ



Ábhair Imní, Gearáin Fhoirmiúla & An Oiriúnacht chun Cleachtadh

Bímid ag feidhmiú go gníomhach chun aghaidh a thabhairt ar an droch-fheidhmíocht, ar an droch-chleachtas agus ar an droch-iompar trí meastóireacht a dhéanamh ar ghearáin atá déanta in aghaidh cógaiseoirí agus cógaslann, agus trí smachtbhannaí a fhorchur, nuair is cuí. Tá sé ag croílár ár dtiomantais chun cosaint a thabhairt d'othair agus don phobal, agus chun muinín an phobail i gcógaiseoirí agus i gcógaslanna a choimeád, go ndéileálar le gearáin go héifeachtach. Chomh maith leis sin, déanaimid gníomh lena chinntiú go ndéantar athbhreithniú agus gníomh maidir le hábhair imní a thuairiscítear dúinn, mar is cuí ar cuí.

Ábhair Imní

Tarlaíonn léiriú ábhar imní nuair nach mian le duine gearán foirmiúil a dhéanamh ach fós féin sé ag iarraidh fadhb éigin a chur in iúl don CCÉ. Déanann painéal athbhreithniú ar gach aon ábhar imní chun an riosca a mheas agus chun fáil amach aon ní le déanamh. Tar éis tuilleadh imscrúdaithe, d'fhéadfadh sé a tharlú i gcásanna roinnt ábhar imní go ndéanann an Cláraitheoir gearáin fhoirmiúla fúthu. Fuair an CCÉ 144 léiriú ábhar imní in 2019, is é sin le rá méadú 8% ó 2018.

Gearáin oifigiúla

Féadfar go mbainfeadh gearáin fhoirmiúla le hiompar, cleachtas, iompraíocht nó sláinte cógaiseora nó leis an tslí a gcuireann cógaslann seirbhís cógaisíochta ar fáil. Caithfear gearáin fhoirmiúla a phróiseáil de réir an Acht Cógaisíochta, 2007. Fuarthas 61 ghearán foirmiúla san iomlán in 2019, is é sin le rá méadú 22% ón méid a bhí ann in 2018.

An Coiste Réamh-Imeachtaí

Breithníonn an Coiste Réamh-Imeachtaí (PPC) gearáin oifigiúla atá déanta leis an CCÉ faoi chógaiseoirí agus cógaslanna agus cinneann sé cibé an bhfuil cúis gearáin ann chun beart araíonachta breise a dhéanamh i ndáil leis an ngearán. Nuair a dhéanann an PPC cinneadh go bhfuil cás ann le tuilleadh bearta a ghlacadh, déantar an gearán a chur ar aghaidh go dtí an chéim idirghabhála nó chun fiosrúchán um an oiriúnacht chun cleachtadh. In 2019, rinne an PPC 74 gearán¹ a bhreith. Astu siúd, rinne 92% díobh a bhreith laistigh de shé mhí.

Le linn 2019, sheol an PPC 25 gearán ar aghaidh le haghaidh tuilleadh gníomhaíochta: Cuireadh 16 ghearán faoi bhráid an Choiste um Iompar Gairmiúil lena bhfiosrú; atreoraíodh ceithre ghearán chuig an gCoiste Sláinte lena bhfiosrú agus atreoraíodh cúig ghearán le haghaidh idirghabhála.

Thug an PPC comhairle don Chomhairle nach raibh gá le haon ghníomh breise le déanamh i gcás 49 cinn de na gearáin. Ghlac an Chomhairle le comhairle an PPC maidir leis na gearáin sin go léir.

An idirghabháil

Is éard is idirghabháil ann ná próiseas rúnda ina suíonn tríú páirtí neodrach (idirghabhálaí) leis an dá pháirtí sa ghearán chun cabhrú leo réiteach a aimsiú leis an fhadhb agus toradh oiriúnach a chomhaontú. In 2019, atreoraigh an PPC cúig ghearán chuig idirghabháil. Thoiligh na páirtithe idirghabháil a dhéanamh i 40% de na cásanna seo. Sa chás nach raibh toiliú tugtha ag aon cheann de na páirtithe, rinneadh an gearán a tharchuireadh chuig Coiste Fiosrúcháin.

¹ lena n-áirítear gearáin a fuarthas in 2019, agus roimh 2019 freisin

Bhí dhá idirghabháil a tharla in 2019. Ceann amháin de na hidirghabhálacha sin, bhí toradh idirghabhála sa deireadh air, agus foilsíodh an toradh ar shuíomh gréasáin an CCÉ. Ní raibh toradh idirghabhála sa deireadh ar an dara idirghabháil agus atreoraíodh an t-ábhar ar aghaidh lena fhiosrú.

Fiosrúcháin agus torthaí maidir leis an oiriúnacht chun cleachtais

Éisteadh 11 fiosrúchán a bhain le naoi ngearán ar leith os comhair Choiste Fiosruithe in 2019, agus tugadh chun críche iad go léir. As an líon de dheich bhfiosrúchán sin, bhí deich cheann ar éist an Choiste um Iompar Gairmiúil iad agus éisteadh fiosrúchán amháin os comhair an Choiste Sláinte. Rinneadh fionnachtana nó soláthraíodh gealltanais i 73% de na fiosrúcháin a rinneadh.

Smachtbhannaí forchurtha i ndiaidh éisteachtaí um an oiriúnacht chun cleachtais

Féadfar smachtbhanna amháin nó níos mó a fhorchur ar chóigiseoir nó ar chógaslann tar éis fiosrúcháin a bheith déanta air. Is ionann líon iomlán na smachtbhannaí a forchuireadh in 2019 agus trí iomardú², ceithre cháineadh³, agus rinneadh dhá shraith de coinníollacha a cheangail le clárúcháin bheirt chláraithe. Bhain roinnt de na smachtbhannaí a fhorchuir an Chomhairle in 2019 le fiosrúcháin a bhí tugtha chun críche in 2018.

Foilsíú

Ceanglaítear ar an CCÉ fógra poiblí a thabhairt faoi aon smachtbhannaí a chuirtear ar chláraí más rud é go bhfuil sé sásta go bhfuil sé sin chun leasa an phobail amhlaidh a dhéanamh. Is ar bhonn cás ar chás a dhéanann an Chomhairle ábhar an fhoilsithe a mheas. In 2019, thug an Chomhairle fógra poiblí faoi gach aon smachtbhanna a fhorfheidhmíodh ar chláraithe dá chuid ar láithreán gréasáin agus ar nuachtlitir an CCÉ.

Glaonna anall

Is éard is glao anall ann ná cruinniú inar féidir leis an gCoiste um Iompar Gairmiúil agus leis an gCoiste Sláinte ábhair a mheas, leithéidí dátaí a shocrú d'fhiosrúcháin, iarratais ar atráthú, iarratais um an bpríobháideacht agus / nó réamhiarratais eile. Chomh maith leis sin, féadfar do na Coistí a threorú go gcomhlíonfar le hamlínte sonracha d'fhonn a chinntiú go bhfuil cás réidh le héisteacht. Bhí ceithre ghlaonna anall ann, ar an iomlán, in 2019.

Gearán tarraingthe siar

Is féidir leis an ngearánach a ghearán nó a gearán a tharraingt siar ag céim ar bith den phróiseas gearáin. Féadfar don Choiste atá ag dhéileáil leis an ngearán ag an am cinneadh a dhéanamh, ach comhaontú na Comhairle a fháil leis, nach bhfuil gá le haon ghníomh breise nó féadfar dó cinneadh a dhéanamh leanúint ar aghaidh leis an ngearán ar mhaithe le leas an phobail. In 2019, bhí sé ghearán ann ar tharraing an gearánach siar iad. In dhá cheann de na cásanna seo, is é an cinneadh a bhí déanta ná gur cheart don ghearán a bheith curtha ar aghaidh agus fiosrú a bheith déanta ina leith ar mhaithe le leas an phobail.

² Gearradh na hiomarduithe seo tar éis do chóigiseoirí freagróra gealltanais a thabhairt don Choiste Fiosrúcháin agus toiliú leis an iomardú.

³ As na cáintí siúd, gearradh ceann amháin díobh tar éis don chóigiseoir freagróra gealltanais a thabhairt don Choiste Fiosrúcháin agus toiliú leis an gcáineadh.

**Ábhair Imní,
Gearáin
Oifigiúla & An
Oiriúnacht Chun
Cleachtadh léirithe in
uimhreacha**



144

ábhar imní faighte

133
in 2018

108
in 2017



Catagóirí na n-ábhar imní

79% duine den phobal


13% cógaiseoir

5% pearsanra cógaisíochta eile

1% banaltra

1% dochtúir

1% An FSS



Catagóirí na n-ábhar imní

47 saincheisteanna a bhaineann

le cleachtas na cógaisíochta

28 iompar (modh/
dearcadh)

20 saincheist tráchtála
/fógraíochta/fostaíochta

9 mainneachtain soláthar

9 eile

7 n-earráid urghnaimh (dáileog
mícheart)

7 n-earráid urghnaimh (cógas
mícheart)

7 malartú cineálach

3 réim cógas as dáta

2 shárú ar alt 63/64 den Acht
Cógaisíochta

2 urghnamh gan oideas bailí

1 mí-ionracas

1 saincheist amháin maidir le
soláthar éigeandála

1 lagú sláinte




Gearáin fhoirmiúla a fuarthas de réir foinse

64% duine den phobal

21% Cláraitheoir

8% dochtúir

7% cógaiseoir



74

ghearán a ndearna an PPC iad a bhreith



1 fhiosrúchán amháin éiste os comhair an Choiste Sláinte

10 bhfiosrúchán éiste os comhair an Choiste um Iompar Gairmiúil

2 idirghabháil



9 smachtbhanna forchurtha i ndiaidh éisteachtaí um an oiriúnacht chun cleachtais

Catagóirí na ngearán ar ardaíodh

22 saincheisteanna a bhaineann le

cleachtas na cógaisíochta

14 iompar (modh/dearcadh)

9 mainneachtain soláthar

5 n-earráid urghnaimh (dáileog mícheart)

3 n-earráid urghnaimh (cógais mícheart)

3 lagú sláinte

2 malartú cineálach

2 saincheist tráchtála, fógraíochta nó fostaíochta

1 urghnamh gach oideas bailí

Seirbhísí eagraíochta léirithe in uimhreacha

Tacaíonn na seirbhísí eagraíochtúla leis an CCÉ agus lena fhoireann ár bhfeidhmeanna a réadú, mar aon le modhanna a sholáthar lean dtugtar deis do dhaoine eile teagmháil a dhéanamh linn agus ár seirbhísí a úsáid.

Cainéil chumarsáide

Tá an Straitéis deartha lena chinntiú go bhfuil sábháilteacht othar ag croílár ár gcumarsáide. Tá sé deartha lena chinntiú go bhfuil sábháilteacht an othair lárnach dár gcumarsáid, agus go bhfuilimid ag cruthú feasachta agus tuisceana ar ról an CCÉ.

Tuigimid gur foinse thábhachtach faisnéise é ár suíomh gréasáin, agus gur cheart go dtacódh sé lenár misean agus go mbeadh riachtanais páirtithe leasmhara á bhfreastal leis. Leanaimid orainn measúnú a dhéanamh ar na hábhair atá ann, ag cinntiú go glacaimid le prionsabail an Ghnáth-Bhéarla agus go n-eagraítear ar bhealach le bheith chomh so-úsáidte agus inrochtana is gur féidir. Le linn na bliana, leanamar orainn ag ullmhú d'athfhorbairt an láithreáin ghréasáin. Leanfar ar aghaidh leis sin i 2020, agus táimid chun suíomh gréasáin comhaimseartha agus solúbtha a sheoladh don CCÉ lena dtacófar is lena n-éascófar tairiscint dhigiteach an CCÉ, agus é mar aidhm aige cur leis an rannpháirtíocht cuairteoirí agus an rannpháirtíocht sin a mhéadú trí deiseanna feabhsaithe a chur ar fáil chun an fheasacht atá ann faoin dualgas atá againn dár gcustaiméirí go léir a mhúscailt.

Tuigimid go bhfuil an earnail teicneolaíochta agus an t-éileamh atá ar chineálacha difriúla meán ag athrú, inneachar agus físeáin meán sóisialta san áireamh. Táimid ag leanúint leis an obair atá déanta againn chun an próifíl atá againn sna meáin shóisialta a fheabhsú agus le faisnéis a chur ar fáil maidir le nuashonruithe rialála agus sláinte phoiblí. Úsáidimid nuachtlitir an CCÉ mar bhealach chun teagmháil rialta a choinneáil le cláraithe an CCÉ agus gach duine a liostálann chun ár nuashonruithe a fháil. Tá an treoir cleachtais cógaisíochta is déanaí, mar aon le comhairle agus nuashonruithe ábhartha gairmiúla agus sláinte phoiblí le fáil sa nuachtlitir. Cuirtear na nuachtlitreacha i gcartlann ar shuíomh gréasáin an CCÉ ionas gur féidir tagairt a dhéanamh dóibh go héasca. Rinneamar nuashonrú ar chláraithe maidir le raon ábhar trí ríomhphost a chur chucu i rith na bliana, agus chinntíomar go raibh faisnéis ar fáil faoinár n-imeachtaí agus faoi na bealaí eile inar féidir leat teagmháil a dhéanamh linn.

Tá sé ar chuid den obair a dhéanaimid chomh maith bonn eolais a chur le cinntí beartais agus na cinntí sin a éascú, agus bonn eolais a chur leis an díospóireacht phoiblí agus pholaitiúil. Thugamar freagra ar cheisteanna parlaiminteacha, ar cheisteanna ó na meáin agus ar iarrataí eile ar fhaisnéis ó pháirtithe éagsúla i rith na bliana.

Acmhainní Daonna (AD)

Cothaímid timpeallacht dhearfach oibre do gach fostaí a thacaíonn le comhionannas agus le héagsúlacht agus a spreagann nuálaíocht agus feabhas leanúnach trí sheirbhísí, córais, beartais agus nósanna imeachta AD a chur ar fáil.

Tá Grúpa um an Fholláine san Áit Oibre ag an CCÉ, a bunaíodh chun sláinte agus an fholláine ghinearálta a chur chun cinn, a chur in iúl, a spreagadh agus tacú leo i measc comhghleacaithe sa CCÉ. In 2019, d'eagraigh an grúpa gníomhaíochtaí agus imeachtaí taitneamhacha agus faisnéiseacha do chomhghleacaithe a raibh sé mar aidhm acu cur leis an fholláine san ionad oibre.

Tar éis an chéad suirbhé rannpháirtíochta foirne ar seoladh í in 2018, cuireadh Grúpa Gníomhaíochta Suirbhé Rannpháirtíochta i mbun in 2019 chun plean gníomhaíochta a fhorbairt, bunaithe ar thorthaí an tsuirbhé.

Sa phlean gníomhaíochta seo, baineadh amach torthaí sna príomhréimsí a bhfuil béim curtha orthu, maidir le bealaí inar féidir leis an CCÉ mar fhostóir cur leis an gcothromaíocht oibre is saoil feabhsaithe don lucht ar a bhfreastalaímid, den chéad dul síos, agus an táirgiúlacht a fheabhsú ag an am céanna. Rinneadh suirbhé leantach ag deireadh 2019.

Teicneolaíocht Faisnéise agus Cumarsáide (TFC)

Déanaimid faireachán agus athbhreithniú leanúnach ar chórais agus ar phróisis inmheánacha chun teicneolaíochtaí oiriúnacha faisnéise agus cumarsáide a chur i bhfeidhm chun tacú le teicneolaíocht, oibríochtaí agus seirbhísí a chur ar fáil. Táimid ag leanúint le bearta a iniúchadh agus a chur i bhfeidhm lena chinntiú gur ann do leibhéal cuí de slándáil chórais TFC, agus é mar aidhm feabhas leanúnach agus leibhéil Slándála feabhsaithe a chinntiú. Chuireamar beartais nuashonraithe úsáideoirí slándála i bhfeidhm in 2019 agus tá clár leanúnach oiliúna feasachta cibearshlándála i bhfeidhm dár bhfoireann. Thugamar inlíon an CCÉ isteach le linn 2019 freisin chun tacú leis an gcumarsáid inmheánach, leis an fhaisnéis agus leis an fhoghlaím a gcuirimid ar fáil dár bhfoireann.

**Seirbhísí
eagraíochta léirithe
in uimhreacha**



331, 923 seisiún ar an láithreán
gréasáin

212, 168 úsáideoir ar an láithreán
gréasáin

616, 407 amharc uathúil ar
leathanaigh



36 cheist ó na meáin a
freastalaíodh orthu

9 n-eisiúint meán eisithe

5 nuachtlitir eisithe



95%

de chógaiseoirí, an
céatadán díobh a
rinneiarratas ar a
gclárú leanúnach ar
líne



Rialachas agus Cuntasacht

Conas a chinntíomar ardchaighdeán rialachais inmheánaigh

Tá ról le himirt ag gach aon bhall de chuid na foirne agus ag gach aon sealbhóir oifige, ag comhaltaí uile na Comhairle agus de chuid na gCoistí chun an dea-rialachas sa CCÉ a dheimhniú, lena n-áirítear ardchaighdeán comhlíonta le treoirlínte an Rialtais agus fianaise ar an trédhearcacht a choinneáil maidir leis an mbealach a gcuirimid ár bhfeidhmeanna reachtúla i gcrích. Tá an CCÉ freagrach don phobal agus tá sé cuntasach don Aire Sláinte agus don Oireachtas as an ról atá againn a chomhlíonadh.

Chun críocha na cuntasachta poiblí agus tuairiscithe, is comhlacht faoi choimirce na Roinne Sláinte é an CCÉ. Tionóladh trí chruinniú rialachais le hoifigigh de chuid na Roinne in 2019. Tháinig Uachtarán an CCÉ, Joanne Kissane, Uas., an Cláraitheoir, agus oifigigh de chuid na Roinne le chéile chun athbhreithniú a dhéanamh ar Chomhaontuithe Maoirseachta agus Seachadta Feidhmíochta an CCÉ ag deireadh 2019.

Comhairle an CCÉ

Comhairle ar a bhfuil 21 ball, agus formhór díobh nach cógaiseoirí iad, a dhéanann an CCÉ a rialú. Is é an tAire Sláinte a cheapann gach aon bhall den Chomhairle. Tá an Chomhairle cuntasach as cinntí beartais, as an treo straitéiseach a bheith leagtha síos agus as feidhmíocht fhoriomlán na heagraíochta lena n-áirítear freagracht as staid airgeadais an CCÉ. Tá feidhm gar-bhreithiúnach ag an gComhairle freisin chun gearáin reachtúla a dhéantar leis an CCÉ a mheas, agus chun torthaí a mheas lena n-áirítear smachtbhannaí a fhorchur maidir leis na gearáin sin atá faoi chógaiseoirí agus faoi chógaslanna. Faigheann an Chomhairle tacaíocht i ndáil leis an ról atá sannta uirthi óna Coistí Comhairleacha agus Araíonachta.

Le linn 2019, chríochnaigh an Chomhairle measúnú neamhspleách ar fheidhmíocht na Comhairle a raibh fhoireann na Comhairle ar fad, lena n-áirítear baill atá ag dul as oifig, ag glacadh páirte ann. Tá bearta a thagann as sin curtha i bhfeidhm, agus á gcur i bhfeidhm faoi láthair. Rinne an Chomhairle athbhreithniú freisin ar oibriúchán an struchtúir nua Coiste Comhairleach atá ann sa dara cuid den bhliain chun éifeachtacht na n-athruithe a mheas ar tugadh isteach iad ag deireadh 2018.

Cuireadh deireadh le téarmaí oifige roinnt comhaltaí de chuid na Comhairle in 2019, agus tar éis dul i dteagmháil leis an Roinn Sláinte, agus próiseas toghcháin, rinne an tAire ceapacháin nua i mí an Mheithimh. Rinne an Chomhairle oibríochtaí leanúnacha éifeachtacha na gCoistí Comhairleacha agus Araíonachta a dheimhniú chomh maith trí cheapacháin a dhéanamh trátha i rith na bliana a raibh sé in am amhlaidh a dhéanamh. Tugtar aitheantas don obair atá déanta agus don tiomantas atá léirithe ag gach aon chomhalta de chuid na Comhairle agus de chuid an Choiste a bhfuil a théarma oifige chun dul in éag.

Reáchtáil Comhairle an CCÉ ocht gcruinniú in 2019, ar na dátaí ag seo a leanas: An 14 Feabhra, an 21 Márta, an 17 Aibreán, an 20 Meitheamh, an 19 Meán Fómhair, an 24 Deireadh Fómhair, an 21 Samhain agus an 12 Nollaig. Bítear ag plé cúrsaí rialachais (a reáchtáiltear go poiblí) agus an t-oiriúnacht chun cleachtaidh ag na cruinnithe, chomh maith le hábhair rúnda eile a dhéantar iad a mheas i seisiún príobháideach.

Tá gach aon chomhalta de chuid na Comhairle a bhí i seilbh oifige le linn 2019 liostaithe ar leathanach 29 mar aon le taifead dá thinreamh, dá tháillí agus de na costais a bhí íoctha aige.

Comhaltaí an CCÉ 2019

Comhalta de chuid na Comhairle (amhail an 31 Nollaig 2019)	Líon na gcuinnithe a tionóladh ¹	Tinreamh iomlán	Tinreamh páirteach	Dáta ar cheapadh den chéad uair	Táillí íoctha in 2019 ²	Costais íoctha in 2019 ³
An tUas Hugo Bonar**	8/8	8		29 Deireadh Fómhair 2015	2426.88	
Nicola Cantwell, Uas*	5/8	5		18 Meitheamh 2013	7695.00	1289.77
Geraldine Crowley, Uas**	2/5	1	1	18 Meitheamh 2019	n/b	
Dorothy Donovan, Uas**	6/8	5	1	16 Bealtaine 2018	7695.00	
An tUas Fintan Foy**	6/8	6		17 Meitheamh 2015	7695.00	
An Dr Paul Gorecki**	7/8	7		31 Eanáir 2014	7695.00	
An tUas Roy Hogan*	5/5	5		18 Meitheamh 2019	4143.46	
An tUas Mark Jordan*	4/5	4		18 Meitheamh 2019	4143.46	1530.01
Joanne Kissane, Uas* Uachtarán	8/8	8		17 Meitheamh 2015	9964.04	
An tOllamh Brian Kirby*	4/5	4		18 Meitheamh 2019	4143.46	
An tUas Graham Knowles**	8/8	8		17 Meitheamh 2015	7695.00	7184.85
An tUas Michael Lyons* Leasuachtarán	7/8	7		21 Meitheamh 2017	7695.00	6534.03
An Dr Shane McCarthy**	8/8	8		13 Márta 2014	7695.00	10575.51
Muireann Ní Shuilleabháin, Uas*	7/8	7		17 Meitheamh 2015	7695.00	5698.24
Marie Louisa Power Uas*	5/8	5		21 Meitheamh 2017	n/b	2700.48
An Dr Ailis Quinlan**	7/8	7		21 Meitheamh 2017	7695.00	
An tUas Sean Reilly*	8/8	8		21 Meitheamh 2017	7695.00	59.00
Ann Sheehan, Uas**	7/8	7		17 Meitheamh 2015	7695.00	8269.68
Veronica Treacy, Uas*	8/8	8		21 Meitheamh 2017	7695.00	256.91
An tUas Paul Turpin**	8/8	8		17 Meitheamh 2015	7695.00	
Fiona Walsh, Uas**	7/8	7		16 Bealtaine 2018	7695.00	
Baill na Comhairle a bhí in oifig le haghaidh cuid de 2019 ach nach bhfuil in oifig go fóill:						
Mary Rose Burke, Uas*	3/3	3		2 Feabhra 2016	3551.54	
An tUas Rory O'Donnell*	3/3	3		17 Meitheamh 2015	5524.62	2613.45
An tOllamh Comhlach Sheila Ryder*	3/3	3		17 Meitheamh 2015	n/b	
An tUas Pat O'Dowd**	3/3	3		18 Meitheamh 2013	n/b	
Iomlán					141,627.46	46,711.93

*Cógaiseoirí ceaptha ag an Aire Sláinte de réir s10(3)(f) agus (g) d'Acht Cógaisíochta 2007

**Neamhchógaiseoirí ceaptha ag an Aire Sláinte de réir s10(3)(a) go dtí (e) d'Acht Cógaisíochta 2007

¹Athraíonn líon iomlán na gcruinnithe ar freastalaíodh orthu de réir na dátaí ceapacháin, athcheapacháin agus críochnaithe dá dtéarmaí oifige.

²Tá íocaíocht táille ag teacht le fad an téarma in oifig i rith 2019. Níor ícadh táillí le baill den Chomhairle atá fostaithe san earnáil phoiblí in 2019.

³Costais chomhiomlána íoctha suas go dtí an 31 Nollaig 2019

Coistí an CCÉ

Cuireann coistí comhairleacha an CCÉ comhairle agus tacaíocht ar fáil don Chomhairle chun a feidhmeanna a chur i gcrích. Rinne an Chomhairle athbhreithniú ar struchtúr na gCoistí Comhairleacha atá aici in 2018, agus cuireadh na hathruithe a tháinig chun cinn i bhfeidhm in 2019, agus líon níos lú Coistí nua tugtha isteach dá bharr. Tá ceithre Choiste Comhairleacha ann anois: an Coiste Iniúcháireachta agus Riosca; an Coiste um Fheidhmíocht agus Acmhainní, an Coiste um Beartas Rialála agus Gairmiúil, agus an Coiste Sainchuspóirí. Comhaltaí de chuid na Comhairle atá ar na Coistí, seachas amháin i gcás an Choiste Iniúcháireachta agus Riosca a bhfuil comhaltaí de chuid na Comhairle air chomh maith le daoine seachtracha arna ceapadh iad air. Déanann an Chomhairle comhaltaí an choiste a cheapadh agus tugann na Coistí tuairisc ar an obair atá déanta acu ag gach aon cruinniú de chuid na Comhairle. Tá taifead de thinreamh comhaltaí an Choiste Chomhairligh ar na cruinnithe i ndáil le 2019 léirithe ag seo thíos. Athraíonn an tinreamh de réir na dátaí ceapacháin agus críochnaithe i ndáil lena dtéarma oifige.

Tá trí Choiste Araíonachta sa CCÉ chomh maith, mar a éilítear faoi théarmaí an Achta Cógaíochta, 2007. Is iad sin an Coiste Réamh-Imeachtaí, an Coiste um Iompar Gairmiúil agus an Coiste Sláinte. Tá sainchúram ar leith ag gach aon Choiste Araíonachta maidir leis na gearáin agus próiseas araíonachta an CCÉ (féach leathanaigh 22-25). Freastalaíonn líon beag de chomhaltaí de chuid Chomhairle an CCÉ ar Choistí Araíonachta, ach is iad iarratasóirí a cheaptar ina mball iad den chuid is mó, iarratasóirí a roghnaítear iad chun raon leathan taithí agus saineolais a chur ar fáil, agus chun ionadaíocht a thabhairt do leas an phobail.

Comhaltaí Choiste Comhairleach an CCÉ 2019

An Coiste Iniúcháireachta agus Riosca	
Comhalta de chuid an Choiste	Líon cruinnithe (tinreamh)
Cathaoirleach: An tUas Paul Turpin	4/4
Marie Louisa Power Uas	3/4
An Dr Rachel Gubbins	3/4
Wendy Kennedy, Uas	1/4*
Veronica Treacy, Uas	3/4
Fiona Walsh, Uas	4/4
An tUas Liam Burke	1/1

An Coiste Feidhmíochta agus Acmhainní	
Comhalta de chuid an Choiste	Líon cruinnithe (tinreamh)
Cathaoirleach: An tUas Graham Knowles	5/5
Mary Rose Burke, Uas	2/3
Geraldine Crowley, Uas	0/1
Dorothy Donovan, Uas	5/5
An tUas Fintan Foy	5/5
An tUas Roy Hogan	1/1
An tUas Mark Jordan	0/1
An tUas Michael Lyons	3/4
An tUas Pat O'Dowd	3/4

An Coiste um Beartas Rialála agus Gairmiúil	
Comhalta de chuid an Choiste	Líon cruinnithe (tinreamh)
Cathaoirleach: Muireann Ní Shuilleabháin, Uas	4/5
An tUas Hugo Bonar	4/5
Nicola Cantwell, Uas	0/1
An Dr Paul Gorecki	2/5
An tOll Brian Kealy	1/1
Joanne Kissane, Uas	3/3
An Dr Ailis Quinlan	5/5
An tUas Sean Reilly	4/5
An tOll Comhlach Sheila Ryder	3/3

An Coiste Sainchuspóirí	
Comhalta de chuid an Choiste	Líon cruinnithe (tinreamh)
Joanne Kissane, Uas	3/3
Nicola Cantwell, Uas	1/1
An tUas Graham Knowles	3/3
An tUas Michael Lyons	2/2
Muireann Ní Shuilleabháin, Uas	1/1
An tUas Rory O'Donnell	1/1
An tUas Paul Turpin	3/3

* Saoire mháithreachais

Comhlíonadh

Mar chomhlacht poiblí, comhlíonann an CCÉ raon reachtaíochta agus teoracha Rialtais. Sa chuid seo dár dtuarascáil, tá faisnéis ar fáil faoin gcaoi a ndéanaimid na ceanglais sin a chomhlíonadh.

An tAcht um Thús Áite do Leanaí

Ainneoin nach ‘daoine faoi shainordú’ mar a shainmhínítear san Acht um Thús Áite do Leanaí iad baill foirne de chuid an CCÉ, táimid tiomanta do chinntiú go seastar le prionsabail an Achta um Thús Áite do Leanaí, mar go bhfuil siad ailínithe lenár bpríomhfheidhm agus go gcuireann siad sláinte agus sábháilteacht an phobail chun cinn. Tá beartas cosanta leanaí curtha i bhfeidhm ag an CCÉ chun leanaí a chosaint, agus chun an fhoireann agus na sealbhóirí oifige ann a chur ar an eolas agus a threorú. Rinneamar teagmhálaí ainmnithe agus teagmhálaí ainmnithe tánaisteach a cheapadh chomh maith chun maoirseacht a dhéanamh ar chomhlíonadh an bheartais, agus chun feidhmiú mar chéad phointe teagmhála chun tuairisc a dhéanamh ar aon imní faoi chosaint a bhfaighfear. Ceanglaítear ar gach aon bhall d’fhoireann an CCÉ clár ríomhfhoghlama Tusla a chríochnú: Tús Eolas ar Thús Áite do Leanaí.

Cairt Chustaiméirí

I gCairt Chustaiméirí an CCÉ tá an cineál seirbhíse agus cáilíocht na seirbhíse luaite ar féidir le custaiméirí a bheith ag súil leis agus iad ag idirghníomhú le foireann an CCÉ. Tá sé seo bunaithe ar an dá phrionsabal déag de sheirbhís ardchaighdeán do chustaiméirí lena nglactar i Ranna Rialtais. In 2019, leanamar orainn ag tabhairt freagraí le hiarrataí agus ag plé leo de réir na n-amlínte agus na bpróiseas atá mionsonraithe sa Chairt. Táimid tiomanta don fheabhsú cáilíochta a bhaint amach san obair a dhéanaimid agus cuirimid fáilte roimh an aiseolas dearfach, nó roimh aon ghearán a fhaighimid, go deimhin, a bhaineann le soláthar seirbhíse an CCÉ. Leanfaimid orainn ag déanamh monatóireachta ar an fheidhmíocht agus ag sainaitheint aon réimsí atá le feabhsú.

An Chosaint Sonraí

Is tosaíocht don CCÉ í an tslándáil faisnéise agus leanamar ar aghaidh in 2019 chun monatóireacht agus athbhreithniú a dhéanamh ar na beartais agus ar na nósanna imeachta nuashonraithe a cuireadh i bhfeidhm le linn 2018 chun na forálacha nuashonraithe reachtaíochta um an chosaint sonraí a tugadh isteach a chomhlíonadh de réir an Rialacháin Ghinearálta maidir le Cosaint Sonraí. Fuaireamar 19 n-iarratas ar an gcomhroinnt sonraí agus dhá iarratas ar rochtain ar ábhair in 2019.

An tAcht um Míchumas

Leis an Acht um Míchumas 2005, tá oibleagáid reachtúil curtha ar chomhlachtaí poiblí tacaíocht do sheirbhísí agus do shaoráidí le haghaidh daoine faoi mhíchumas chomh maith le rochtain a chur ar fáil ar na seirbhísí agus ar na saoráidí sin. Déanann an CCÉ fostaíocht daoine faoi mhíchumas a chur chun cinn agus a thacu agus, agus muid i mbun na riachtanais sin a chomhlíonadh, tugaimid faoi thionscnaimh chun gach aon bhall foirne a chur ar a chumas a chuid oibre a dhéanamh ar bhonn comhionann. Tá an CCÉ tiomanta dó go mbainfear amach an sprioc atá leagtha síos do chomhlachtaí poiblí i gCuid 5 den Acht, is é sin go mbeidh 3% dá bhfoireann faoi mhíchumas

An Éifeachtúlacht Fuinneamh agus an Caomhnú Fuinnimh

Tá an CCÉ tiomanta dó go ndéanfar gach iarracht a bheith tíosach ar fhuinneamh agus bearta caomhnaithe agus athchúrsála oiriúnacha a chur i bhfeidhm. Áitíonn pearsanra an CCÉ 1,920 m² de spás oifige i mBaile Átha Cliath 2. In 2019, d’ídigh an CCÉ 526,614 KW den fhuinneamh, 227,000 KW de gur an leictreachas a bhí ann, agus 299,614 KW de gur ghás a bhí ann.

I gcomparáid leis sin, d'ídigh an CCÉ 552,242 KdW den fhuinneamh in 2018, agus 233,700 KW de gur leictreachas a bhí ann, agus 320,542 KW de gur gás a bhí ann. Mar chuid den tiomantas don éifeachtúlacht fuinnimh agus don chaomhnú fuinnimh atá tugtha againn, chuireamar dhá phointe luchtaithe gluaisteán leictreach sa charrchlós foirne againn.

D'eagraigh ár gCoiste um Shábháilteacht san Ionad Oibre agus Inbhuanaitheacht Chomhshaoil sraith tionscnamh feasachta don fhoireann faoin tionchar atá againn ar an gcomhshaol, mar dhaoine aonair agus mar eagraíocht araon, agus faoi na bealaí ar féidir linn ár n-iompar a athrú chun an tionchar sin a íoslaghdú.

An tAcht um Eitic in Oifigí Poiblí

Ceanglaítear ar chomhaltaí na comhairle, ar na sealbhóirí oifige ann agus ar fhoireann an CCÉ aon leasanna atá acu féin nó ag a gcéile, a gcomhpháirtí dlí coitinn nó ag a leanaí a nochtadh más rud é go mbeadh tionchar ag an leas i gceist ar an obair a dhéanann siad don CCÉ. Déantar nochtadh leasanna chomhaltaí Chomhairle an CCÉ a fhoilsiú ar shuíomh Gréasáin an CCÉ. Déantar ráitis leasa bhliantúla i ndáil le comhaltaí na Comhairle agus baill na foirne ainmnithe a dhearbhu, agus a aighniú mar is ábhartha, don Choimisiún um Chaighdeán in Oifigí Poiblí ar aon dul leis na hAchtanna um Eitic in Oifigí Poiblí.

Saoráil Faisnéise

Is eagraíocht fhorordaithe é CCÉ faoin Acht um Shaoráil Faisnéise (SF) 2014. Foilsímid an oiread faisnéise agus is féidir ar bhealach atá oscailte agus inrochtana go rialta ar ár suíomh gréasáin nó sa nuachtlitr againn, ag féachaint do phrionsabail na hoscailteachta, na trédhearcachta agus na cuntasachta. In 2019, dhearbhaíomar an comhlíonadh leis an reachtaíocht trí fhreagairt go tráthúil d'iarraí ar an SF, agus chun ár rannpháirtíocht leis an reachtaíocht a thuairisciú. In 2019, phróiseáladar ceithre iarratas um an tsaoráil faisnéise.

An tAcht um Shábháilteacht, Sláinte agus Leas ag an Obair

Comhlíonann an CCÉ na freagrachtaí reachtúla atá air faoin Acht Sláinte, Sábháilteachta agus Leasa ag an Obair 2005, agus faoi na Rialacháin Sláinte agus Leasa ag an Obair (Iarratas Ginearálta) 2007. Déanaimid iarracht ár n-oibleagáidí dlíthiúla a chomhlíonadh agus timpeallacht oibre atá sábháilte agus sláintiúil a sholáthar do gach aon bhall foirne agus do gach aon chuairoteoir a thagann chuig Áras an CCÉ, agus dóibh siúd chomh maith a bhféadfadh oibríochtaí an CCÉ tionchar a bheith aige ar a saol. Deimhnímid go gcomhlíontar Ráiteas Sábháilteachta an CCÉ freisin. Tá Coiste um Shábháilteacht san Ionad Oibre agus Inbhuanaitheacht Comhshaoil sa CCÉ, a fheidhmíonn mar fhóram comhairliúcháin maidir le sábháilteacht, sláinte agus leas foirne an CCÉ, de réir mar atá ordaithe i Sceideal 4 den Acht um Shábháilteacht Sláinte agus Leas ag an Obair 2005.

Acht na dTeangacha Oifigiúla

De réir na hoibleagáide dlíthiúla atá curtha air faoi Acht na dTeangacha Oifigiúla 2003, déanann an CCÉ iarracht ábhar scríofa a fhoilsiú i mBéarla agus i nGaeilge araon, chomh maith le teagmháil a dhéanamh trí mheán na Gaeilge leosan ar mian leo amhlaidh a dhéanamh. Do na daoine siúd atá ag lorg faisnéise ar phróiseas gearán oifigiúil an CCÉ, tá faisnéis ar fáil i mBéarla agus i nGaeilge araon, an fhoirm ghearáin san áireamh.

Nochtuithe Cosanta

Foráiltear san Acht um Nochtuithe Cosanta daoine a chosaint ó ghníomh a thabhairt ina gcoinne i ndáil le nochtuithe déanta acu ar mhaithe le leas an phobail. In 2019, fuair an CCÉ 12 nochtadh cosanta féideartha faoi Alt 7 den Acht. Ní dhearnadh aon nochtadh cosanta faoi alt 6 den Acht.

Dualgas Comhionannais san Earnáil Phoiblí agus Chearta an Duine

Foráiltear do Dhualgas na hEarnála Poiblí faoi Alt 42 d'Acht na hÉireann um Chearta an Duine agus Comhionannas 2014, agus éilítear ar chomhlachtaí poiblí iarracht a dhéanamh deireadh a chur le hidirdhealú, comhdheiseanna agus déileáil chomhionann a chur chun cinn, agus cearta an duine gach ball foirne agus gach duine a bhfuil seirbhísí á gcur ar fáil ag CCÉ dóibh, nó aon duine a bhféadfar ár bpolasaithe agus ár ngnásanna dul i bhfeidhm orthu, a chosaint. Ní mór d'fhoireann uile an CCÉ cúrsa r-fhoghlama Choimisiún na hÉireann um Chearta an Duine agus Comhionannas a dhéanamh, is é sin An Comhionannas a Bhaint Amach i Seirbhísí Poiblí: Tús Eolais don Fhoireann Líne Tosaigh.

Tá Grúpa Oibre Comhionannais, Éagsúlachta agus Cuimsitheachta tar éis a bheith curtha i mbun. Grúpa faoi stiúir na foirne atá ann lena dtabharfar eolas faoin gcaoi a dtéann an CCÉ i ngleic le hábhair chomhionannais, éagsúlachta agus ionchuimsithe.

Íocaíochtaí pras

Foilsímid tuarascálacha ráithiúla ar ár suíomh gréasáin maidir lenár gcomhlíonadh le reachtaíocht a bhaineann le híocaíocht phra cuntas agus cuirimid iad seo ar fáil don Roinn Sláinte uair sa ráithe. In 2019, bhí 72% dár gcreidiúnaithe íoctha laistigh de 15 lá agus 21% eile laistigh de 30 lá.

Tuarascáil ón gCoiste Iniúchtóireachta agus Riosca

Déanann Coiste Iniúchta agus Riosca an CCÉ maoirseacht ar sláine rialachas, iniúchadh inmheánach, iniúchadh seachtrach agus rialuithe airgeadais an CCÉ, agus déanann sé iad a dheimhniú, agus ina theannta sin déanann sé measúnú ar cibé rioscaí a bhféadfadh an CCÉ a bheith neamhchosanta rompu, agus na bearta atá glactha ag an eagraíocht chun na rioscaí sin a mhaolú.

Mar atá leagtha amach sa Chód Cleachtais Chun Comhlachtaí Stáit a Rialú, gníomhaíonn an Coiste go neamhspleách lena chinntiú go gcosnaítear leasanna geallsealbhoirí an CCÉ maidir le gnó, tuairisciú airgeadais agus rialuithe inmheánacha an CCÉ. Féachann an CCÉ leis an gCód Cleachtais um Rialachas Comhlachtaí Stáit a chomhlíonadh i gcónaí, agus go comhlíonfar riachtanais i gcónaí sna iniúchtaí agus sna measúnuithe feidhmíochta a dhéantar. Tá seachtar ball ar an gCoiste, ceathrar ball de chuid na Comhairle agus trí bhall seachtracha arna ceapadh iad.

Áirítear i gcóras iniúchta inmheánaigh an CCÉ iniúcháirí inmheánacha CCÉ, Crowleys DFK CCÉ, agus an Coiste Iniúchta agus Riosca. Déanann an Coiste Iniúchtóireachta agus Riosca athbhreithniú ar thuarascálacha a ullmhaíonn an t-iniúcháir inmheánach.

Tuairiscíonn an Coiste ar bhonn ráithiúil do Chomhairle CCÉ lena dheimhniú di, má shíleann sé gur chóir é sin a dhéanamh, go bhfuil córais leordhóthanacha airgeadais agus neamhairgeadais i bhfeidhm ag CCÉ.

Cuireann iniúcháirí inmheánacha an CCÉ tuarascálacha ar fáil don Choiste ina leagtar béim ar easnaimh nó laigí, más ann dóibh, atá sna córais rialaithe inmheánaigh, agus molann siad bearta ceartaitheacha ina leith, nuair is gá. In 2019, d'ordaigh an Coiste Iniúchta agus Riosca go ndéanfaí iniúchtaí inmheánacha i réimsí na bainistíochta riosca agus athbhreithniú ardleibhéil ar chórais rialaithe inmheánaigh an CCÉ.

Ina theannta sin, fuair an Coiste tuarascálacha rialta ó Fhoireann Ceannaireachta Feidhmiúcháin an CCÉ maidir le cur i bhfeidhm moltaí ó na tuarascálacha iniúchta inmheánaigh roimhe seo agus faisnéis faoin staid airgeadais a bhaineann le bainistíocht leanúnach foirne, acmhainní, agus aoisliúntas an CCÉ.

Tugann an Coiste Iniúchta agus Riosca faoi deara go bhfuil an CCÉ ag leanúint lena bhainistíocht riosca a daingniú sna córais agus sna próisis atá ann. Ag gach ceann dá chruinnithe, rinne an Coiste athbhreithniú ar thuarascálacha ráithiúla rioscaí ar chlár rioscaí chorparáidigh CCÉ, agus in 2019 rinne sé mionanailís ar na cláir rioscaí roinne seo a leanas:

- An Rialáil
- An Rialachas Corparáideach & Gnóthaí Poiblí
- Oibriúcháin
- Oideachas & Clárúchán

Dearbhaítear sláine na bpróiseas atá i bhfeidhm don Choiste, agus na gníomhartha maolaitheacha a rinneadh áit ar cuí, agus creidtear go bhfuil siad oiriúnach chun tacú le cinní Chomhairle CCÉ, a cuntasacht, agus a bainistíocht ar rioscaí CCÉ.

Leanfar ar aghaidh leis go ndéanfaidh an Chomhairle monatóireacht ar athruithe agus ar fhorbairtí a tharlaíonn laistigh den CCÉ, chomh maith le haon rioscaí a d'fhéadfadh teacht chun cinn a mbeadh tionchar acu ar an eagraíocht, lena n-áirítear iadsan a d'fhéadfadh a tarlú le linn na dtionscadal um chlaochlú gnó agus athrú eagraíochtúil a bheith curtha chun feidhme.

In 2019, rinne an Coiste athbhreithniú agus moladh freisin ar nuashonruithe don Chomhairle maidir le Creat Rialachais Chorporáidigh an CCÉ. Rinne an Coiste athbhreithniú, i gcomhar leis an Iniúchóir Seachtrach, ar litir bhainistíochta an iniúchta sheachtraigh, agus bhí sé sásta leis an bhfreagra a fuair sé ó Fhoireann Ceannaireachta Feidhmiúcháin an CCÉ.

Tá an Coiste faoi réir athbhreithnithe de réir na téarmaí tagartha atá sainmhínithe aige féin, chun áirithint go bhfuil leordhóthain maoirseacht déanta agus go gcloítear le dea-chleachtas an rialachais chorporáidigh agus le riachtanais an Chóid Chleachtais chun Comhlachtaí Stáit a Rialú a chinntiú a dhóthain. Leasaigh an Chomhairle téarmaí tagartha an Choiste agus téarmaí tagartha an Choiste Feidhmíochta agus Acmhainní i mí na Nollag 2019, ag soiléiriú fhreagracht an Choiste Iniúcháireachta agus Riosca as sláine rialachas corparáideach an CCÉ a áirithiú.

Is é tuairim an Choiste Iniúchta agus Riosca faoi láthair go bhfuil córais leordhóthanacha bainistíochta riosca agus rialaithe inmheánaigh i bhfeidhm ag an CCÉ lena chinntiú go n-aithnítear, go maolaítear agus go rialaítear rioscaí, agus go bhfuil a oibleagáidí dlíthiúla agus rialála á gcomhlíonadh ag an CCÉ.



Paul Turpin
Cathaoirleach an Choiste Iniúchta agus Riosca

Ár dTuarascáil ar an mBainistíocht Riosca

Déanann an CCÉ an riosca a bhainistiú trí phróiseas chun athbhreithniú a dhéanamh ar na rioscaí aitheanta atá os a chomhair, an dóchúlacht go dtiocfaidh siad chun cinn, na hiarmhairtí a d'fhéadfadh a bheith acu dá dtiocfadh siad chun cinn, agus na bearta is gá chun iad a mhaolú. Tá beartas bainistíochta riosca cuimsitheach curtha i bhfeidhm againn agus próisis bhainistíochta riosca atá gaolmhar leis atá i bhfeidhm ar fud na heagraíochta ar fad.

Tá an fhreagracht deiridh as córas rialaithe inmheánaigh an CCÉ ag Comhairle an CCÉ, an bhainistíocht riosca san áireamh. Tá an Chomhairle freagrach as beartas bainistíochta riosca na heagraíochta a fhaomadh lena n-áirítear an inghlacthacht riosca, an plean leanúnachais gnó, chomh maith le monatóireacht a dhéanamh ar éifeachtacht an chórais fhoriomlán bainistíochta riosca. Tá freagrachtaí ar leith ag an lucht bainistíocht agus ag an fhoireann, ag an bPríomhoifigeach Riosca agus ag an Coiste Iniúchta agus Riosca gach aon cheann dár ngealltanais beartais riosca a chomhlíonadh.

Mar chomhlacht poiblí, a bhfuil sé de chúram air gníomhú ar mhaithe le sábháilteacht othar agus le cosaint an phobail, déanann an CCÉ iarracht rioscaí a bhféadfadh tionchar a bheith acu ar a chumas a fheidhmeanna agus a chuspóirí a chomhlíonadh go héifeachtach a bhainistiú agus a mhaolú. Tá na príomhrioscaí don eagraíocht sainaitheanta sa chlár riosca corparáidigh agus in 2019 rinne an Fhoireann Ceannaireachta Feidhmiúcháin, an Coiste Iniúchta agus Riosca agus an Chomhairle nuashonrú ar an riosca a bhreith.

Rinne Comhairle an CCÉ measúnú ar chineálacha agus ar mhéideanna na rioscaí a bhfuil sí toilteanach glacadh leo chun cuspóirí straitéiseacha an CCÉ a bhaint amach. Tá achoimre ar phríomhrioscaí agus neamhchinnteachtaí an CCÉ amhail Nollaig 2019 thíosluaite.

- Tá freagracht ar an CCÉ oibriúchán éifeachtach an Achta Cógaisíochta a dheimhniú, bearta iomchuí a dhéanamh de réir a shainchúraim agus sláine an chórais rialála cógaisíochta a choinneáil ar mhaithe le leas an phobail. Tá rioscaí ann atá sainaitheanta a bhaineann leis an gcreat reachtaíochta reatha agus tá an teagmháil déanta ag an CCÉ leis an Roinn Sláinte d'fhonn an creat reachtaíochta a athchóiriú mar iarracht a dhéanamh na rioscaí sin a mhaolú. Scrúdaigh an CCÉ an tsamhail rialála a bhaineann leis an ngné rialáilte de chógaslanna ospidéil agus táthar ag iarraidh soiléireacht a thabhairt ar an ábhar seo.
- Tá freagrachtaí leathana rialála ag an CCÉ agus tá clár oibre straitéiseach dúshlánach leagtha síos aige ar mhaithe lena mhisean a réadú ar bhealach éifeachtach agus éifeachtúil. Caithfidh an CCÉ a chinntiú go bhfuil na hacmhainní riachtanacha aige - airgeadais agus pearsanra - ar fáil chun ár bhfreagrachtaí rialála a bhaint amach. Maolaítear an riosca sa chomhthéacs seo trí Phlean Seirbhíse bliantúil agus buiséad a shocrú agus tríd an mmonatóireacht a bheith déanta ar an fheidhmíocht ag an lucht bainistíochta, agus ag leibhéal na gCoistí agus na Comhairle, trí athbhreithniú a bheith déanta ar ár dtosaíochtaí ar bhonn leanúnach i gcoinne na

hinfhaighteachta acmhainní agus an nochtadh riosca, agus tríd an straitéis a chur i bhfeidhm i ndáil leis an mbeartas airgeadais, le nós imeachta, leis an sreabhadh airgid agus leis an luach ar airgead.

- Tá an tionscadal céimnithe um chlaochlú gnó (2019-2021) dírithe ar thacaíocht a bheith tugtha le 'bealaí oibre níos fearr' a bheith curtha i gcrích ar fud an CCÉ lena chinntiú go n-úsáidfimid na hacmhainní teicneolaíochta agus daonra atá againn ar an mbealach is fearr is féidir. I measc na dtionscadal príomhúil atá ann in 2020, áirítear measúnú maoinithe straitéiseach lena gcuirfear bonn eolais faoin gcéad straitéis chorpáraideach eile atá againn.
- Rinne Comhairle an CCÉ plé fairsing ar an easpa rialacha atá ann maidir le neamhláithreachtaí sealadach cógaiseoirí ó ghnó cógaisíochta miondíola, a d'fhéadfadh tarlú nuair a bhíonn cúntóir cógaisíochta cláraithe i bhfeidhm le linn na neamhláithreachta sin, mar a fhoráiltear faoin Acht Cógaisíochta. Chun an riosca seo a mhaolú, mhol an Chomhairle dréachtshraith rialacha reachtúla don Aire Sláinte in 2019. Mar sin féin, táthar ag feithimh ar thoradh Athbhreithnithe Breithiúnaigh a bhaineann leis na rialacha agus go dtí go bhfuil breithiúnas déanta air sin, ní féidir tuilleadh dul chun cinn a bhaint amach i ndáil leis na rialacha sin. Is léir don Chomhairle go bhfuil easpa rialacha fós ann maidir leis an riosca don phobal agus don CCÉ.
- Thug an CCÉ clár nua oideachais isteach le blianta beaga anuas i ndáil le cógaiseoirí a fhaigheann a cháilíochtaí in Éirinn. Is priacail iad ar a bhfuil an CCÉ ag déanamh athbhreithniú orthu na rioscaí a bhaineann le daingniú chlár cúig bliana MPharm, agus le socrúcháin a bheith ar fáil do na mic léinn chomh maith leis an soláthar leanúnach den oideachais cógaisíochta ar ardchaighdeán. Chun na rioscaí sin a mhaolú, tá caighdeán chreidiúnaithe curtha i bhfeidhm ag an CCÉ, déanann an CCÉ cuairteanna creidiúnaithe ar bhonn rialta, téann sé i dteagmháil leis na hinstiúidí ardoideachais agus lena seirbhís chomhroinnte, leis an gComhlachtas um Fhoghlaim ó Thaithí Cleachtais Cógaisíochta (APPEL), agus le mic léinn, nuair is cuí. Téann an CCÉ i mbun teagmhála leis an Roinn Sláinte freisin, de réir mar is gá.
- Bíonn an CCÉ ag brath ar an teicneolaíocht mar éascaitheoir suntasach chun ár bhfeidhmeanna a sheachadadh. Tá an CCÉ tuisceanach chomh maith maidir le straitéis an rialtais chun feabhas a chur ar an rochtain ar líne agus ar an freastal digiteach maidir le seirbhísí don phobal agus dár gcláraithe. Bíonn riosca glactha ag an CCÉ a bhaineann le héifeachtacht oibríochtúil agus leis an rochtain don úsáideoir agus le héispéireas an úsáideora seirbhíse nuair atá an bonneagar nua á fhorbairt mar gheall ar chórais TFC atá ag dul in aois, agus bheadh leanúnachas gnó an CCÉ curtha i mbaol dá mba rud é go raibh tionchar ag an cibearghníomhaíocht mhailíseach air seo. Chun na rioscaí seo a mhaolú, ghlac an CCÉ le bearta chun a chinntiú go ndéantar nuashonruithe agus tástáil leanúnach ar chórais, go bhfuil plean leanúnachais gnó curtha i mbun, agus go bhfuil bogearraí frithvíreas agus bonneagar cibearshlándála i bhfeidhm. Tá clár feasachta agus oiliúna úsáideoirí slándála i bhfeidhm don fhoireann go léir. Ghlac an Chomhairle an CCÉ le ráiteas beartais um thús áite don fhaisnéis dhigiteach agus cheadaigh sí tionscadal claochlaithe gnó ilchéime, mar aon leis an infheistíocht tionsclaíochta, chun córas nua cláraithe agus r-chumasúcháin a chur ar fáil don eagraíocht. Cuireadh tús leis an tionscadal seo le tacaíocht thiomnaithe a bheith curtha ar fáil le hoifig tionsclaíochta, agus le maoirseacht a bheith déanta ar bhord clár tionscadlaíochta a thuairiscíonn do Chomhairle an CCÉ.
- In ainneoin an phleanáil agus an breithniú suntasach a bheith déanta ag an CCÉ, agus ar aon dul leis an Roinn Sláinte agus daoine eile, tá rioscaí gnó agus próisis ann a d'fhéadfadh tionchar a bheith acu ar an eagraíocht nuair a théann an Ríocht Aontaithe as an AE go críochnúil.

- Is réimse é seo atá fós faoi athbhreithniú ag an CCÉ i gcónaí agus áiríodh ar na gníomhaíochtaí maolaitheacha faomhadh an CCÉ in 2019 maidir le dréachtrialacha cláraithe a leasú lena chinntiú go bhféadfaí iarratais Ríochta Aontaithe a bhainistiú chomh héifeachtúil agus chomh praiticiúil agus is féidir sa chás go raibh Brexit gan margadh ann, chomh maith le tabhairt faoi athbhreithniú níos leithne ar na bealaí atá ann faoi láthair chun cláraithe agus chun aitheantas a fháil, agus aird tugtha do gach chineál de dhuine a bhíonn ag lorg rochtana ar an gcleachtas in Éirinn. Tá obair déanta ag an CCÉ i gcomhar le ranna rialtais, lenár gcomhghleacaithe rialála san RA, agus le daoine eile maidir le hathruithe a mbeidh tionchar acu ar fheidhmeanna an CCÉ, agus ar an timpeallacht sláinte agus cógaisíochta níos leithne.

Ár dTuarascáil

Airgeadais

Rinne JPA Brenson Lawlor iniúchadh ar chuntais bhliantúla 2019 an CCÉ, agus tá sonraí na gcuntas léirithe sna Ráitis Airgeadais a ghabhann leis seo don bhliain dar críoch an 31 Nollaig 2019.

Ioncam

Ba é an t-ioncam iomlán a bhí ann in 2019 ná €7.822m, agus réitíonn sé sin le hioncam 2018, gurb ionann é agus €7.833m. Tá an CCÉ féinmhaoinithe go príomha, le dhá phríomhfhoinsí ioncaim aige faoi láthair: ioncam ó tháillí clárúcháin agus tháillí riaracháin agus maoiniú ón Roinn Sláinte d'Institiúid Cógaisíochta na hÉireann (IIOP).

Tá ioncam iomlán na dtáillí do 2019, ar €7.222m, ar aon dul leis an tsuim a bhí ann in 2018.

Bailítear an chuid is mó de tháillí cláraithe leanúnacha i mí na Samhna agus na Nollag gach bliain agus scaoiltear iad le linn na tréimhse ioncaim infheidhme. Ba ionann an t-ioncam iarchurtha comhthoraidh (táillí réamhíochta) a bhí coinnithe ar an 31 Nollaig 2019 agus €6.010m (€5.984 in 2018) agus tá sé sin léirithe san airgead tirim a bhí coinnithe ag an dáta sin sa Ráiteas ar an Staid Airgeadais.

In 2019, fuarthas maoiniú dar luach €0.600m ón Roinn Sláinte i dtaca le IIOP. Is ionann an tarraingt anuas €0.600m agus leithdháileadh iomlán na gcistí ón Roinn Sláinte do 2019.

Costais phá

Níor sháraíodh an leibhéal bunfhoirne lánaimseartha arna fhaomhadh ag an Roinn Sláinte in 2019. Ba ionann meánlíon na mball foirne ar an bpárolla le linn na bliana agus 40. In 2019, d'úsáid CCÉ acmhainní sealadacha freisin, is iad sin foireann ghníomhaireachta, chun CCÉ a chumasú chun a oibleagáidí reachtúla a chomhlíonadh.

Ba ionann iomlán na gcostas pá, lena n-áirítear ÁSPC fostóirí agus costais phinsin agus costais ball foirne sealadach in 2019 agus €3.714m, ar mhéadú €0.256m é ar chostas €3.458 a bhí ann in 2018. Ba ionann na costais phá dhíreacha don bhliain agus €3.040m, arb ionann é sin ar mhéadú €0.234m é ar chostas €2.806m in 2018.

I gcomhréir leis an gCód Cleachtais Chun Comhlachtaí Stáit a Rialú, 2016, nochtar tuarastal an Chláraitheora agus an Chláraitheora Ghníomhaigh arna bhfaomhadh ag an Aire Sláinte le toiliú an Aire Airgeadais, sna ráitis airgeadais bhliantúla.

Tá na táillí agus na costais taistil a íocadh le comhaltaí na Comhairle, Comhaltaí na gCoistí agus fostaithe CCÉ faoi réir mionscrúdaithe chomh maith ag na hIniúcháirí Inmheánacha agus ag an gCoiste Iniúcháireachta agus déanann an Cláraitheoir iad a fhaomhadh go hoifigiúil.

Tá costais taistil agus cothabhála, lena n-áirítear costais idirnáisiúnta, nochta sna ráitis airgeadais bhliantúla. I gcomhréir le Sceideal 1, mír 14 den Acht Cógaisíochta 2007, is iad rátaí pá na foirne in CCÉ na cinn a fhaomhann an tAire Sláinte, le toiliú ón Aire Caiteachais Phoiblí agus Athchóirithe, le haghaidh ghráid na hearnála sláinte. Níor íoc an CCÉ aon íocaíochtaí bónaís nó feidhmíochta ar bith in 2019 de réir threoir na Roinne Caiteachais Phoiblí agus Athchóirithe.

Bhí leibhéal na neamhláithreachta ag foireann CCÉ fós íseal in 2019 ag 1.50%, i bhfad níos lú ná an ráta de 2.04% a bhí ann in 2018. Tá ard-mheas ag angCláraitheoir agus ag an gComhairle arthiomantas agus ar dhíograis fhoireann an CCÉ, go háirithe nuair a chuirtear san áireamh na seirbhísí atá le déanamh, ar sheirbhísí casta iad atá á leathnú amach.

Costais neamhphá

Ba ionann iomlán na gcostas neamhphá in 2019 agus €3.761m (2018: €3.839m). Ag seo a leanas na príomhchodanna de a bhí ann:

	2019	2018
	€m	€m
• Táillí dlí	0.526	0.486
• Táillí comhairleoireachta cánach agus airgeadais	0.022	0.019
• Táillí gnóthaí poiblí/margaíochta	0.044	0.038
• Pinsin agus acmhainní daonna	0.009	0.029
• Táillí sainchomhairleoireachta agus gairmiúla	0.071	0.063
• Costais TFC	0.357	0.477
• Priontáil, Postas agus Stáiseanóireacht	0.143	0.144
• Deisiúcháin, cothabháil agus costais réadmhaoine eile	0.135	0.141
• Dímhéas	0.066	0.073
• Costais oideachais eile	0.034	0.007
• Institiúid Cogasaíochta na hÉireann (IIOP)	1.297	1.272
• Comhlachtas um Fhoghlaim ó Thaithí Cleachtais Cógaisíochta (APPEL)	0.067	0.130

D'oibrigh Institiúid Cógaisíochta na hÉireann (ICE) ar feadh bliain fhéilire iomlán in 2019 agus rinne sí a leithdháileadh buiséad oibriúcháin iomlán €1,296,582 a tharraingt anuas. Rinneadh an méid seo a fhritháireamh le maoiniú €600,000 ón Roinn Sláinte a fuarthas.

Lean an CCÉ lena Pholasáí Soláthair faofa agus le plean soláthair bliantúil 2019 a úsáid chun a chinntiú go mbaintear amach an luach is fearr ar airgead agus gur srianadh costais chomh maith agus ab fhéidir linn.

Torthaí airgeadais 2019 i gcoinne an bhuiséid

Sa tábla thíos tugtar breac-chuntas ar an toradh ioncam agus caiteachas oibriúcháin don bhliain 2019 i gcoinne buiséad tosaigh 2019. Ní chuimsítear leis na figiúirí seo idirbhearta a bhaineann le caipiteal, a ndéantar cuntas orthu siúd sa Chlár Comhardaithe.

Torthaí na bliana 2019 ó ghníomhaíochtaí oibriúcháin i gcoinne an bhuiséid tosaigh

	An Buiséad Tosaigh €	Toradh €	Difríocht €	Difríocht %
Ioncam iomlán	7,595,775	7,822,156	226,381	2.98%
Caiteachas				
Costais phá	4,084,559	3,713,687	370,872	0.90%
Costais neamhphá	4,392,977	3,761,048	631,928	14.38%
Caiteachas iomlán	8,477,536	7,474,735	1,002,800	11.83%
(Easnamh)/Barrachas ó ghníomhartha	(881,761)	347,421	1,229,181	139.40%
Ioncam ón ús	14,959	10,348	(4,611)	(30.82%)
Barrachas / (Easnamh)	(866,802)	357,769	1,224,571	141.27%
An Cistiú ó Chúlchistí	516,891	395,191	121,700	23.54%
(Easnamh) / barrachas coigeartaithe don bhliain	(349,911)	752,960	1,102,781	315.19%

Ráiteas ar staid an airgeadais

Léirítear i Ráiteas ar an Staid Airgeadais an CCÉ amhail an 31 Nollaig 2019 gur sháraigh na sócmhainní iomlána na dliteanais iomlána faoi €23.740m, i gcomparáid le €23.382m amhail an 31 Nollaig 2018. Is ionann an tsuim sin agus glansócmhainní an CCÉ, agus Áras an CCÉ san áireamh. Is mar seo a leanas atá sé léirithe sa Ráiteas ar an Staid Airgeadais:

	2019	2018
	€m.	€m.
Cuntas ioncaim agus caiteachais	9.826	9.469
Cúltaisí athluachála	11.414	11.414
Cúlchiste dlíthiúil sainithe	2.500	2.500
Cúltaisí clabhsúir	23.740	23.383

Ba ionann an t-iarmhéid airgid sa Ráiteas ar an Staid Airgeadais amhail an 31 Nollaig 2019 agus €17.294m. Ag an bpointe sin shroich ár n-airgead tirim buaicphointe toisc gur íoc formhór na gcláraithe a dtáillí (ioncam iarchurtha) don bhliain dár gcionn. Ba ionann luach an ioncaim iarchurtha agus €6.010m (€5.984m in 2018).

Cuimsítear na ceangaltas seo a leanas ar an iarmhéid airgid tirim:

	2019
	€m
Ioncam iarchurtha (réamhíocaíocht táillí)	6.010
Ciste reachtúil um scéim aoisliúntais na foirne	4.661
Cúlchiste dlíthiúil sainithe	2.500
Leibhéal íosta an chúlchiste ioncaim agus caiteachais - timpeall 30% de na táillí clárúcháin	2.124
Iomlán airgid tiomnaithe	15.295
Airgead tirim neamhshrianta	1.999
	17.294

Baineann ciste scéim reachtúil aoisliúntais foirnean CCÉ de €4.661 milliún le 'Scéim Aoisliúntais Chumann Cógaiseoirí na hÉireann 2016' arna bunaíodh go foirmiúil an 10 Márta 2016 í, nuair a shínigh an tAire Sláinte IR 136 de 2016 le toiliú ón Aire le haghaidh Caiteachais Phoiblí agus Athchóirithe, agus lena nglacadh leis na Rialacha maidir le Rialacháin Scéim Phinsin na Seirbhíse Poiblí i gcás comhaltaí a bhí ann cheana IR, Uimh. 582 de 2014). Is scéimeanna aoisliúntais sochair shainithe í an scéim chun sochair aoisliúntais a chur ar fáil do bhaill foirne, nó ina leith. Coinnítear cistí na scéime i gcuntas taisce ainmnithe, áfach, go dtí go gceadaítear an sásra maoinithe don scéim. Tá idirchaidreamh á dhéanamh ag an CCÉ leis an Roinn Sláinte agus leis an Roinn Caiteachais Phoiblí agus Athchóirithe leis an ábhar seo a chur ar aghaidh.

Shonraigh na hIniúcháirí, JPA Brenson Lawlor, i dtuarascáil an iniúcháir neamhspleách gurb é a dtuairim go dtugtar léargas cóir fíor sna Ráitis Airgeadais ar staid ghnóthaí an CCÉ amhail an 31 Nollaig 2019 agus ar a thorthaí don bhliain 2019. Mar sin féin, chuir siad nóta béime ábhair leis maidir le láimhseáil chuntasaíochta na Scéime Aoisliúntais, ar na cúiseanna atá leagtha amach sa mhír thuas.

Tá siad den tuairim chomh maith go ndearnadh na torthaí don bhliain a ullmhú mar is cuí de réir Sceideal 1, mhír 16 den Acht Cógaisíochta 2007 agus de réir an Chleachtais Chuntasaíochta a nGlactar Leis go Coitianta in Éirinn. Tá siad den tuairim freisin go bhfuil sé léirithe sa Ráiteas ar an gCóras Rialuithe Inmheánacha sna ráitis airgeadais gur comhlíon an CCÉ le ceanglais mhír 1.9 (iv) den Chód Cleachtais um Rialachas Comhlachtaí Stáit 2016. Deimhníonn siad chomh maith go bhfuair siad an fhaisnéis agus na míniúcháin ar fad atá riachtanach chun críocha an iniúchta agus go bhfuil na ráitis airgeadais i gcomhréir leis na taifid chuntasaíochta. Is é a dtuairim gur leor taifid chuntasaíochta an CCÉ chun go mbeifí ábalta iniúchadh a dhéanamh ar na ráitis airgeadais go réidh agus mar is ceart.

Ba é an comhlacht Crowleys DFK, 16/17 Faiche an Choláiste, Baile Átha Cliath 2 a thug faoi ghníomhaíochtaí iniúchta inmheánaigh do CCÉ in 2019.

Is iad iniúcháirí ceaptha seachtracha an CCÉ in 2019 ná JPA Brenson Lawlor, Teach Brenson Lawlor, Cearnóg Earra Ghaidheal, Bóthar Morehampton, Baile Átha Cliath 4.

Oifig cláraithe an CCÉ:

Áras an CCÉ, 15-19 Sráid na bhFíiní

Baile Átha Cliath 2, D02 TD72

Fón: +353 1 2184000

Facs: +353 1 2837678

R-phost: info@psi.ie

Láithreán Gréasáin: www.psi.ie

Ráitis Airgeadais 2019



The diagram illustrates a rectangular area partitioned into 12 smaller rectangular sections. The sections are defined by lines of four different colors: yellow, blue, red, and green. The layout is as follows:

- Top Row:** Four sections. From left to right: a yellow-outlined rectangle, a large green-outlined rectangle, a red-outlined rectangle, and a green-outlined rectangle.
- Second Row:** Three sections. From left to right: a blue-outlined rectangle, a large green-outlined rectangle, and a blue-outlined rectangle.
- Third Row:** Two sections. From left to right: a red-outlined rectangle and a large yellow-outlined rectangle.
- Fourth Row:** Four sections. From left to right: a yellow-outlined rectangle, a large green-outlined rectangle, a blue-outlined rectangle, and a red-outlined rectangle.
- Fifth Row:** A single, large blue-outlined rectangle spanning the entire width of the diagram.

The colors of the outlines likely represent different categories or groups, with yellow and blue appearing more frequently than red and green.

Clár Ábhar

Ráitis Airgeadais

50	Tuarascáil na Comhairle
53	Ráiteas maidir le Freagrachtaí na Comhairle
54	Tuarascáil an Uachtaráin
56	Ráiteas faoin gCóras Rialaithe Inmheánaigh
58	Tuarascáil an Iniúcháir Inmheánaigh
61	Ráiteas ar an ioncam cuimsitheach
65	Ráiteas ar staid an airgeadais
63	Ráiteas ar na sreafaí airgid
64	Nótaí a ghabhann leis na ráitis airgeadais

Faisnéis faoin gComhairle

Uachtarán

Joanne Kissane, Uas

Leas-Uachtarán

An tUas Michael Lyons

Comhaltaí na Comhairle

An tUas Hugo Bonar
Nicola Cantwell, Uas
Geraldine Crowley, Uas
Dorothy Donovan, Uas

An tUas Fintan Foy
An Dr Paul Gorecki
An tUas Roy Hogan
An tUas Mark Jordan
An tOll Brian Kirby
An tUas Graham Knowles
An Dr Shane McCarthy
Muireann Ní Shuilleabháin, Uas
Marie Louisa Power Uas
An Dr Ailis Quinlan
An tUas Sean Reilly
Ann Sheehan, Uas
Veronica Treacy, Uas
An tUas Paul Turpin
Fiona Walsh, Uas.

Baill na Comhairle a bhí in oifig ar feadh chuid de 2019

An tUas Rory O'Donnell (Uachtarán)
Mary Rose Burke, Uas
An tUas Pat O'Dowd
An tOllamh Comhlach Sheila Ryder

An Cláraitheoir

An tUas Niall Byrne

Ceannoifig:

Áras an CCÉ
15-19 Sráid na bhFíiní
Baile Átha Cliath 2

Baincéirí

Banc Uladh
166a Bóthar Shíol Bhroin
Droichead na Dothra
Baile Átha Cliath 4

Banc na hÉireann
Faiche an Choláiste
Baile Átha Cliath 2

Bainc-Aontas Éireann cpt
18 An Fhaiche Mhór
Co. na Gaillimhe

Banc KBC
Sráid Sandwith Uachtarach,
Baile Átha Cliath 2

Aturnaetha

Fieldfisher (lena n-ionchorprú McDowell Purcell)
Foirgneamh Chéipil
Mainistir Mhuire
Baile Átha Cliath 7

O'Connor's Solicitors
8 Sráid an Chláraigh
Baile Átha Cliath 2

Arthur Cox
Ardán Phort an Iarla
Baile Átha Cliath 2

Tuarascáil na Comhairle

Tá a tuarascáil bhliantúil agus na ráitis airgeadais iniúchta don bhliain dar críoch 31 Nollaig 2019 curtha i láthair ag an gComhairle.

Príomhghníomhaíochtaí

Comhlacht reachtúil neamhspleách is ea Cumann Cógaiseoirí na hÉireann (An CCÉ) a bunaíodh faoin Acht Cógaisíochta, 2007. Tá an CCÉ á rialú ag Comhairle 21 ball a gceapann an tAire Sláine iad. Is éard a gcuimsítear leis an gComhairle ná Uachtarán, Leas-Uachtarán agus 19 ball eile de chuid an Chomhairle, agus tromlach de na baill siúd ina mball tuata (neamh-chógaiseora).

Tá Cóid Iompair don Chomhairle, do chomhaltaí an Choiste Chomhairligh agus d'fhostaithe curtha i bhfeidhm ag an CCÉ. Cuireann an CCÉ na caighdeáin is airde nochtaithe agus trédhearcachta i bhfeidhm maidir le leasanna atá ag baill foirne agus ag baill na Comhairle.

Ag seo a leanas, príomhghníomhaíochtaí an CCÉ:

- Clárúchán cógaiseoirí, cúntóirí cógaisíochta agus cógaslanna;
- Gairm na cógaisíochta a fheabhsú lena n-áirítear cinnte a dhéanamh de go bhfuil gach aon chógaiseoir ag tabhairt faoin fhorbairt ghairmiúil leanúnach;
- Caighdeáin a shocrú maidir leis an oideachas agus an oiliúint cógaisíochta;
- Creidiúnú clár oideachais do ghairm na cógaisíochta ar leibhéal éagsúla;
- Dearbhú cáilíochta ar chaighdeáin, agus forbairt a chleachtais cógaisíochta;
- Cigireacht agus forfheidhmiú, lena n-áirítear ionchúisimh a dhéanamh;
- Gearáin agus ábhair araíonachta a láimhseáil, lena n-áirítear smachtbhannaí a fhorchur;
- Comhairle a thabhairt don Rialtas maidir le cúram, cóireáil agus seirbhís na cógaisíochta in Éirinn.

Rialú inmheánach

Tá an Chomhairle freagrach as córais rialaithe inmheánaigh an CCÉ. Ní féidir le córais dá leithéid ach amháin dearbhú réasúnach a thabhairt, seachas dearbhú iomlán, i gcoinne míráiteas nó caillteanas ábhartha.

An Coiste Iniúcháireachta agus Riosca

Tá Coiste Iniúchta agus Riosca i bhfeidhm ag an CCÉ, agus seachtar comhaltaí ann, a tháinig le chéile ceithre huaire le linn 2019. Tá an Coiste freagrach as athbhreithniú a dhéanamh ar ábhair rialaithe inmheánaigh, mar aon le haon saincheistanna eile a thagann chun cinn ó na hIniúcháirí Inmheánacha, na hIniúcháirí Seachtracha agus ó chomhaltaí an Choiste.

Beartas luacha saothair

Nochtar na costais luach saothair agus taistil atá íoctha le baill na Comhairle sna nótaí a ghabhann leis na ráitis airgeadais. Ní fhaigheann aon bhall earnála poiblí de chuid na Comhairle luach saothair de réir threoracha an Aire Sláinte.

Íocann an CCÉ a fhoireann de réir scálaí tuarastail comhdhlúite na Roinne Sláinte agus scálaí tuarastail na Státseirbhíse.

Torthaí airgeadais

Tá barrachas oibriúcháin de €357,769 (2018 - €550,844) léirithe sna torthaí airgeadais don bhliain 2019.

Is ionann an t-ioncam don bhliain agus €7.822m, agus tá sé sin ar aon dul leis an ioncam do 2018, is é sin le rá €7.833m.

Maidir leis an gcaiteachas tuairiscithe bliantúil, tháinig méadú ar an gcaiteachas oibriúcháin de €178k suas go €7.475m in 2019 i gcomparáid le 2018 - €7.297m.) Leanann an CCÉ ag cur béime ar mhúnla a oibriú a dhéanann iarracht oibriú chomh héifeachtúil agus is féidir agus ar bhainistíocht costas chun luach ar airgead a chinntiú ar fud na heagraíochta.

Thug an Chomhairle údarás don Chúlchiste Ioncaim & Caiteachais (I&E) a úsáid chun roinnt tionscadal dar luach €516,891 a mhaoiniú agus caitheadh €395,191 de sin in 2019. Caitheadh €255,108 den airgead seo ar an Tionscadal Claochlaithe Gnó (BTP) in 2019 agus caitheadh an chuid eile de, is é sin le rá €140,083, ar na gníomhaíochtaí ag seo a leanas: An tAthbhreithniú ar Struchtúr na hEagraíochta, an Clár Intéirneachta Cógaisíochta Náisiúnta (NPIP), an Comhlachtas um Fhoghlaim ó Thaithí Cleachtais Cógaisíochta (APPEL) agus an Cód Iompair do Chógaiseoirí.

Tháinig an comórtas soláthair phoiblí chun críche i mí na Samhna 2019 chun comhpháirtí a roghnú le haghaidh an ghné seirbhísí chlaochlaithe digiteacha den BTP a sheachadadh.

D'fhaomh an Chomhairle síolmhaoiniú anchórais TF agus oiliúint ar líne do chógaiseoirí teagaisc le haghaidh APPEL an 8 Nollaig 2016 le maoiniú ón iarmhéid sa Chúlchiste Réadmhaoine agus an t-iarmhéid ón gCúlchiste Ioncaim agus Caiteachais. Agus an Cúlchiste Réadmhaoine i bhfeidhm go hiomlán in 2018, cuireadh an méid iomlán de €90,000 ar leataobh le haghaidh an tsíolmhaoinithe don tionscadal seo ó Chúlchistí I&E in 2019. Caitheadh €67,275 den chiste €90,000 in 2019, rud a d'fhág go raibh an fuilleach curtha siar go 2020.

Príomhrioscaí agus príomhéigeantachtaí

Laistigh den timpeallacht reatha tá raon rioscaí straitéiseacha, corparáideacha agus gnó ann a dhéantar iad a bhainistiú go gníomhach agus ar bhonn leanúnach. Ina measc siúd, áirítear tosaíocht a thabhairt d'acmhainní chun sainordú dlíthiúil reachtúil agus gairmiúil an CCÉ a chomhlíonadh, agus freastal ar éifeachtúlacht agus cáilíocht an rialála, an fhorbairt ghairmiúil agus oideachas, an bhainistíocht airgeadais, cothabháil gníomhaíochtaí cigireachta agus forfheidhmithe, agus idirghníomhaíocht iomchuí agus éifeachtach le gníomhaíochtaí, rialtóirí agus cláraithe eile a áirithiú, chomh maith lena chinntiú go leantar leis an dea-rialachas a bheith i bhfeidhm.

Tá cúlchistí airgid leordhóthanacha ag an CCÉ agus níl aon riosca sreafa airgid beartaithe don gharthréimhse atá amach romhainn.

Na leabhair chuntais

Tá an Bord freagrach as leabhair chuntais chuí a choimeád ina nochtar le cruinneas réasúnta, ag gach uile uair, staid airgeadais an CCÉ. Tá an Chomhairle cuntasach chomh maith as cosaint shócmhainní an CCÉ agus dá réir sin, as bearta réasúnta a dhéanamh chun calaois agus neamhrialtachtaí eile a chosc agus a bhrath. Coinnítear leabhair chuntais an CCÉ in Áras an CCÉ, 15/19 Sráid na bhFíiní, Baile Átha Cliath 2.

Forbairtí amach anseo

Níl an Chomhairle ag súil le haon athruithe suntasacha a dhéanamh maidir leis an gcineál gnó sa tamall beag atá amach romhainn.

Imeachtaí iar-chlár comhardaithe

Ní raibh cúinsí nó imeachtaí ar bith a tharla i ndiaidh dheireadh na bliana a n-éileodh orainn iad a nochtadh sna ráitis airgeadais nó sna nótaí ná na ráitis nó na nótaí a leasú ach oiread ó dheireadh na bliana go dtí seo.

Iniúcháirí

Athcheapadh JPA Brenson Lawlor mar iniúcháir na cuideachta in 2019, de réir alt 383 (2) d'Acht na gCuideachtaí, 2014.

An 26 Márta 2020, rinne an Chomhairle an tuarascáil seo a fhaomhadh agus rinneadh í a shíniú thar a ceann.



Joanne Kissane
Uachtarán



Michael Lyons
Leas-Uachtarán

Ráiteas maidir le Freagrachtaí na Comhairle

Tá an Chomhairle freagrach as an tuarascáil agus na ráitis airgeadais a ullmhú de réir dlí agus rialacháin na hÉireann.

Le Sceideal 1, alt 16 den Acht Cógaisíochta, 2007, ceanglaítear ar an gComhairle ráitis airgeadais a ullmhú maidir le gach bliain airgeadais. Faoin dlí, thogh an Chomhairle na ráitis airgeadais a ullmhú de réir Chleachtais Chuntasaíochta a nGlactar go Ginearálta leo in Éirinn, lena n-áirítear Caighdeán Tuairiscithe Airgeadais 102 'An Caighdeán Tuairiscithe Airgeadais is infheidhme sa Ríocht Aontaithe agus i bPoblacht na hÉireann' agus arna fhógairt ag Institiúid na gCuntasóirí Cairte in Éirinn agus le dlí na hÉireann.

Agus na ráitis airgeadais seo á n-ullmhú, éilítear ar an gComhairle:

- beartais chuntasaíochta oiriúnacha a roghnú agus iad sin a chur i bhfeidhm i gcónaí;
- breithiúnais agus meastacháin chuntasaíochta a dhéanamh atá réasúnta agus stuama;
- a luath ar ullmhaíodh nó nár ullmhaíodh na ráitis airgeadais de réir na gcaighdeán cuntasaíochta iomchuí, agus, chomh maith leis sin, na caighdeáin sin a shonrú, agus suntas a thabhairt ar na cúiseanna ar a ndearnadh imeacht ábhartha ó na caighdeáin sin; agus
- na ráitis airgeadais a ullmhú ar bhonn gnóthais leantaigh mura bhfuil sé míchuí glacadh leis go leanfaidh an CCÉ i mbun gnó.

Tá an Chomhairle freagrach as a chinntiú go gcoinníonn CCÉ leabhair chuntais chuí go mbeidh cúis aige lena gcoinneáil, ina dtugtar míniú ceart agus ina dtaifeadtar idirbhearta uile CCÉ, a chur ar chumas CCÉ tráth ar bith, sócmhainní, dliteanais, staid airgeadais agus barrachas agus easnamh CCÉ a dhearbhu le cruinneas réasúnta, rud a chuireann ar a gcumas a chinntiú go bhfuil na ráitis airgeadais agus tuarascáil na Comhairle i gcomhréir le Mír 16 den Acht Cógaisíochta, 2007, agus go mbeifear ábalta na ráitis airgeadais a iniúchadh. Chomh maith leis sin tá siad freagrach as cosaint shócmhainní an CCÉ agus dá réir sin, as bearta réasúnta a dhéanamh chun calaois agus neamhrialtachtaí eile a chosc agus a bhrath.

Thar ceann na Comhairle, an 26 Márta 2020



Joanne Kissane
Uachtarán



Michael Lyons
Leas-Uachtarán

Tuarascáil an Uachtaráin

I gcomhréir le Cód Cleachtais Chun Comhlachtaí Stáit a Rialú (2016) na Roinne Caiteachais Phoiblí agus Athchóirithe, ba mhaith liom a dhearbhú:

- i. Ní raibh forbairtí suntasacha tráchtála ar bith ann lena ndearnadh difear d'oibríochtaí leanúnacha CCÉ in 2019.
- ii. Tá na nósanna imeachta cuí á gcur i gcrích maidir le tuairisciú airgeadais, iniúchóireacht inmheánach, cúrsaí taistil, soláthair agus diúscairt sócmhainní.
- iii. Léirítear sa Chreat um Rialachas Corparáideach go bhfuil CCÉ ag cloí le nósanna imeachta diúscairthe le haghaidh sócmhainní mar atá léirithe sa Chód Cleachtais maidir le Rialachas Comhlachtaí Stáit. Luaitear san Acht Cógaisíochta 2007 gur féidir barrachas ar bith i ndiaidh sócmhainní a dhiúscairt a leithdháileadh ar fhorbairt oideachais, taighde nó cuspóir poiblí ar bith eile a baineann le cógaisíocht.
- iv. Cuimsíodh Ráiteas maidir leis an gCóras um Rialú Airgeadais Inmheánach mar chuid de na Ráitis Airgeadais seo.
- v. Tá Cóid Iompair don Chomhairle, do chomhaltaí an Choiste Chomhairligh agus d'fhostaithe an CCÉ i bhfeidhm, agus cloítear leo.
- vi. Táthar ag cloí le beartas an Rialtais maidir le pá na bPríomhfheidmeannach agus maidir le pá fostaithe na gcomhlachtaí Stáit uile. Tá CCÉ ag cloí le treoirlínte an Rialtais maidir le híocaíocht tháillí Chomhaltaí na Comhairle freisin.
- vii. Táthar ag cloí leis na Treoirlínte maidir le Breithmheas agus Bainistíocht Tograí Caiteachas Caipitil san Earnáil Phoiblí.
- viii. Tá an CCÉ féin-mhaoinithe go príomha maidir le formhór mór an chaiteachais atá aige. Leithdháiltear deontas bliantúil €600,000 ón Roinn Sláinte tríd an CCÉ ar sheirbhísí maoinithe go páirteach a sholáthraíonn Institiúid Cógaisíochta na hÉireann (IIO P). Tá nósanna imeachta maoirseachta mionsonraithe i bhfeidhm idir an CCÉ agus an Roinn, agus tá socruithe conartha agus rialachais i bhfeidhm idir an CCÉ agus an soláthraí seirbhíse IIO P, ina sonraítear úsáid an mhaoinithe sin le haghaidh clár oibre sonrach agus faofa a bhaineann le tionscnaimh agus oiliúint ar mhaithe le sláinte an phobail. Comhlíonann an CCÉ an straitéis luach ar airgead, agus socruithe rialachais agus soláthair iomchuí atá aige, nuair is infheidhme, de réir an Chóid Chaiteachais Phoiblí agus nósanna imeachta soláthair do chomhlachtaí poiblí.

- ix. Cloíonn CCÉ leis na gCód Caiteachais Phoiblí agus Ciorclán 25/2016 a bhaineann leis an bPrótacal do Chomhlachtaí an Stáit maidir le Faisnéis a Sholáthar do Bhaill an Oireachtais.
- x. Tá nósanna imeachta ann maidir le nochtadh cosanta a dhéanamh de réir alt 21(1) den Acht um Nochtadh Cosanta 2014. Tá sonraí maidir le haon nochtadh cosanta a dhéantar don CCÉ in 2019 leagtha amach i dTuarascáil Bhliantúil an CCÉ.
- xi. Tá bhearta déanta ag an CCÉ lena chinntiú go gcomhlíonann a chórais agus próisis an Cód Cleachtais chun Comhlachtaí Stáit a Rialú, 2016 de chuid na Roinne Caiteachais Phoiblí agus Athchóirithe, seachas i gcás an dliteanais phinsin, (Mír 1.4 (ix) Riachtanais Tuairiscithe Gnó agus Airgeadais), faoi mar a nochtar sna ráitis airgeadais. D'fhorbair an CCÉ straitéis luach ar airgead mar chuid dá Phlean Soláthair Chorpáraidigh a chlúdaíonn an tréimhse 2019-2020.
- xii. Táthar ag cloí le ceanglais bheartas taistil an Rialtais i ngach cáil, lena n-áirítear nósanna imeachta maidir le monatóireacht a dhéanamh ar rialacha agus ar cheanglais ábhartha maidir le taisteal thar lear fhostaithe CCÉ nó chomhaltaí na Comhairle, agus iad a thuairisciú agus iad a fhorfheidhmiú mar atá léirithe sa Chód Cleachtais maidir le Rialachas Comhlachtaí Stáit.
- xiii. Cloíonn CCÉ lena chuid oibleagáidí faoin dlí cánach.
- xiv. Níl aon idirbheart faoi láthair ag an CCÉ atá lasmuigh den chlár comhardaithe nó aon imeacht suntasach iar-chlár comhardaithe.
- xv. Níl aon díospóid dhlíthiúil ag an CCÉ faoi láthair le haon chomhlacht eile Stáit.
- xvi. Níl aon fhochuideachta ag an CCÉ chun tuairisciú a dhéanamh uirthi.

Rinne Comhairle an CCÉ an tuarascáil seo a fhaomhadh go hoifigiúil an 26 Márta 2020 agus tá an Uachtarán tar éis í a shíniú.



Joanne Kissane
Uachtarán

Ráiteas faoin gcóras rialaithe inmheánaigh

Freagracht as an gcóras rialaithe inmheánaigh

Thar ceann na Comhairle, admhaím an fhreagracht atá againn as an gcóras rialaithe inmheánaigh atá i bhfeidhm sa CCÉ, agus as próisis agus nósanna imeachta a bheith curtha i bhfeidhm chun a chinntiú go bhfuil an córas éifeachtach.

Ní féidir leis an gcóras ach a dhearbhuí go réasúnta, seachas go hiomlán, go gcosnaítear sócmhainní, go n-údaítear idirbhearta agus go gcuirtear i dtaifead iad, agus go gcoisctear earráidí nó neamhrialtachtaí ábhartha nó go mbraithfí iad ar bhealach tráthúil.

Tá bearta déanta ag an gComhairle lena chinntiú go bhfuil timpeallacht um rialú inmheánach chuí ann trí na nithe seo a leanas:

- Nósanna imeachta foirmiúla a bhunú, trí bhíthin feidhmeanna éagsúla Coiste, chun monatóireacht a dhéanamh ar ghníomhaíochtaí na heagraíochta agus chun a sócmhainní a chosaint.
- Freagrachtaí, cumhachtaí, beartas agus nósanna imeachta an lucht bainistíochta a shainiú agus a dhoiciméadú go soiléir.
- Cultúr láidir cuntasachta a fhorbairt ar fud gach leibhéal den eagraíocht.
- Nósanna imeachta maidir le monatóireacht a dhéanamh ar éifeachtúlacht an rialaithe airgeadais inmheánaigh lena n-áirítear Iniúcháirí Inmheánacha, a oibríonn i gcomhréir leis an gCód Cleachtais chun Comhlachtaí Stáit a Rialú agus tuarascálacha a chur ar fáil don Choiste Iniúcháireachta agus Riosca.
- Oibriú go dlúth leis an Rialtas agus le gníomhaireachtaí agus institiúidí éagsúla lena chinntiú go bhfuil tuiscint shoiléir ann ar fheidhmeanna an CCÉ agus tacaíocht a thabhairt do straitéisí an CCÉ chun a chuid oibleagáidí reachtúla a chomhlíonadh.

Tá próisis bunaithe ag an gComhairle freisin chun na rioscaí atá os comhair na heagraíochta a aithint agus a mheasúnú. Léirítear é sin i roinnt slite, na cinn seo san áireamh:

- Cineál, méid agus impleachtaí airgeadais na rioscaí atá os comhair an CCÉ a shainaithint.
- Trí mheasúnú a dhéanamh ar an dóchúlacht go dtarlódh rioscaí atá aitheanta;
- Measúnú a dhéanamh ar chumas CCÉ chun na rioscaí a thiteann amach a bhainistiú agus a mhaolú.
- Tabhairt faoi athbhreithnithe rialta ar phleananna agus cuspóirí straitéiseacha, atá gearrthéarmach agus fadtéarmach araon, agus measúnú a dhéanamh ar na rioscaí a chruthaítear trí na pleananna siúd a thabhairt chun cinn.
- Spriocanna bliantúla agus fadtéarmacha do gach réimse den eagraíocht a leagan síos agus, ina dhiaidh sin, tuairisciú rialta a dhéanamh ar na torthaí a baineadh amach.
- Rioscaí a chur faoi bhráid an Choiste Iniúcháireachta agus an Chomhairle ar bhonn rialta chun a chinntiú go bhfuil an creat bainistíochta riosca ag feidhmiú ar bhealach éifeachtúil.

Tá an córas rialaithe inmheánaigh airgeadais bunaithe ar chreat faisnéisithe rialta bainistíochta, nósanna imeachta riaracháin, agus an leithdheighilt dualgas, agus córas tarmhligin agus cuntasachta ina measc. Áirítear leis, ar bhonn ar leith:

- Córas buiséadaithe mionsonraithe lena ngabhann buiséad bliantúil, rud a dhéanann an Chomhairle é a athbhreithniú agus a chomhaontú.
- Athbhreithniú rialta ag an gCoiste Feidhmíochta agus Acmhainní, ag an gCoiste Iniúcháireachta agus ag an gComhairle maidir le cuntais bhainistíochta mhíosúla ina léirítear feidhmíocht airgeadais in aghaidh buiséad comhaontaithe agus míniú ar imeachtaí suntasacha ó bhuiséad a chur ar fáil.
- Spriocanna a leagan síos chun feidhmíocht airgeadais agus feidhmíocht eile a thomhas.
- Ceanglaítear le Sceideal 1, mír 16 den Acht Cógaisíochta, 2007, ar an gComhairle ráitis airgeadais a ullmhú maidir le gach bliain airgeadais, ina dtugtar léargas fíor cóir ar ioncam agus caiteachas agus sócmhainní agus ar dhliteanais an CCÉ.
- Bhí ról maoirseachta ag an gCoiste Feidhmíochta agus Acmhainní in 2019 freisin maidir le feidhmíocht na heagraíochta i gcoinne an phlean agus an chumais chun torthaí a sheachadadh, lena n-áirítear maoiniú an Phlean Seirbhíse bliantúil agus maidir leis an maoiniú straitéiseach agus infheistíochtaí, ar aon dul leis an Straitéis Chorporáideach 2018-2020.
- Aghaidh a thabhairt ar impleachtaí airgeadais a bhaineann le mór-rioscaí gnó trí theorainneacha údaráithe a leagan síos agus dualgais a leithscaradh.
- Nósanna imeachta soláthair a chur i bhfeidhm chun a chinntiú go gcloítear le treoirlínte agus le rialacha soláthair mar atá leagtha amach ag Oifig Soláthair an Rialtais.


In 2019, rinneadh na rialuithe seo a leanas a athbhreithniú:

- Rinne an Coiste Iniúcháireachta agus Riosca, an Coiste Feidhmíochta agus Acmhainní, agus an Chomhairle í féin athbhreithniú ar chuntais bhainistíochta ráithiúla agus rinneadh sainmhíniú ar aon diall suntasach a bhí iontu i gcoinne an bhuiséid.
- Athbhreithniú déanta ar Chuntais Bhliantúla 2018 mar aon le míniú tugtha ar na difríochtaí suntasacha.
- Ag teacht le córas rialaithe inmheánaigh an CCÉ, mar a fhoráiltear dó i bPleananna Iniúchta Inmheánaigh an CCÉ, rinne na hIniúcháirí Inmheánacha athbhreithnithe sna réimsí seo a leanas:
 - An bhainistíocht riosca
 - Athbhreithniú ardleibhéil ar an gcóras rialaithe inmheánaigh

Níor tharla aon chaillteanais ábhartha, teagmhais nó neamhchinnteachtaí de thoradh ar aon laigí sa rialú inmheánach a éilíodh nochtadh sna ráitis airgeadais nó i dtuarascáil an iniúcháir ar na ráitis airgeadais. Tá na bearta iomchuí arna moladh ag na hiniúcháirí inmheánacha á gcur i bhfeidhm. Níor tuairiscíodh sárú ar bith le haghaidh 2019. Bhí gach uile ghné den chóras rialaithe i bhfeidhm. Níor tharla aon chaillteanas ábhartha nó chalaois in 2019.

Comhlíonann an CCÉ na rialacha agus treoirlínte reatha um sholáthar arna leagadh amach ag an Oifig um Sholáthar Rialtais.

Rinne Comhairle an CCÉ an ráiteas rialaithe inmheánaigh seo a athbhreithniú agus a fhormheas go hoifigiúil an 26 Márta 2020 agus tá sé sínithe thar a cheann ag an Uachtarán.



Joanne Kissane
Uachtarán

Tuarascáil an Iniúcháir Neamhspleáigh

Tuairim

Rinneamar iniúchadh ar ráitis airgeadais an CCÉ don bhliain dar críoch an 31 Nollaig 2019, lena gcuimsítear an ráiteas ar ioncam, an ráiteas ar ioncam cuimsitheach, ráiteas ar an staid airgeadais, ráiteas maidir le sreabhadh airgid, agus na nótaí a ghabhann leo. Is é FRS 102 an creat tuairiscithe airgeadais ábhartha a cuireadh i bhfeidhm agus iad á n-ullmhú, is é sin le rá an caighdeán tuairiscithe airgeadais is infheidhme sa RA agus i bPoblacht na hÉireann arna eisiúint ag an gComhairle um Thuairisciú Airgeadais agus arna fhógairt ag Cuntasóirí Cairte Éireann.

Is é ár dtuairim maidir leis na ráitis airgeadais ná:

- go dtugtar léargas cóir fíor sna Ráitis Airgeadais ar staid ghnóthaí an CCÉ amhail an 31 Nollaig 2019 agus ar a thorthaí don bhliain a tháinig chun deiridh an tráth úd;
- gur ullmhaíodh iad i gceart de réir Caighdeán Tuairiscithe Airgeadais 102 'An Caighdeán Tuairiscithe Airgeadais is infheidhme sa Ríocht Aontaithe agus i bPoblacht na hÉireann';
- Rinneadh iad a ullmhú de réir cheanglais an Achta Chógaisíochta, 2007; agus
- léirítear sa 'Ráiteas maidir leis Córais um Rialú Inmheánach' ar leathanach 52-53 comhlíonadh an CCÉ le ceangaltais alt 1.9 (iv) den Chód Cleachtais Chun Comhlachtaí Stáit a Rialú, 2016, agus tá sé i gcomhréir leis an bhfaisnéis a bailíodh i rith ár n-iniúchta.

An bonn leis an tuairim

Rinneamar ár n-iniúchadh de réir na gCaighdeán Idirnáisiúnta um Iniúcháireacht (Éire) (ISA (Éire)) agus i gcomhréir leis an dlí is infheidhme. Tugtar cur síos breise ar ár bhfreagrachtaí faoi na caighdeáin sin i bhfreagrachtaí na nIniúcháirí i gcuid eile dár dtuarascáil maidir le hiniúchadh ar na ráitis airgeadais. Táimid neamhspleách ón gComhlacht de réir na ndualgas eiticíúla a bhaineann lenár n-iniúcháireacht ar ráitis airgeadais in Éirinn, ar a n-áirítear an Caighdeán Eiticíúil atá eisithe ag Údarás na hÉireann um Maoirseacht Iniúcháireachta agus Chuntasaíochta (IAASA), agus tá ár bhfreagrachtaí eiticíúla comhlíonta againn de réir na ndualgas seo.

Creidimid go bhfuil an fhianaise iniúcháireachta atá faighte againn imleor agus oiriúnach chun bonn a chur lenár dtuairim.

Béim ar Ábhar - láimhseáil pinsin scoir

Agus muid ag teacht ar ár dtuairim, nach bhfuil cáilithe, bhreithníomar leorgacht an nochta i nóta 20 a ghabhann leis na ráitis airgeadais maidir le hionramháil an chaiteachais do shochair scoir. Níor tugadh comhairle don CCÉ maidir leis an dóigh is fearr le cistí na scéime pinsin sochair shainithe a riar toisc go bhfuil ar an Roinn Caiteachais Phoiblí agus Athchóirithe an sásra maoinithe le haghaidh na scéimeanna a fhaomhadh fós.

Tugadh cuntas ar an scéim pinsin sna ráitis airgeadais amhail is dá mba scéim ranníocaíochtaí sainithe a bhí inti. Dá dtabharfaí cuntas ar an scéim pinsin faoi FRS 102 Alt 28 dhéanfaí an gnóthachan/caillteanas achtúireach a aithint sa Ráiteas ar Ioncam Cuimsitheach agus dhéanfaí barrachas/easnamh shócmhainní na gcistí thar a dhliteanas a aithint sa Ráiteas ar an Staid Airgeadais mar shócmhainn nó mar dhliteanas.

Conclúidí maidir le gnóthas leantach

Níl aon ní le tuairisciú againn maidir leis na ceistanna seo a leanas, ceistanna gcuireann CII (Éire) iallach orainn tuairisc a thabhairt duit ina leith:

- nach bhfuil úsáid na Comhairle ar bhonn gnóthais leantaigh cuntasíochta in ullmhú na ráiteas airgeadais oiriúnach; nó
- níor nocht an Chomhairle sna ráitis airgeadais aon neamhchinnteachtaí aitheanta ábhartha ar féidir go gcruthódh siad amhras suntasach faoi chumas an CCÉ de bheith ag leanúint orthu de bheith ag glacadh le bonn ghnóthais leantaigh chuntasíochta do thréimhse de ar a laghad dhá mhí déag ón dáta sin nuair a údaraítear na ráitis airgeadais le haghaidh eisiúna.

Faisnéis eile

Tá an Chomhairle freagrach as an fhaisnéis eile. Cuimsítear san fhaisnéis eile an fhaisnéis atá san áireamh sa tuarascáil bhliantúil, seachas na ráitis airgeadais agus tuarascáil dár n-iniúcháirí maidir leis sin. Níl an fhaisnéis clúdaithe inár dtuairim faoi na ráitis airgeadais, agus seachas sa mhéid go bhfuil a mhalairt de luaite go sonrach inár dtuairisc, ní chuirimid aon saghas tátail dearbhaithe in iúl faoi.

Maidir lenár n-iniúchadh ar na ráitis airgeadais, is é an fhreagracht atá againn ná an fhaisnéis eile a léamh, agus, agus é sin á dhéanamh againn, breithniú a dhéanamh faoi an bhfuil an fhaisnéis neamhchomhsheasmhach go hábhartha leis na ráitis airgeadais ná leis an eolas sin a fuaireamar san iniúchadh, nó más amhlaidh gur míshonraíodh é go hábhartha ar shlí eile. Má aithnímid a leithéid de neamhchomhsheasmhachtaí ábhartha, nó míráitis dhealraitheacha ábhartha, tá iallach curtha orainn cinneadh a dhéanamh más ann do mhíríteas ábhartha sna ráitis airgeadais, nó má ann de mhíríteas ábhartha faoi aon eolas eile. Más rud é, bunaithe ar an obair a rinneamar, go dtagaimid ar an gcinneadh go bhfuil míráiteas ábhartha maidir leis an eolas eile seo, ní mór dúinn é sin a thuairisciú.

Níl aon ní dá leithéid le tuairisciú againn.

Cúrsaí a gceanglaítear orainn iad a thuairisciú de réir Sceideal 1, Alt 16, den Acht Cógaisíochta, 2007

- Tá an fhaisnéis agus na sainmhínithe go léir bailithe againn a mheasamar a bheith riachtanach chun críocha ár n-iniúchta.
- Is é ár dtuairim ná gur leor taifid chuntasíochta an CCÉ chun go mbeifí ábalta iniúchadh a dhéanamh ar na ráitis airgeadais go réidh agus mar is ceart.
- Réitíonn na ráitis airgeadais leis na taifid chuntasíochta.

Ceistanna ar a bhfuil orainn tuairisc a thabhairt orthu de réir eisceachta

Bunaithe ar an eolas agus ar an tuiscint ar an gcomhlacht agus ar an timpeallacht a aimsítear le linn an iniúchta, níor aithníomar aon mhíríteas ábhartha i dTuarascáil na Comhairle.

Níl aon ní le tuairisciú againn maidir leis na hoibleagáidí atá againn faoi Sceideal 1, mír 16, den Acht Cógaisíochta, 2007, más rud é nach ndearnadh, inár dtuairim, nochtadh luach saothair agus idirbhearta na Comhairle de réir mar atá mionsonraithe le dlí.

Freagrachtaí chomhaltaí na Comhairle agus na nIníúcháirí ar leith

Faoi mar atá sainmhínithe go hiomlán sa ráiteas maidir le freagrachtaí na Comhairle, tá an Chomhairle freagrach as ullmhúchán na Tuarascála Bliantúil agus na ráiteas airgeadais de réir Sceideal 1, mír 16, den Acht Cógaisíochta, 2007 agus na caighdeáin chuntasaíochta arna n-eisiúint ag an gComhairle um Thuairisciú Airgeadais agus arna bhfógairt ag Cuntasóirí Cairte Éireann (Cleachtas Cuntasaíochta a nGlactar Leis go Coitianta in Éirinn), agus a bheith sásta go dtugann siad léargas fíor agus cothrom, agus as amhail rialú inmheánach a chinneann na stiúrthóirí a bheith riachtanach d'fhonn ráitis airgeadais atá saor ó mhíríteas ábhartha, cibé mar gheall ar chalaois nó ar earráid, a ullmhú.

Agus na ráitis airgeadais á n-ullmhú acu, tá an Chomhairle freagrach as measúnú a dhéanamh ar chumas an chomhlachta leanúint uirthi mar ghnóthas leantach, ag nochtadh, mar is infheidhme, nithe a bhaineann le gnóthas leantach agus ag baint úsáide as an mbunús gnóthais leantaigh a bhaineann le cuntasaíocht mura bhfuil sé i gceist ag an gComhairle an chomhlachta a leachtú nó deireadh a chur lena hoibríochtaí, nó nach bhfuil aon rogha aici ach é sin a dhéanamh.

Freagrachtaí an iniúcháora maidir le hiniúcháireacht na ráiteas airgeadais

Is iad na cuspóirí atá againn ná a bheith in ann cinnteacht réasúnta a bheith againn ar cibé an bhfuil na ráitis airgeadais ina n-iomláine saor ón míshonrú ábhartha, bíodh sé sin de bharr na calaoise nó na hearráide, agus tuarascáil iniúcháora a eisiúint ina bhfuil ár dtuairim nocht. Is dearbhú ardleibhéil é an dearbhú réasúnta, ach ní hionann é agus ráthaíocht go mbraithfear an míráiteas ábhartha i gcónaí, nuair a bhíonn siad ann, fiú nuair a dhéantar an t-iniúchadh de réir ISAnna (Éire). Is féidir míráiteas a tharlú mar gheall ar an gcalaois nó an earráid agus meastar iad a bheith ábhartha más rud é go bhfuiltear in ann a mheas go réasúnta go mbeadh tionchar acusan, ina n-aonair nó ina iomláine le chéile, ar chinntí eacnamaíocha na n-úsáideoirí a ghlacfaí mar gheall ar an eolas ata tuairiscithe sna ráiteas airgeadais seo.

Cuspóir leis an obair iniúcháireachta a dhéanaimid agus cé dóibh atáimid freagrach

Is do chomhaltaí Chomhairle an CCÉ amháin a dhéantar an tuarascáil seo. Tugadh faoinár gcuid oibre iniúchta sa tslí gur féidir linn dearbhú don Chomhairle na nithe sin a bhfuil iallach orainn iad a dhearbhu i dtuairisc iniúcháora, agus ní do chuspóir ar bith eile. A mhéid is mó a cheadaítear leis an dlí, ní ghlacaimid ná ní ghabhaimid freagracht do dhuine ar bith seachas don Chomhairle agus dá baill, mar chomhlacht, as ár gcuid oibre iniúcháireachta, as an tuarascáil seo, nó as na tuairimí atá déanta againn.



Thomas McDonald
do agus ar son JPA Brenson Lawlor
Cuntasóirí Cairte
Cearnóg Earra Ghaidheal
Bóthar Morehampton
Domhnach Broc
Baile Átha Cliath 4
26 Márta 2020

Ráiteas ar an ioncam cuimsitheach

	Nótaí	2019 €	2018 €
Ioncam	3	7,822,156	7,833,346
Speansais oibriúcháin		(7,474,735)	(7,296,973)
Barrachas oibriúcháin			
		347,421	536,373
Ús infhaighte	9	10,348	14,471
Barrachas roimh cháin			
		357,769	550,844
Cáin	11	-	-
Barrachas don bhliain airgeadais		357,769	550,844


Ullmhaíodh an ráiteas ar ioncam cuimsitheach ar an mbonn gurb oibríochtaí atá fós ar bun iad gach aon cheann de na hoibríochtaí.

Is cuid dhílis de na ráitis airgeadais seo iad na nótaí atá ar fáil idir leathanach 64 agus leathanach 79.


Ráiteas ar staid an airgeadais

	Nótaí	2019 €	2018 €
Sócmhainní Seasta			
Sócmhainní inláimhsithe	12	17,916,193	17,835,344
		17,916,193	17,835,344
Sócmhainní reatha			
Féichiúnaithe	14	175,313	53,096
Airgead tirim sa bhanc agus ar láimh	15	17,293,778	16,628,008
		17,469,091	16,681,104
Creidiúnaithe: suimeanna le bheith dlite laistigh d'aon bhliain amháin	17	(11,645,282)	(11,134,217)
Glansócmhainní reatha		5,823,809	5,546,887
Iomlán na sócmhainní lúide dliteanais reatha		23,740,002	23,382,231
Cúltaisí			
Cúltaisí athluachála	18	11,413,635	11,413,635
Cúlchiste dlíthiúil sainithe	18	2,500,000	2,500,000
Cúlchiste ioncaim agus caiteachais	18	9,826,367	9,468,596
Cúltaisí clabhsúir		23,740,002	23,382,231

Rinne an Chomhairle na ráitis airgeadais a fhaomhadh agus a údarú le bheith eisithe an 26 Márta 2020.
Sínithe thar ceann na Comhairle:



Joanne Kissane
Uachtarán



Michael Lyons
Leas-Uachtarán

Ráiteas ar na sreafaí airgid

	2019	2018
€	€	€
Sreafaí airgid ó ghníomhartha oibriúcháin		
Barrachas don bhliain airgeadais	357,769	550,844
Dímheas ar shócmhainní inláimhsithe	65,891	73,261
Ús faighte	(10,348)	(14,471)
Méadú/(laghdú) i bhféichiúnaithe	(122,217)	95,435
Méadú/(laghdú) i líon na gcreidiúnaithe dlite lasmuigh d'aon bhliain amháin	511,064	236,879
	802,159	941,948
Sreafaí airgid ó ghníomhartha infheistíochta		
Íocaíochtaí as sócmhainní seasta inláimhsithe	(146,740)	(48,489)
Ús faighte	10,348	14,471
	(136,392)	(34,018)
Glan (laghdú)/méadú ar airgead tirim agus coibhéisí airgid tirim	665,767	907,930
Airgead tirim nó a choibhéis ag tús na bliana airgeadais	16,628,011	15,720,081
Airgead tirim nó a choibhéis ag deireadh na bliana airgeadais	17,293,778	16,628,011
A bhaineann le:	17,293,778	16,628,011
Airgead tirim sa bhanc agus ar láimh		

Nótaí a ghabhann leis an Ráiteas Airgeadais

1. Beartais chuntasaíochta

1.1. Comhlíonadh caighdeán cuntasaíochta agus an bonn leis an ullmhúchán

Ullmhaíodh na ráitis airgeadais de réir FRS 102, an Caighdeán Tuairiscithe Airgeadais is infheidhme i bPoblacht na hÉireann arna eisiúint ag an gComhairle um Thuairisciú Airgeadais agus arna bhfógairt ag Cuntasóirí Cairte na hÉireann, seachas an scéim aoisliúntais, mar nach bhfuil forálacha Alt FRS 102 28, Cuntasaíocht do Shochair Fostaithe, curtha i bhfeidhm.

Chun na ráiteas airgeadais a ullmhú i gcomhréir le FRS 102, ní mór meastacháin chuntasaíochta criticiúla áirithe a úsáid. Ceanglaítear leis ar an gComhairle chomh maith breithiúnas a dhéanamh agus beartais chuntasaíochta na cuideachta á gcur i bhfeidhm aici (féach nóta 2).

Ullmhaíodh na ráitis airgeadais in Euro (ós rud é gurb é sin airgeadra feidhmeach na heagraíochta. Tá suimeanna airgeadais sna ráitis airgeadais seo slánaithe go dtí an € is giorra.

Ullmhaíodh na ráitis airgeadais de réir choinbhinsiún an chostais bhunaidh modhnaithe chun nithe áirithe a chuimsiú ar luach cóir. Cuireadh na príomhbheartais chuntasaíochta seo a leanas i bhfeidhm:

1.2. Ioncam

Tuairiscítear an t-ioncam sna ráitis airgeadais sa bhliain lena mbaineann an t-ioncam. Sa mhéid go bhfaightear an t-ioncam roimh ré, déantar é a iarchur agus tuairiscítear é sa tréimhse ábhartha ina dtugtar na seirbhísí maidir leis na clárúcháin nó na táillí sin.

1.3. Sócmhainní seasta inláimhsithe

Luaitear sócmhainní seasta inláimhsithe faoin múnla costais ag costas stairiúil lúide dímheas carntha agus aon chaillteanas lagaithe carntha. Sa chostas stairiúil, áirítear caiteachas atá inchurtha go díreach i leith na sócmhainne a thabhairt don suíomh agus don riocht is gá chun go mbeifear ábalta í a oibriú ar cibé bealach atá beartaithe ag an mbainistíocht.

Cuireann an CCÉ le méid tugtha anonn de mhír sócmhainní seasta an costas a bhaineann le cuid de mhír den sórt sin a athsholáthar nuair a thabhaítear an costas sin, má táthar ag súil go soláthróidh an chuid athsholáthair sochair incriminteacha sa todhchaí don CCÉ. Díáithnítear an méid tugtha anonn den mhéid atá tugtha anonn. Gearrtar deisiúcháin agus cothabháil ar bhrabús nó chaillteanas le linn na dtréimhsí ina dtabhaítear iad.

Seachas amháin sa chás atá léirithe thíos, gearrtar dímheas ionas go ndéanfar costas sócmhainní a leithdháileadh lúide a luach iarmharach thar a saolré úsáideacha measta, ag baint úsáide as an modh líne dhírigh. Is mar seo a leanas raon na saolréanna úsáideach measta:

Dímheas

Is mar seo a leanas a tuairiscítear an dímheas:

Réadmhaoin ruilse	Gan dímheas
Trealamh oifige agus feistis	Líne dhíreach 12.5%
Trealamh agus bogearra ríomhaireachta	Líne dhíreach 33.3%
Portráidí, boinn agus suaitheantais	Gan dímheas
Leictreach	Líne dhíreach 5%
Meicniúil agus Ardaitheoirí	Líne dhíreach 5%
Athchóirithe - closamhairc	Líne dhíreach 12.5%
Claochlú gnó*	Líne dhíreach 33.3%

*Tá sé réamh-mheasta go mbeidh an chéad chéim den Tionscadal Claochlaithe Gnó (BTP) tugtha chun críche faoi dheireadh Ráithe 3 2020. Cuirfear tús leis an dímheas nuair atá an chéad chéim den BTP críochnaithe.

Déantar an réadmhaoin ruilse atá faoi úinéireacht CCÉ a athluacháil uair gach trí go cúig bliana ionas go léireofar an luach reatha margaidh ann. Léirítear an athluacháil chomhtoraidh sa ráiteas ar ioncam cuimsitheach.

Cé go gceanglaítear le FRS 102 Alt 17 i dtaca le maoín, gléasraí agus trealamh go ndéantar dímheas bliantúil córasach ar mhaoin go hiondúil, creideann an Chomhairle go bhfuil an polasaí gan soláthar a dhéanamh i leith maoine ruilse iomchuí. Tugtar léiriú níos fearr leis an mbeartas a glacadh maidir le hathluacháil na maoine leis an luach don CCÉ, toisc go bhfuil beartas agus cleachtas ag CCÉ maidir le cothabháil agus deisiúcháin rialta sa mhéid is go gcoinnítear an mhaoin ar an gcaighdeán ag a measúnaíodh é roimhe sin maidir le feidhmíocht agus go bhfuil an luach iarmharach measta ábhartha.

Déantar athbhreithniú bliantúil ar luach tugtha anonn na sócmhainní seasta inláimhsithe i gcomhair bearnúcháin sa chás go bhfuil sé tugtha le fios in imeachtaí nó in athruithe sna cúinsí go bhféadfar nach bhfuil an luach iompair inghnóthaithe.

1.4. Athluacháil sócmhainní seasta inláimhsithe

Tugtar réadmhaoin ruilse ar aghaidh ag luach na bliana reatha agus ag luach cóir amhail dháta na hathluachála lúide caillteanais bearnúcháin charntha ar bith a tharlaíonn ina dhiaidh sin. Déantar athluachálacha le dóthain rialtachta lena chinntiú nach dífeair ábhartha idir an tsuim ghlánluacha agus é sin a dhearbhófaí ag baint leas as an luach cóir ar dháta an ráiteas ar an staid airgeadais.

Go hiondúil, déantar luachanna córa a dhearbhu ó fhianaise mhargadhbhunaithe a dhéanann luachálaithe gairmiúla atá cáilithe.

Aithnítear gnóthachain agus caillteanais sa Ráiteas ar Ioncam Cuimsitheach, murar sháraigh na caillteanais na gnóthachain aitheanta roimhe sin nó má léiríonn siad caitheamh soiléir sochar eacnamaíoch, agus sa chás sin aithnítear caillteanais bhreise sa Ráiteas Ioncaim.

1.5. Féichiúnaithe

Déantar féichiúnaithe gearrthéarmacha a thomhas ag praghas an idirbhirt, lúide aon lagú atá ann.

1.6. Ionstraimí airgeadais

Ní ghlacann an CCÉ páirt in idirbhearta ionstraimí airgeadais bunaidh ach amháin más rud é go n-aithnítear na sócmhainní agus na dliteanais airgeadais amhail an trádáil agus cuntais eile infhaighte agus iníoctha.

Déantar sócmhainní agus dliteanais airgead tirim atá iníoctha nó infhaighte laistigh d'aon bhliain amháin, is é sin le rá suimeanna infhaighte agus iníoctha trádála den chuid is mó, a thomhas ag tús báire agus ina dhiaidh sin ag méid lascainithe an airgid tirim nó comaoine ar bith eile atá beartaithe le híoc nó le fáil.

Déantar sócmhainní agus dliteanais airgeadais a fhritháireamh agus tuairiscítear an glanluach sa ráiteas ar an staid airgeadais nuair atá ceart in-fheidhmithe ann na méideanna aitheanta a fhritháireamh agus nuair atá rún ann socrú ar ghlanbhonn nó an tsócmhainn a réadú agus an dliteanais a shocrú ag an am céanna.

1.7. Airgead tirim agus a choibhéis

Is sócmhainní airgeadais bunúsacha iad airgead tirim agus coibhéisí airgid agus áirítear leo airgead ar láimh, tascí arna gcoinneáil ar fhógra gearr le bainc, infheistíochtaí leachtacha gearrthéarmacha eile a thagann in aibíocht i dtrí mhí ar a mhéad, agus rótharraingtí bainc

1.8. Creidiúnaithe

Déantar creidiúnaithe gearrthearma a thomhas ag praghas an idirbhearta. Déantar dliteanais airgeadais eile, lena n-áirítear iasachtaí bainc, a thomhas ar dtús ag an luach cóir, glan ó chostais idirbhirt, agus déantar iad a thomhas ina dhiaidh sin ar chostas amúchta ag baint úsáide as an modh úis éifeachtaigh.

1.9. Pinsin

Scéim Aoisliúntais Chumann Cógaiseoirí na hÉireann 2016

Ar an 10 Márta 2016, shínigh an tAire Sláinte IR 136 de 2016, le toiliú an Aire Caiteachais Phoiblí agus Athchóirithe. Ghlac an ionstraim reachtúil sin na rialacha a bhaineann leis an ionstraim reachtúil “Rules for Pre-existing Public Service Pension Scheme Members Regulations” 2014 (I.R. 582 de 2014) agus Scéim Aoisliúntais 2016, a tháinig i bhfeidhm chun sochair aoisliúntais a chur ar fáil do bhailí foirne atá incháilithe don scéim seo, nó ina leith.

Gearrtar ranníocaíochtaí CCÉ le haghaidh na scéime leis an Ráiteas Ioncaim sa tréimhse lena mbaineann siad. Níl sásra maoinithe don scéim seo faofa go fóill agus tá CCÉ ag bailiú agus ag coinneáil cistí na scéime sin i dtaisce dá bharr. Níl forálacha alt 28, FRS 102, Cuntasaíocht do Shochair Scoir curtha i bhfeidhm fós.

An Scéim Pinsin Seirbhíse Poiblí Aonair

Tháinig an Scéim Pinsean Seirbhíse Poiblí Aonair i bhfeidhm an 1 Eanáir 2013 faoi mar a bhforáiltear ina leith san Acht um Pinsin na Seirbhíse Poiblí (Scéim Aonair agus Forálacha Eile), 2012. Tá foráil déanta san Acht i leith scéim aonair d'iontrálaithe úra sa tseirbhís poiblí. Déanann CCÉ ranníocaíochtaí don scéim seo a bhailiú agus a tharchur chuig an Roinn Caiteachais Phoiblí agus Athchóirithe.

1.10. Fabhrú pá saoire

Aithnítear dliteanas chomh fada le haon mhéid teidlíochta pá saoire nár úsáideadh agus a thabhaítear é ar dháta an ráitis ar an staid airgeadais agus atá tugtha anonn chun tréimhsí amach seo. Déantar é sin a thomhas ag costas tuarastail neamhlascainithe na teidlíochta saoire amach anseo atá tabhaithe dá réir sin amhail dáta an Ráitis ar an Staid Airgeadais.

1.11. Ioncam ón ús

Glactar leis an modh úis éifeachtaigh chun an t-ioncam úis a thuairisciú sa ráiteas ioncaim.

1.12. Cúlchiste ioncaim agus caiteachais

Molann an Chomhairle go gcoinnítear íosleibhéal an Chúlchiste Ioncaim agus Caiteachais ag 30% den ioncam infhaighte tháillí cláraithe bliantúla atá ag CCÉ agus nach n-úsáidtear an cúlchiste ach amháin le haghaidh gníomhaíochtaí sonracha. Ní mór go gcomhlíonfar na critéir seo a leanas leis na gníomhartha:

- Gníomhartha de chineál aonuaire atá i gceist agus tá siad ailínithe le cuspóirí straitéiseacha fadtéarmacha an CCÉ; agus
- Ní gníomhartha de chineál bliantúla atá i gceist agus is gníomhartha iad a tharlaíonn uair gach cúig bliana, ar a laghad, nó níos mó ná sin.

1.13. Cúlchiste dlíthiúil sainithe

Chuir an CCÉ cúlchiste sainithe i mbun mar cheann dá chúlchistí, agus tá sé curtha ar leataobh ag an gComhairle chun críche shonraigh: is é sin chun costais ar bith a thiocfadh chun cinn ó dhúshláin dhlíthiúla a bhainfidh leis CCÉ a íoc. Ní féidir caiteachas a fhritháireamh go díreach i gcoinne cúlchistí sainithe agus is sa ráiteas ioncaim a thuairiscítear é. Déantar aistriú ansin ón gCúlchiste Ioncaim agus Caiteachais, de réir mar is cuí.

1.14. Cáin

Déantar leasú leis an Acht Airgeadais 2013, alt 35 ar an Sceideal a ghabhann leis an Acht Comhdhlúite Cánacha 1997 chun an CCÉ a chur ar an liosta comhlachtaí sainithe neamhthráchtala Státurraithe atá cáilithe i gcomhair díolúine ó fhorálacha cánach áirithe faoi alt 227, den Acht Comhdhlúite Cánacha 1997.

2. Breithiúnais agus príomhfhoinis den neamhchinnteacht um mheastacháin

Éilíonn ullmhú na ráiteas airgeadais seo go mbainfidh an Chomhairle leas as breithiúnas, meastacháin agus boinn tuisceana a dhéanann difear d'fheidhmiú polasaithe agus méideanna tuairiscithe de shócmhainní agus dliteanais, ioncaim agus caiteachais.

Déantar measúnú leanúnach ar bhreithiúnais agus ar mheastacháin agus tá siad bunaithe ar thaithí stairiúla agus ar fhachtóirí eile, lena n-áirítear ionchais ar imeachtaí sa todhchaí a chreidtear a bheith réasúnach faoi na himthosca.

Measann an Chomhairle gurb ionann na meastacháin agus na boinn tuisceana chuntasaíochta ag seo thíos agus na breithiúnais agus meastacháin rithábhachtacha cuntasaíochta lena nglactar leis sa chomhairle:

Gnóthas leantach

Tá buiséid ullmhaithe ag an CCÉ le haghaidh thréimhse 12 mhí ar a laghad ó dháta faofa na ráitis airgeadais, rud a léiríonn nach bhfuil neamhchinnteacht ábhartha ar bith ann maidir le cumas an CCÉ chun a dhlitheanais a ghlanadh de réir mar a atá siad dlite, agus leanúint ar aghaidh mar ghnóthas leantach.

Tá ionchas réasúnta ag an CCÉ, agus na ráitis airgeadais á fhaomhadh, go bhfuil go leor acmhainní ag an CCÉ chun leanúint ar aghaidh lena chuid oibriúcháin. Ar an gcúis sin, tá an CCÉ ag leanúint le glacadh leis an mbonn gnóthais leantaigh chun na ráitis airgeadais a ullmhú.

3. Ioncam

Díorthaíodh iomlán ioncam an CCÉ don bhliain óna phríomhghníomhaíocht a rinneadh go hiomlán in Éirinn.

	2019 €	2018 €
Clárúcháin cógaiseoirí	2,496,115	2,518,015
Clárúcháin gnólachtaí cógaisíochta miondíola	4,584,750	4,630,140
Muirir riaracháin agus costais chlárúcháin eile	141,291	85,191
Maoiniú ón Roinn Sláinte le hInstitiúid Cógaisíochta na hÉireann	600,000	600,000
	7,822,156	7,833,346

4. Barrachas oibriúcháin

Déantar an barrachas oibriúcháin don bhliain a ríomh tar éis: míreanna seo leanas a bheith gearrtha:

	2019 €	2018 €
Dímheas sócmhainní inláimhsithe	65,891	73,261
Costais phinsin eile	443,802	430,394
Luach Saothair Iniúchta (CBL san áireamh) -Táillí iniúcháireachta	11,378	11,378
	521,071	515,033

5. Fostaithe

5.1. An Meánlíon

Ag seo a leanas, meánlíon míosúil na bhfostaithe i rith na bliana:

	2019	2018
Oifig agus bainisteoireacht	40	39

5.2. Luach saothair comhiomlán

Is éard a gcuimsíodh lena luach saothair comhiomlán ná:

	2019 €	2018 €
Pá agus tuarastail	3,039,562	2,805,505
Costais árachais shóisialaigh	230,323	222,219
Costais phinsin	443,802	430,394
	3,713,687	3,458,118

5.3. Anailís ar chostais tuarastal foirne os cionn €60,000:

Ag seo a leanas, líon na bhfostaithe ar tháinig a sochair fostaíochta laistigh de gach banc de idir €10,000 agus €60,000

	2019	2018
€60,000 - €70,000	8	10
€70,000 - €80,000	3	2
€80,000 - €90,000	2	2
€90,000 - €100,000	2	2
€100,000 - €110,000	-	-
€110,000 - €120,000	1	1
	16	17

5.4. Comhaltaí príomhúla na foirne bainistíochta

Ag seo a leanas luach saothair chomhaltaí príomhúla na foirne bainistíochta:

	2019 €	2018 €
Pá agus tuarastail	599,988	568,917
Costais phinsin	134,636	129,827
	734,624	698,744

5.5. Luach saothair an chláraitheora

Áirítear le pá agus tuarastail ag seo thuas luach saothair an Chláraitheora, ag seo thíos:

	2019 €	2018 €
Niall Byrne	119,616	118,132
	119,616	118,132

6. Costais foirne eile

6.1. Costais taistil agus chothabhála na foirne

	2019 €	2018 €
Intíre	34,416	41,288
Idirnáisiúnta	19,344	12,157
	53,760	53,445

6.2. Caiteachas ar fháilteachas

	2019 €	2018 €
Fáilteachas foirne	2,432	1,993
	2,432	1,993

7. Luach saothair na gComhairlí/Chomhaltaí an Choiste

	2019 €	2018 €
Luach saothair na gComhairlí/Chomhaltaí an Choiste	200,496	184,737
	200,496	184,737

8. Taisteal agus cothabháil na gComhairlí/Chomhaltaí an Choiste

	2019 €	2018 €
Intíre	78,752	97,912
Idirnáisiúnta	1,403	2,570
	80,155	100,482

9. Ús infhaighte

	2019 €	2018 €
Ús bainc infhaighte	10,348	14,471
	10,348	14,471

10. Costais sainchomhairleoireachta agus dlí

10.1 Costais sainchomhairleoireachta

Áirítear leis na costais sainchomhairleoireachta costas comhairleachta seachtraí don bhainistíocht agus ní cuimsítear leo feidhmeanna seachfhoinsithe gur gnáthghnó na heagraíochta iad.

	2019 €
Comhairle dlí ghinearálta	45,014
Comhairle airgeadais	9,034
Gnóthaí poiblí	36,251
Soláthar	28,148
Eile	2,309
	120,756
Costais sainchomhairleora caipitlithe	-
Costais sainchomhairleoireachta gearrtha le hioncam agus caiteachas agus cúlchistí tuilleamh coinnithe	31,762
	31,762

10.2. Costais Dlí Agus Socruithe Dlí

Sa tábla ag seo thíos, tá miondealú ar mhéideanna atá tuairiscithe mar chaiteachas sa tréimhse tuairiscithe maidir le costais dlí, socruithe agus imeachtaí comhréitigh agus eadrána a bhaineann le conarthaí le tríú páirtithe. Ní chuimsítear leis an caiteachas a thabhaítear i ndáil leis an comhairle dlí ginearálta a fuair an CCÉ, tá sé sin tuairiscithe i gcostais Sainchomhairleoireachta thuas.

	2019 €
Táillí dlí	481, 194
Socruithe idir-réitigh agus íocaíochtaí eadrána	-
	481, 194

Baineann costais dlí le gníomhaíochtaí CCÉ a eascraíonn as Cuid 6 den Acht Cógaisíochta 2007. Áirítear leis sin táillí a bhaineann le comhairleoirí seachtracha, le habhcóidí, le finnéithe (finnéithe saineolacha agus fíorasacha araon), agus le measúnóirí dlí, chomh maith le táillí dlí tríú páirtí.

In 2019, b'ionann na táillí dlí agus €526,208, lena n-áirítear táillí a bhaineann le comhairle a fuarthas maidir le gníomhaíochtaí eile a tharla mar gheall ar an Acht Cógaisíochta 2007, mar shampla costais chlárúcháin agus oideachais, agus costais oibríochta eile.

Amhail an 31 Nollaig 2019, bhí baint ag an CCÉ le himeachtaí Athbhreithnithe Breithiúnaigh a bhain le rialacha reachtúla atá beartaithe a dhéileáil le neamhláithreacht sealadach cógaiseoirí i nGnólachtaí Cógaisíochta Miondíola cláraithe. Tá na táillí uile a tabhaíodh sa chás seo suas go dtí an 31 Nollaig 2019 curtha san áireamh sna Ráitis Airgeadais.

11.Cáin

Tá an CCÉ díolmhaithe ó dhliteanas maidir le Cáin Chorparáide faoi Alt 227 den Acht Comhdhlúite Cánacha 1997.

12. Sócmhainní seasta inláimhsithe

	Talamh agus foirgnimh ruilse €	Feabhsúcháin do na háitribh €	Portráidí, boinn agus suaitheantais €	Daingneán & feistis oifige €	Trealamh & bogearra ríomhaireachta €	Iomlán €
Costas						
Amhail an 1 Eanáir 2019	17,700,000	17,095	10,431	225,484	218,154	18,171,164
Breiseanna		4,700		21,005	121,035	146, 740
Costas diúscartha	-	-	-		(2,077)	(2,077)
Amhail an 31 Nollaig 2019	17,700,000	21,795	10,431	246,489	337,112	18,315,827
Dímheas agus bearnú						
Amhail an 1 Eanáir 2019	-	6,465	-	163,616	165,739	335,820
Dímheas glanta ar dhiúscairtí	-	-	-		(2,077)	(2,077)
Dímheas gearrtha le linn na bliana	-	2,578	-	29,559	33,754	65,891
Amhail an 31 Nollaig 2019	-	9,043	-	193,175	197,416	399,634
An méid tugtha anonn						
Amhail an 1 Eanáir 2019	17,700,000	10,629	10,431	61,868	52,415	17,835,343
Amhail an 31 Nollaig 2019	17,700,000	12,752	10,431	53,314	139,696	17,916,193

Tá suim €73,773 ann a bhaineann leis an tionscadal claochlaithe gnó áirithe le ríomhairí agus bogearraí. Ní dhéanfar é seo a dhímheas go dtí go bhfuil an córas beo go déanach in 2020.

13. Ionstraimí airgeadais

	2019 €	2018 €
Sócmhainní airgeadais		
Iarmhéideanna bainc agus airgid tirim	17,293,778	16,628,011
	17,293,778	16,628,011
Dlíteanais airgeadais		
Creidiúnaithe tráchtála	279,164	133,917

14. Féichiúnaithe

	2019 €	2018 €
Réamhíocaíochtaí & ioncam fabhraithe	175,313	53,096
	175,313	53,096

15. Airgead tirim agus a choibhéis

	2019 €	2018 €
Airgead tirim sa bhanc agus ar láimh	17,293,778	16,628,011
	17,293,778	16,628,011

16. Airgead Tirim

	2019 €	2018 €
Airgead ar láimh	368	28
Cuntais reatha	4,218,933	4,538,960
Cuntas taisce um chistí aoisliúntais	4,660,758	4,341,069
Taiscí téarma shocraithe	8,413,719	7,747,954
	17,293,778	16,628,011

Leis an airgead tirim a choinnítear i dtaiscí téarma seasta, cuimsítear an cúlchiste dlíthiúil ainmnithe de €2,500,000 agus cúlchiste loncaim agus Caiteachais íosta de 30% den loncam Táille Clárúcháin (timpeall ar €2M).

17. Airgead Tirim

	2019 €	2018 €
Creidiúnaithe tráchtála	279,164	133,917
Creidiúnaithe eile	424,548	26,795
ÍMAT/ÁSPC	32,091	108,560
CBL	-	775
PSWT	5,616	14,487
Ioncam iarchurtha	6,009,925	5,983,962
Fabhruithe	633,270	524,652
Scéim Aoisliúntais an CCÉ	4,660,758	4,341,069
	11,645,282	11,134,217

18. Cúltaisí

18.1. Cúltaisí athluachála

Rinne Murphy Mulhall Chartered Surveyors luacháil ar an réadmhaoín ruílse an 18 Eanáir 2019 agus meastar gurb ionann é ar an luach cóir agus €17,700,000. Léirigh an CCÉ an luacháil athbheithnithe seo sna cuntais don bhliain dar críoch 31 Nollaig 2018.

18.2. Cúlchiste dlíthiúil sainithe

De réir straitéis airgeadais an CCÉ tá cúlchiste dlíthiúil sainithe curtha i mbun chun costais ar bith a thiocfadh chun cinn ó dhúshláin dhlíthiúla maidir le cuid ar bith den Acht Cógaisíochta 2007 agus ó rialú ar bith de an CCÉ a íoc. De réir bheartas cuntasíochta CCÉ sa chás nach dteastaíonn cistí dá leithéidí a thuilleadh cuirfear ar ais sa chúlchiste ginearálta iad.

18.3. Cúlchiste ioncaim agus caiteachais

Léiríonn an cuntas ioncaim agus caiteachais barrachais agus easnaimh carnacha aithníodh sa ráitis ioncaim, glan ó aistrithe chuig an gcúlchiste agus ón gcúlchiste.

Molann an Chomhairle go gcoinnítear íosleibhéal an chúlchiste ioncaim agus caiteachais ag 30% den ioncam infhaighte tháillí cláraithe bliantúla atá ag CCÉ agus nach n-úsáidtear an cúlchiste ach amháin le haghaidh gníomhaíochtaí sonracha. Ní mór go gcomhlíonfar na critéir seo a leanas leis na gníomhartha:

- Gníomhartha de chineál aonuaire atá i gceist agus tá siad ailínithe le cuspóirí straitéiseacha fadtéarmacha an CCÉ; agus
- Ní gníomhartha de chineál bliantúla atá i gceist agus is gníomhartha iad a tharlaíonn uair gach cúig bliana, ar a laghad, nó níos mó ná sin.

19. Gluaiseacht i gcúlchistí

	Cúltaisí athluachála	Cúlchiste dlíthiúil sainithe	Cúlchiste ioncaim & caiteachais	Cúlchiste iomlán
Amhail an 1 Eanáir 2019	11,413,635	2,500,000	9,468,598	23,382,233
Farasbarr don bhliain	-	-	357,769	357,769
Amhail an 31 Nollaig 2019	11,413,635	2,500,000	9,826,367	23,740,002

20. Gealltanais phinsin

Scéim Aoisliúntais Chumann Cógaiseoirí na hÉireann 2016

Faoi Sceideal 1 den Acht Cógaisíochta, 2007, ceanglaítear ar an CCÉ scéim chuí aoisliúntais a sholáthar chun sochair aoisliúntais a chur ar fáil dá bhaill foirne, agus i leith gach duine acu, faoi réir fhaomhadh an Aire.

Rinneadh luacháil achtúireach faoi rialacha FRS102 ar staid na scéime amhail an 31 Nollaig 2018. Léiríodh dliteanas foriomlán scéime de € 6.819m sa luacháil. Ní raibh aon tuarascáil achtúireach ar fáil amhail an 31 Nollaig 2019. Ós rud é go bhfuil sócmhainní airgid €4.661m coinnithe ag an CCÉ thar ceann na scéime, tá easnamh glan scéime de €2.158m ann mar thoradh air seo. Mar sin féin, ar na cúiseanna atá leagtha amach thíos, tá an CCÉ den tuairim nár cheart soláthar a dhéanamh don easnamh seo sna ráitis airgeadais.

An 10 Márta 2016, shínigh an tAire Sláinte Sceim Aoisliúntais Chumann Cógaiseoirí na hÉireann 2016(IR 136 de 2016) le toiliú an Aire Caiteachais Phoiblí agus Athchóirithe, agus tháinig an Scéim i bhfeidhm ar an lá sin. Glactar leis na rialacha a leagtar amach sa Sceideal do na 'Rules for Pre-existing Public Service Pension Scheme Members Regulations 2014 (S.I. No. 582 of 2014) mar Scéim chun sochair aoisliúntais a chur ar fáil do bhaill foirne nó ina leith. Le glacadh agus faomhadh na hlonstraime Reachtúla seo, déantar an Scéim Aoisliúntais Foirne agus na Scéimeanna Pinsin Ranníocaigh do Chéilí agus Leanaí a ionchorprú faoi phríomhscéim amháin, i.e. Scéim Aoisliúntais Chumann Cógaiseoirí na hÉireann 2016. Dúnadh an scéim d'iontrálaithe nua san earnáil phoiblí an 31 Nollaig 2012.

Déanann an CCÉ ranníocaíochtaí fostóra comhaontuithe leis an scéim, agus fabhraítear iad sa bhliain a bhfuil siad iníoctha. Níl sásra maoinithe na scéimeanna faofa fós ag an Roinn Caiteachais Phoiblí agus Athchóirithe. Dá bhrí sin, tá na ranníocaíochtaí a bailíodh thar ceann an Stáit á gcoinneáil ag an CCÉ faoi láthair i gcuntas taisce sainithe go dtí go mbeidh an sásra maoinithe faofa go hoifigiúil.

Faoi na cúinsí seo agus i bhfianaise an mhéid thuas, is é tuairim CCÉ nach bhfuil forálacha an FRS 102 Alt 28, Cuntasaíocht do Shochair Fostaithe oiriúnach mar atá siad faoi láthair. Dá réir sin tá na cuntais maidir lena ranníocaíochtaí tuairiscithe aige amhail is dá mba scéim ranníocaíochta sainithe í an Scéim.

An Scéim Pinsin Seirbhíse Poiblí Aonair

Tháinig an Scéim Pinsean Seirbhíse Poiblí Aonair i bhfeidhm an 1 Eanáir 2013 faoi mar a bhforáiltear ina leith san Acht um Pinsin na Seirbhíse Poiblí (Scéim Aonair agus Forálacha Eile), 2012.

Baineann an Scéim Aonair le gach iontrálaí chéaduaire inphinsin sa tseirbhís phoiblí agus le hiarfhostaithe na seirbhíse poiblí atá ag filleadh ar an tseirbhís phoiblí i ndiaidh shos 26 seachtain nó níos mó ná sin a bheith glactha acu. Scéim le sochair shainithe meánchoibhéis ghairme atá sa Scéim.

Tá an CCÉ freagrach as go mbailítear na ranníocaíochtaí don Scéim seo agus go ndéantar iad a tharchur chuig an Roinn Caiteachais Phoiblí agus Athchóirithe. Cuimsítear leis na ranníocaíochtaí gné fostaí agus gné fostóra araon. Tá an CCÉ freagrach as go n-íoctar sochair uile na scéime arna maoiniú ó na ranníocaíochtaí atá iníoctha don Roinn Caiteachais Phoiblí agus Athchóirithe agus de réir a treorach. Níl sochair ar bith iníoctha faoi láthair faoin scéim. Tá an CCÉ den bharúil go bhfuil an éifeacht airgeadais chéanna ag na socruithe pinsin atá luaite thuas agus mar atá ag scéim ranníocaíochta sainithe. Is é tuairim an CCÉ nach bhfuil forálacha Alt 28 de FRS 102, Cuntasaíocht do Shochair Shainithe, a thagann chun cinn faoi na scéimeanna sochair shainithe, oiriúnach sna cásanna seo.

21. Imeachtaí a tharlaíonn i ndiaidh dháta an chláir chomhardaithe

Ní raibh cúinsí nó imeachtaí ar bith eile a tharla i ndiaidh dheireadh na bliana a n-éileodh orainn iad a nochtadh sna ráitis airgeadais nó sna nótaí ná na ráitis nó na nótaí a leasú ach oiread.

22. Páirtithe Gaolmhara


Ní dhearnadh aon idirbheart le páirtithe gaolmhara a bhfuil nochtadh de dhíth ina leith.

23. Páirtí rialaithe

Is í an Chomhairle a dhéanann an CCÉ a rialáil, de réir fhorálacha an Achta Cógaisíochta, 2007.

24. Faomhadh na ráiteas airgeadais

Rinne an Chomhairle na ráitis airgeadais a fhaomhadh agus a údarú le bheith eisithe an 26 Márta 2019.



CCÉ - An Rialtóir Cógaisíochta
info@psi.ie
www.psi.ie

